

बुद्धवचन तिपिटक अन्तर्गत  
सुत्तपिटक खुद्दकनिकायया खुग्गु ग्रन्थ

विमानवच्च  
विमानवत्थु  
Bimanvatthu

अनुवादक  
धर्मरत्न शाक्य "त्रिशुली"

बुद्धवचन तिपिटक अन्तर्गत  
सुत्तपिटक खुद्दकनिकायया खुगुगु ग्रन्थ

विमानवच्च  
विमानवत्थु  
*Bimanvatthu*

Dhamma.Digital

अनुवादक  
धर्मरत्न शाक्य "त्रिशुली"

प्रकाशक  
नगर मण्डप श्री कीर्तिविहार  
कीर्तिपुर ।

प्रकाशक

नगर मण्डप श्री कीर्तिविहार

कीर्तिपुर ।

न्हापांगु संस्करण : १००० प्रति

बुद्ध संबत् : २५४४  
विक्रम संबत् : २०५७

नेपाल संबत् : १९२०  
ईशवी संबत् : २०००



मूल्य : रु. ४०/-

कम्प्युटर सेटिङ : धर्मरत्न शाक्य  
न्याखाचोक, तंचाको, यल ।  
फोन नं. ५३४६८२



मुद्रक :

न्यू नेपाल प्रेस

प्रधान कार्यालय :


नक्साल, नागपोखरी, काठमाडौं  
फोन : ४३४८५०, ४३४७५३  
फ्याक्स : (९७७-१) ४३३९२९

शाखा कार्यालय :

शुक्रपथ, न्यूरोड, काठमाडौं  
फोन : २५९०३२, २५९४५०  
फ्याक्स : (९७७-१) २५८६७८

# श्रद्धाञ्जलि

जन्मः  
वि.सं. २०१८  
पौष शुक्ल चौथी



दिवंगत  
वि.सं. २०५६  
कार्तिक शुक्ल दुतिया

सुखकुमार शाक्य

गुम्हसिनं हृदय रोगी जुया च्वम्ह जित  
बुद्धशासनय् निर्बाधपूर्वक अग्रसर जुइत  
चिन्ता पीर मब्बुसे माक्व ब्यवस्था याना  
त्रिपिटकादि ग्रन्थया अनुवाद

तथा

बर्मा व लुम्बिनीया पण्डितारामय् प्रव्रजित जुया  
विपस्सना अभ्यास यायेत अवसर बिल ।

मत्यवं हे जिमित तोतावंम्ह ।

उम्ह काय् सुखकुमार शाक्यया पुण्यस्मृतिस

## धाये माःगु खँ

१. “पालि त्रिपिटक” बौद्ध वाङ्मयया मूधुकू खः । उकिं थुकिया अनुवाद नेपाली व थी थी भाषाय् जुइ माःगु खःसां अभ् नेपाःया बौद्धपिनिगु थी थी माँभासं अनुवाद जुइ हे माःगु खःसां आः तकं श्री ५ या सरकारं वाः चायेके हे मफुनि । भीपिं नं थुखे न्त्यजाये मफुनि धाःसां ज्यु ।

२. दिवंगत श्रद्धेय आचार्य भिक्षु अमृतनान्द महानायक महास्थविरं “पालि तिपिटक” यात बुद्धकालीन २६गू ग्रन्थमाला कथं नेपाली भाषाय् मुनेगु, हनेगु व भाय् हिलेगु याना ज्वः मदुगु कथं पुण्य ज्या पुवंका बिज्यात ।

३. नेपाल भाषाय् नेपाली भाषाय् सिबे न्त्यवः धर्म प्रचारयात माः माःकथं “पालि त्रिपिटक” या सुत्त व खुद्कनिकायया सफुत पिहाँ वःगु खः । भाजु दुण्डवहादुर वज्राचार्य भाय् हिला बिज्याःगु “दीघनिकाय” व “मज्झिमनिकाय” पिहाँ वयेवं पालि तिपिटक अनुवादं न्हूगु इतिहास छुयेगु ज्या जुल । लिसें “संयुत्तनिकाय” अनुवाद वसपोलं याना बिज्याना च्वन धाःगु न्यना मती वन, म्हनिं सुत्तपिटक नेपाल भाषाय् पुवंक अनुवाद याकनं जुइ फइ । भाजु धर्मरत्न शाक्य ‘त्रिशुली’ “अंगुत्तरनिकाय” अनुवाद याना च्वना बिज्यात धाःगु न्यना मनय् स्वाँ ह्वल ।

४. अले “सुत्तपिटक” या अनुवाद पुवंकेत “खुद्कनिकाय” या १५ गू सफूत मध्यय् अनुवाद जुया पिहाँ मवःनिगु ८ गू सफू पिकायेत छगू मुंज्या जुल । अनुवाद व कम्प्यूटर सेटिंग नितिं छुं छुं ग्वाहालि बीत हिमालय बौद्ध प्रतिष्ठान न्त्यचिल । अनुवादकपित मूल पालि सफू, शब्दकोष व मेमेगु भाषां अनुदितगु दुगु सफू नगर

मण्डप श्रीकीर्ति विहार चूलाका वीगु क्वःजित । मुंज्याय् दुपिंसं  
अनुवाद ज्याय् ब्वति कायेगु खँ पुवन ।

५. थ्व हे मुंज्याया ग्वःसाः कथं आयुष्मान् भिक्षु बोधिसेन  
महास्थविरं 'थेरगाथा' व "पेतवत्थु" अनुवाद पुवंका बिज्यात । भाजु  
भुवनलाल प्रधानं "बुद्धवंस" या अनुवाद याना दिल । भिक्षु  
ज्ञानपूर्णक महास्थविरया थाय् उत्पलवर्ण अनागारिकाया जातक  
अनुवाद च्वज्या नं पु हे वनीन ।

६. श्रद्धालु उपासक ज्ञानज्योति कंसाकारं इनापया छगू  
वचनय् हे "थेरगाथा" "पेतवत्थु", "बुद्धवंस" व "जातक" पिकायेत  
छगूत्या लाख दाँ प्रदान याना दिल । भाजु धर्मरत्न शाक्य 'त्रिशुली'  
अनुवाद पुवंका बिज्याःगु "विमानवत्थु" नगर मण्डप श्रीकीर्ति विहारं  
पिकायेगु जुल ।

७. भाजु धर्मरत्न शाक्य "त्रिशुली" सुगतपुर विहार,  
त्रिशुली निंस्वनेगु इलं निसें थेरवादी विहार व भिक्षु संघया सेवक  
उपासक खः । वसपोल त्रिशुली सामाजिक व शैक्षिक क्षेत्रय् नं  
न्त्यथने बहःम्ह न्त्यलुवाः जुया बिज्यात । लिसें बुद्धधर्मया ब्वमि व  
च्वमि नं जुया बिज्यात । ज्ञानमालायात तपं भजन म्ये चिना बिया  
ज्ञानमाला नं हाला बिज्यात । आः तकया दुने वसपोलयागु धार्मिक,  
साहित्यिक व सांस्कृतिक विषयय् गद्य, पद्य व प्याखंया मौलिक सफू  
अथे हे अनुवाद सफू नापं याना ५५ गू तःधंगु चीधंगु सफू पिहाँ वये  
धुंकूगु दु ।

८. बुद्धवचन "पालि तिपिटक" नेपाल भाषाय् हयेगु ज्या  
मध्यय् आः थथे "सुत्तपिटक" नेपाल भाषाय् पुवंक अनुवादय् हयेगु  
परियोजनाया भवलय् धायेगु खःसा भाजु धर्मरत्न शाक्यं ने.सं.  
१०८८ स हे खुद्कनिकायया न्हापांगु सफू "खुद्कपाठ" अनुवाद  
याना पिकया बिज्याःगु जुल । अले ने.सं. १११३ स वसपोलं अनुवाद  
व सम्पादन याना बिज्याःगु खुद्कनिकायया न्यागूगु सफू

“सुत्तनिपात” नं पालि लिसें दुगु पिहाँ वल । च्वय् न्ह्यथंनार्थे वसपोलं अनुवाद याना बिज्याःगु अंगुत्तरनिकायनं ननानं पिहाँ वइगु आशा याना । ध्व तःधंगु धर्म प्रीतिया खँ खः, वसपोलं अनुवाद याना बिज्यागु खुद्दकनिकायया खुगूगु ग्रन्थ “बिमानवत्थु” नगर मण्डप श्रीकीर्ति विहारं पिकाये खन ।

९. “पालि तिपिटक” अनुवाद व प्रकाशनय् थःत समर्पित याना च्वना बिज्याःम्ह भाजु दुण्डबहादुर वज्राचार्यया प्रेसया ज्याय् ग्वाहालि व सल्लाह साहुतीया नितिं जिगु सुभाय् दु । थुजागु धर्मग्रन्थ कम्प्यूटर सेटिंग्गय् दत्तचित्तम्ह भाजु धर्मरत्न शाक्ययात नं धन्यवाद दु ।

थुलि धाये माःगु खँ खः ।

१०. “पालि तिपिटकया नेपाल भाषां अनुवाद पुवंकेत” अपदान, निद्देस व पटिसम्भदामग्ग अनुवाद पुवंके खनीगु व अनुदित जुगु सफूया प्रकाशक श्रद्धालु दातापिं नं दइगु आशा व विश्वास दुगु खँ मेगु धाये मानिगु खँ खः ।

नगर मण्डप श्रीकीर्तिविहार  
कीर्तिपुर नगरपालिका - १७  
कीर्तिपुर  
१/६/२०५७

- भिक्षु सुदर्शन महास्थविर

## भूमिका

“विमानवत्थु”या आशय खः विमान अथवा देवभूमितयुग प्रकरण । थुगु ग्रन्थय् निगू भाग दु इत्थिविमान तथा पुरिसविमान । न्हापांयागु भागय् स्त्री व निगूगु भागय् पुरुषपिनिगु देवभूमिया वर्णन दु ।

“विमानवत्थु”स चय्प्यंगू देवभूमित वर्णन याना तःगु दु, गुगु न्हेगू वर्गय् विभाजित जुया च्वंगु दु । थुपिं मध्ये न्येगू इत्थिविमान व स्वीन्यागू पुरिसविमानया अन्तर्गतय् दु । थुपिं फुकेसनं थ्व हे कना तःगु दु कि फलानाम्ह देवता अथवा देव द्वारा थःगु मनुष्य जीवनय् गुगु पुण्यकर्म याना तःगु दु गुकिया परिणामस्वरूप वयात देवभूमि प्राप्त जुल ।

Dhamma.Digital

देवभूमिया नाँ, आकारत व छुं भचा आमोद प्रमोदयात तोता थुपिं फुकया वर्णन शैली व मूल भावना लगभग उत्थे हे चों ।

मनुष्य जीवनय् संपादित पुण्य कर्मतयुग गुलिखे उदाहरण थुकथं खः

- ❧ अतिथिपिंत आसन बीगु, उमित ल्हाः बिनित्त याना अभिवादन यायेगु व उमित लोःगु दान बीगु ।
- ❧ भिक्षाटनय् बिज्याःम्ह भिक्षुयात खीर, मरि, तुसि, छम्हू तर्कारी अथवा कुसा, लकाँ, पंखा इत्यादि बीगु ।



- ५ विपन्न जूसां बृद्धिं मांबौपित भरण पोषण यायेगु ।
- ५ विहारय् बृक्षारोपण, व तस्सकं तां नोइबले सिमाय् लःबीगु ।
- ५ प्रसन्न चित्तं थःगु लहातं भगवानया स्तूपय् माल्यार्पण यायेगु ।
- ५ विद्या व आचरणं सम्पन्न, तृष्णाक्षय प्राप्तम्ह, बहुश्रुत, यशस्वी, शीलवान श्रमणपित खनेवं उमित प्रसन्न चित्तं सत्कारपूर्वक जलपान याकेगु व फक्व दान बीगु ।

शील सदाचारया जीवन हनेगु व उक्त प्रकारं दान बीगुलिं नं देवभूमित प्राप्त जुइगु क्यनातःगु दु, अर्थात् प्राणीहिंसां विरत जुइगु, मब्बुगु वस्तु ग्रहण मयायगु, ऐला थ्वं आदि मादक पदार्थ सेवन मयायेगु, भूठ खं मल्हायेगु, पति पत्नीया परस्पर सम्बन्धय् सन्तुष्ट जुइगु हानं (जनपित) प्रसन्न चित्तं सत्कारपूर्वक जलपान याकेगु व यक्व दान बीगु । *Dhamma.Digital*

थथे हे प्रमुदित मनं उपोसथ व्रतय् च्वनेगु, अर्हतपित सम्मान यायेगु, संघयात उद्देश्य याना दान बीगु, इत्यादिं नं देवयोनि प्राप्त जुइगु कनातःगु दु ।

“विमानवत्थु”स छम्ह थुजाम्ह देवता नं दु गुम्हसिया धारणा दु कि देवभूमि विशेष प्राप्त याना नं जिगु पुण्यकर्म पूर्णरूपं परिपाक मज्जनि, हानं वयागु आशा दु कि संभवतः जि “सकृदागामिनी” जुइ तिनि ।

(स्वया दिसं “विसालक्खिविमानवत्थु”) ।

(साभार विपस्सना विशोधन विन्यास इगतपूरी)

## निगू शब्द

बि.सं. २०१७ सालं पूज्यवर स्व. संघमहानायक प्रज्ञानन्द महास्थविरं पिकया बिज्यागु “परित्राण मूल पालि व नेपाल भाषा” स्व. पूज्य धम्मालोक महास्थविरया प्रेरणाद्वारा बुद्धधर्मया धर्मग्रन्थत अनुवाद यायेगुली विपस्सना अनागारिकाया अनुरोध कथं दकले न्हापां नेपाली भाषाय् अनुवाद प्रारम्भ यानागु खः । अनलि छसिंकथं खुद्दकपाठ, चरियापिटक, उदान, सुत्तनिपात, नेपाल भाषां अनुवाद याना, प्रकाशन नं जुया वं वन । थुकिया बिचय् स्व. संघनायक पूज्य शाक्यानन्द महास्थविरया वचनानुसार मज्झिमनिकायया छ्छक्क सूत्र व तीनसूत्र निगू सफू नं नेपाली भाषाय् अनुवाद याना, वसपोलं हे प्रकाश याना बिज्यात ।

वयां लिपा पूज्य अमृतानन्द महास्थविरया अनुमति कथं बुद्धशासनको इतिहास, विश्वन्तर जातक, आदि व मेमेगु सफूत नं नेपाल भाषा व नेपाली भाषाय् अनुवाद यानावं वना, प्रकाशित नं जुयावं वन, गुकियात पूज्य बुद्धघोष महास्थविर, सुदर्शन महास्थविर, ज्ञानपूर्णिक महास्थविर तथा भिक्षु मैत्रीया पाखें माक्व ग्वाहालि प्राप्त जुल ।

बि.सं. २०४७ साले आकाभाकां हृदयरोगं कल, सौभाग्यं पूज्य ध्यानगुरु कल्याणमित्र सत्यनारायण गोयन्काया सान्निध्ये विपस्सनाया प्रारम्भ याना अभ्यास याना च्वनागु

कारणं पाली त्रिपिटकयात देवनागरी लिपी हिलेगु ज्याय् पूज्य ज्ञानपूर्णिक महास्थविरया नेतृत्वय् स्व. साहु मणिहर्षज्योतिया निवासय् सहभागी जुइ दुगुलिं जिगु जीवनया सुरक्षाय् तःधंगु प्रभाव लात । मेमेगु ज्यां लिचिला बुद्धधर्मया ग्रन्थ अध्ययन अनुवाद यायेगुली हे मन प्रसन्न जूगु जुया उकी हे जीवन छचलावना ।

सहृदयी मित्र दुण्डबहादुर बज्राचार्यपाखें त्रिपिटक ग्रन्थया दीघनिकाय नेपाल भाषाय् अनुवाद जुया पिहाँ वसेलि जिं नं थुगु जन्मय् पूर्वके मफुसां मेगु जन्मय् जूसां पूर्वके धयागु मनं अंगुत्तरनिकाय छगू अनुवाद यायेगु संकल्प याना । विचय् विचय् पूज्य सुदर्शन महास्थविरं चवया बिज्याःगु “बिश्वे बुद्ध धर्म” सफूतनं नेपाली अनुवाद यानावं वना । थः हृदयरोगी जूगु कारणं याना डाक्टरया सल्लाह कथं वासः सेवन तथा संयमित जीवन हना फक्व समय विपस्सना भावनाय् मन तथा शिविरय् ब्वति कयावं चवना । थ्व हे पुण्यया फलं अन्तराष्ट्रिय बौद्ध भावना केन्द्र शंखमूलया कम्मद्वानाचरिय पूज्य सयादो ऊ. आसभाचारया अनुकम्पां आशा हे म्दुकथं महोपकारक अगममहापण्डित ओवादाचरिय सयादो पण्डिताभिवंस महास्थविरया पाखें बर्माय् जंगलय् च्वंगु पण्डिताराम समुद्घाटनया शुभ उपलक्षस नेपाःया पाखें नं प्रब्रजित जुया विपस्सना ध्यान शिविरय् चवनीपिंगु पुचलय् थःनं सम्मिलित जुया बर्माया पूज्य तथा दर्शनीय स्थलया दर्शन भ्रमण याना भिन्हु मात्र जूसां प्रब्रज्या उपसम्पदा प्राप्त याना थः माँबौपित शासनदायाद पुण्य अर्पण याना मन आनन्द याये खन । वथें हे लुम्बिनीच्वंगु पण्डिताराम समुद्घाटनया

अवसरे नं भिन्हु मात्र जूसां प्रव्रज्या उपसम्पदा प्राप्त याना सन्तोष काये खन । थ्व फुक्क विपस्सना भावना अभ्यासया हे फल भापिया । थुपिं फुक्क पुण्य कार्य सम्पन्न जुइ फुगु काय् म्हचाय् जहान आदि सकल परिवारपिनिगु सहानुभूति व धम्मावती प्रमुख सकल अनागारिका गुरुमापिनिगु आशिर्वादया फल नं खः ।

वंगु सालय् पूज्य सुदर्शन महास्थविरया पाखें सन् २००० या दुने त्रिपिटके सूत्रपिटक छगू जूसां नेपाल भाषाय् अनुवाद पूर्वकेगु योजना याना बिज्याःगुली जिगु जिम्माय् थःमं अनुवाद याना च्वनागु “अंगुत्तरनिकाय” व “विमानवत्थु” जिम्मा बिया बिज्यागुलिं फक्क याकनं अनुवाद क्वचाय्केगु कुतः याना अंगुत्तरनिकाय अनुवाद क्वचाय्का, विमानवत्थु अनुवाद यानावं च्वनाबले जित फुक्क सुख सुबिधा बिया छुं प्रकारयानं चिन्ता जुइ धका बिचाः याना च्वंम्ह चिकिधिकःम्ह काय् सुखकुमार शाक्य आकाभाकां हृदयगति बन्द जुया परलोक जुया वन । अनिच्चावत संखारा । उकिं थुगु विमानवत्थु सफू छगू सिमधःनिगु नं क्वचाय्का थ्व हे काय्या पुण्यस्मृतिस श्रद्धाञ्जलि स्वरूप देछायाच्वना । नापनापं थः तथा थःथिति मित्र बन्धु पासापिनिपाखें प्राप्त पुण्य तथा सहानुभूति श्रद्धाञ्जलिया प्रभावं दिवंगत पुत्र सुखकुमार शाक्यया सुगति तथा निर्वाण कामना यानागु जुल ।

“अनिच्चावत संखारा, उप्पाद वय धम्मिनो ।

उपज्जित्वा निरुज्झन्ति, तेसं वूपसमो सुखो”ति ॥

थुगु विमानवत्थु अनुवाद यायेत पूज्य अमृतानन्द  
महास्थविरयागु विमान कथाया लिधंसाय् उकी दुगु व हे  
अनुवाद याना उकी मुदुगु “विपस्सना विशोधन विन्यास  
इगतपुरी” द्वारा प्रकाशित “पाली विमानवत्थु अट्टकथा” व  
“बुद्धजयन्ती त्रिपिटक ग्रन्थमाला श्रीलंका सरकार” पाखें  
मुद्रित “विमानवत्थु पालि” या लिधंसा कया थःमं सःसःथे  
जक अनुवाद यानागु खः । थुकी अभनं थुइके मफुगुयात  
पूज्य भिक्षु मैत्रीद्वारा संशोधन याका पूर्वकागु जुल । अथेनं  
थुकी दोगु दय्फु उकिं क्षमा फ्वना च्वना ।

भवतु सब्ब मङ्गलं ।

शंखमूल चोक, नयां बानेश्वर धर्मरत्न शाक्य “त्रिशूली”  
बि.सं. २०५६।८।६ गते

Dhamma.Digital

# विषय सूची

ध्याये माःगु खँ

भूमिका

१. इत्थिविमान

१

१. पीठवर्ग

१

१. पठमपीठविमानवस्तु

१

२. दुतियपीठविमानवत्थु

२

३. ततियपीठविमानवत्थु

३

४. चतुत्थपीठविमानवत्थु

५

५. कुञ्जरविमानवत्थु

६

६. पठमनावाविमानवत्थु

८

७. दुतियनावाविमानवत्थु

१०

८. ततियनावाविमानवत्थु

११

९. दीपविमानवत्थु

१३

१०. तिलदक्खिणविमानवत्थु

१५

११. पठमपतिब्बताविमानवत्थु

१६

१२. दुतियपतिब्बताविमानवत्थु

१७

१३. पठसूणिसाविमानवत्थु

१८

१४. दुतियसुणिसाविमानवत्थु

२०

१५. उत्तराविमानवत्थु

२१

१६. सिरिमाविमानवत्थु	२३
१७. केसकारीविमानवत्थु	२६
<b>२. चित्तलतावर्ग</b>	<b>२८</b>
१. दासिविमानवत्थु	२८
२. लखुमाविमानवत्थु	३०
३. आचामदायिकाविमानवत्थु	३१
४. चण्डालिविमानवत्थु	३३
५. भद्रित्थिविमानवत्थु	३५
६. सोणदिन्नाविमानवत्थु	३६
७. उपोसथाविमानवत्थु	३८
८. निदाविमानवत्थु	३९
९. सुनिदाविमानवत्थु	४१
१०. पठमभिक्खादायिकाविमानवत्थु	४२
११. दुतियभिक्खादायिकाविमानवत्थु	४२
<b>३. पारिच्छत्तकवर्ग</b>	<b>४४</b>
१. उलारविमानवत्थु	४४
२. उच्छुदायिकाविमानवत्थु	४५
३. पल्लंकविमानवत्थु	४७
४. लताविमानवत्थु	४८
५. गुत्तिलविमानं	५१
१. वत्थुत्तमदायिकाविमानवत्थु	५१
२. पुप्फुत्तमदायिकाविमानवत्थु	५२
३. गन्धुत्तमदायिकाविमानवत्थु	५३

४. फलुत्तमदायिकाविमानवत्थु	५४
५. रसुत्तमदायिकाविमानवत्थु	५५
६. गन्धपञ्चङ्गुलिकदायिकाविमानवत्थु	५६
७. एकूपोसथविमानवत्थु (१)	५७
८. उदकदायिकाविमानवत्थु (२)	५८
९. उपट्ठानविमानवत्थु (३)	५९
१०. अपरकम्मकारिणीविमानवत्थु (४)	६०
११. खीरोदनदायिकाविमानवत्थु	६१
१२. फाणितदायिका विमानवत्थु (१)	६२
१३. उच्छुखण्डिकदायिकाविमानवत्थु (२)	६२
१४. तिम्बरुसकदायिकाविमानवत्थु (३)	६२
१५. कक्कारिकदायिकाविमानवत्थु (४)	६२
१६. एलालुकदायिकाविमानवत्थु (५)	६३
१७. वल्लिफलदायिकाविमानवत्थु (६)	६३
१८. फारुसकदायिकाविमानवत्थु (७)	६३
१९. हत्थप्पतापकदायिकाविमानवत्थु (८)	६३
२०. साकमुट्ठिदायिकाविमानवत्थु (९)	६३
२१. पुप्फकमुट्ठिदायिकाविमानवत्थु (१०)	६४
२२. मूलकदायिकाविमानवत्थु (११)	६४
२३. निम्बमुट्ठिदायिकाविमानवत्थु (१२)	६४
२४. अम्बकञ्जिकदायिकाविमानवत्थु (१३)	६४
२५. दोणानिम्मज्जनिदायिकाविमानवत्थु (१४)	६४
२६. कायबन्धनदायिकाविमानवत्थु (१५)	६५



२७. अंसबद्धकदायिकाविमानवत्थु (१६)	६५
२८. आयोगपट्टदायिकाविमानवत्थु (१७)	६५
२९. विधूपनदायिकाविमानवत्थु (१८)	६५
३०. तालवण्टदायिकाविमानवत्थु (१९)	६५
३१. मोरहत्यदायिकाविमानवत्थु (२०)	६६
३२. छत्तदायिकाविमानवत्थु (२१)	६६
३३. उपाहनदायिकाविमानवत्थु (२२)	६६
३४. पूवदायिकाविमानवत्थु (२३)	६६
३५. मोदकदायिकाविमानवत्थु (२४)	६६
३६. सक्खलिकदायिकाविमानवत्थु (२५)	६७
६. ददुल्लविमानवत्थु	६७
७. पेसवतीविमानवत्थु	७१
८. मल्लिकविमानवत्थु	७३
९. विसालक्खिविमानवत्थु	७४
१०. पारिच्छत्तकविमानवत्थु	७६
<b>४. मञ्जिट्ठकवर्ग</b>	<b>७८</b>
१. मञ्जिट्ठकविमानवत्थु	७८
२. पभस्सरविमानवत्थु	७९
३. नागविमानवत्थु	८०
४. अलोमविमानवत्थु	८१
५. कञ्जिकदायिकाविमानवत्थु	८२
६. विहारविमानवत्थु	८३
७. चतुरित्थिविमानवत्थु	८७

८. अम्बविमानवत्थु	९०
९. पीतविमानवत्थु	९१
१०. उच्छ्रुविमानवत्थु	९३
११. वन्दनविमानवत्थु	९४
१२. रज्जुमालाविमानवत्थु	९५

## २. पुरिसविमानं १००

### ५. महारथवर्ग १००

१. मण्डूकदेवपुत्तविमानवत्थु	१००
२. रेवतीविमानवत्थु	१०१
३. छत्तमाणवकविमानवत्थु	१०४
४. कक्कटकरसदायकविमानवत्थु	१०८
५. द्वारपालविमानवत्थु	११०
६. पठमकरणीयविमानवत्थु	१११
७. दुतियकरणीयविमानवत्थु	११२
८. पठमसुचिविमानवत्थु	११३
९. दुतियसुचिविमानवत्थु	११४
१०. पठमनागविमानवत्थु	११५
११. दुतियनागविमानवत्थु	११६
१२. ततियनागविमानवत्थु	११७
१३. चूलरथविमानवत्थु	११८
१४. महारथविमानवत्थु	१२२

<b>६. पायासिवर्ग</b>	<b>१२८</b>
१. पठमअगारियविमानवत्थु	१२८
२. दुतियअगारियविमानवत्थु	१२९
३. फलदायकविमानवत्थु	१२९
४. पठमउपस्सयदायिकविमानवत्थु	१३१
५. दुतियउपस्सयदायकविमानवत्थु	१३१
६. भिक्खादायकविमानवत्थु	१३२
७. यवपालकविमानवत्थु	१३३
८. पठमकुण्डलीविमानवत्थु	१३४
९. दुतियकुण्डलीविमानवत्थु	१३५
१०. (उत्तर)पायासिविमानवत्थु	१३६
<b>७. सुनिक्खित्तवर्ग</b>	<b>१३८</b>
१. चित्तलताविमानवत्थु	१३८
२. नन्दनविमानवत्थु	१३९
३. मणिथूणविमानवत्थु	१४०
४. सुवण्णविमानवत्थु	१४१
५. अम्बविमानवत्थु	१४२
६. गोपालविमानवत्थु	१४४
७. कण्डकविमानवत्थु	१४६
८. अनेकवण्णविमानवत्थु	१५०
९. मट्टकुण्डलीविमानवत्थु	१५१
१०. सेरिसकविमानवत्थु	१५४
११. सुनिक्खित्तविमानवत्थु	१६५

नमोतस्स भगवतो अरहतो सम्मासम्बुद्धस्स ।

# खुहकनिकाय

## विमानवत्थु

### १. इत्थिविमान

#### १. पीठवर्ग

#### १. पठमपीठविमानवस्तु

१. "गथे मनया वेग इच्छा यानागु थासय् थ्यनी अथे हे छंगु ध्व सुवर्णमय विशाल पीठ (विमान) नं थ्यंकेफु; छं नं बांलाःगु वस्त्रत पुना अलंकृत जुया स्वामालं क्वखाया आकाशय् च्वय् पल्पसा थीथें थिना च्वंगु दु ।

२. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

३. "हे महानुभावसम्पन्नम्ह देवी ! जिं न्यनाचवना कि मनुष्य जुया चवनाबले छं छु पुण्यकर्म याना ? गथे छं थपाय्सकं तेज दुम्ह जुल ? गथे छंगु शरीरया तेज फक्क दिशापाखे प्रकाश जुल ?"

४. मौद्गल्यायनद्वारा न्यंगु प्रश्नत न्यना उम्ह देवता लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

५. "मनुष्यलोक्य् मनुष्य जुया च्वनाबले जिं अभ्यागतपित्तं आसन बिया, अभिवादन याना, ल्हाः जोजलपा नमस्कार याना तथा यथाशक्य दान नं बिया ।

६. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

७. "हे महानुभावसम्पन्न भिक्षु ! मनुष्यलोक्य् च्वना च्वनाबले गुगु पुण्य-कर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## २. दुतियपीठविमानवत्थु

८. "गथे मनया बेग इच्छा यानागु थासय् थ्यनी अथे हे छंगु थ्व वैदुर्यमय विशाल पीठ (विमान) नं थ्यंके फुः छ नं बाँलाःगु वस्त्रत पुना अलंकृत जुया स्वामालं क्वखाया आकाशय् च्वय् पल्पसा थीथें थिना च्वंगु दु ।

९. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

१० "हे महानुभावसम्पन्नम्ह देवी ! जिं न्यनाचवना कि मनुष्य जुया चवनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

११. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा व सम्पत्ति प्राप्त जूगु खः व खं कना वं थथे धाल-

१२. "मनुष्यलोक्य् मनुष्य जुया चवनाबले जिं अभ्यागतपित्तं आसन बिया, अभिवादन याना, ल्हाः जोजलपा नमस्कार याना तथा यथाशक्य दान नं याना ।

१३. "उकियागु हे प्रभावद्वारा जिगु थुजागु शरीर-वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत लाभ जूगु खः ।

१४. "हे महानुभावसम्पन्न भिक्षु ! मनुष्यलोक्य् चवना चवनाबले गुगु पुण्यकर्म जिं यानागु खः व कनेधुन; व हे कर्मया प्रभावद्वारा तेज दुगु शरीर जूगु खः, उकियागु हे प्रभाव द्वारा जिगु शरीरया तेज फुक्क दिशापाखे प्रकाशित जूगु खः ।"

### ३. ततियपीठविमानवत्थु

१५. "गथे मनया बेग इच्छा यानागु थासय् थ्यनी अथे हे छंगु ध्व सुवर्णमय विशाल पीठ (विमान) नं थ्यंकेफु; छ नं बाँलाःगु वस्त्रत पुना अलंकृत जुया स्वामालं

क्वखाया आकाशय् च्वय् पल्पसा थीथें थिनाच्वंगु दु ।

१६. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

१७. "हे महानुभावसम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फक्क दिशापाखे प्रकाश जुल ?"

१८. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा व सम्पत्ति प्राप्त जूगु खः व खँ कना वं थथे धाल-

१९. "हे महानुभावसम्पन्न भिक्षु ! न्हापाया जन्मय् मनुष्यलोकय् मनुष्य जुया च्वनाबले भतिचा जक कर्मयागु फल खः गुकिया प्रभावद्वारा थथे तेज दुगु शरीर जूगु खः ।

२०. "न्हापायागु जन्मय् जि मनुष्यलोकय् मनु जुया च्वनाबले, जिं विरज जुया बिज्याम्ह, अति प्रसन्न तथा निर्मल जुया बिज्याम्ह भिक्षुयात खना, अले जिं प्रसन्नतापूर्वक थःगु हे ल्हातं वसपोलयात पीडा (फेत्वीगु कोप) दान बिया ।

२१. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जितः यःगु वस्तुत नं लाभ जूगु खः ।

२२. "हे महानुभावसम्पन्न भिक्षु ! मनुष्यलोक्य् च्वना च्वनाबले गुगु पुण्य-कर्म जिं यानागु खः व कनेधुनः; उगु हे कर्मया प्रभावद्वारा तेज दुगु शरीर जूगु खः; उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

#### ४. चतुर्थपीठविमानवत्थु

२३. "गथे मनया बेग इच्छा यानागु थासय् थ्यनी अथे हे छंगु थ्व वेलोरमय विशाल पीठ (विमान) नं थ्यंकेफु; छ नं बांलाःगु वस्त्रत पुना अलंकृत जुया स्वांमालं क्वखाया आकाशय् च्वय् पल्पसा थीथें थिना च्वंगु दु ।

२४. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

Dhamma.Digital

२५. "हे महानुभावसम्पन्नम्ह देवी ! जिं न्यनाच्वना कि- मनुष्य जुया च्वनाबले छ छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

२६. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल-

२७. "हे महानुभावसम्पन्न भिक्षु ! न्हापाया जन्मय् मनुष्यलोक्य् म्हचाय्मचा जुया च्वनाबले थ्व जिगु भतिचा



जक कर्मयागु फल खः गुकिया प्रभावद्वारा थथे तेज दुगु शरीर दुगु खः ।

२८. "न्हापायागु जन्मय् जि मनुष्यलोकय् मनु जुयाच्चवनाबले, जिं विरज जुया बिज्याम्ह, अति प्रसन्न तथा निर्मल जुया बिज्याम्ह बुद्धयात खना, अले जिं प्रसन्नतापूर्वक थःगु हे लहातं वसपोलयात पीडा (फेत्वीगु कोप) दानबिया ।

२९. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

३०. "हे महानुभावसम्पन्न भिक्षु ! मनुष्यलोकय् चवना चवनाबले निर्मल (राग मदुम्ह) तथा सुप्रसन्न जुयाच्चंम्ह भिक्षु खना वसपोलयात प्रसन्नतापूर्वक थःगु हे लहातं पीठ (खाता) दान बिया वयागु दु । गुगु पुण्यकर्म जिं यानागु खः व कने धुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाश जूगु खः ।"

## ५. कुञ्जरविमानवत्थु

३१. "थीथी प्रकारया रत्नद्वारा अलंकृत यानातःगु, आकाशय् बांलाक वनाच्चंगु तथा बेग-सम्पन्नगु छंगु हस्तियान तस्सतं उत्तम व मनोहर जू ।

३२-३३. पलेस्वाँ समान वर्ण जुयाच्च्वंगु पद्मनेत्र  
जुयाच्च्वंम्ह पलेस्वाँथे तेज दुम्ह पलेस्वाँ चूं ह्वलाःतगु तथा  
सुवर्णपद्मया स्वाँमालं क्वखाया तःम्ह किसि पलेस्वाँहः  
लायाःतःगु लैपुई बुलुहं वना च्वन ।

३४. गुम्ह किसि न्यासिवनीबले वयागु गःपतय्  
कोखायेका तःगु कय्यागु गंतय्गु शब्द पञ्चाङ्गिक  
तूर्यनादया सःथे न्हचाइपुक शब्द वयाच्च्वनी ।

३५. उम्ह किसिया बोहले शुद्ध वस्त्रत छायापाः  
तःगु दु, अप्सरातय्गु विशाल समूह नं न्हचाइपु जू ।

३६. "थुपिं छंगु सम्पत्तित दानया फल खःलाकि  
शीलया फल खः अथवा नमस्कारया फल खः ? छुकिया  
फल खः ? थ्व जिगु प्रश्नया लिसः ब्यु ।"

३७. मौद्गल्यायनद्वारा न्यंगु प्रश्नत न्यना उम्ह  
देवी लय्ताया गुगु कर्मया फलद्वारा उगु सम्पत्ति प्राप्त  
जूगु खः व खँ कना वं थथे धाल

३८. "ध्यानी तथा ध्यानय्-रत जुइपिं गुणसम्पन्न  
पुरुषयात खना स्वाँ ह्वलाःतःगु आसन व अस्तरण (वस्त्र)  
दान बिया ।

३९. "बच्छिभाग पलेस्वाँया माः आसनया प्यख्येरं  
तयाःबिया हानं बच्छिभाग पलेस्वाँया हः बय् ह्वलाः अले  
प्रसन्नगु चित्त याना थःगु हे लहातं दान बिया ।

४०. "व हे कुशल कर्मया फलद्वारा थ्व थुजागु  
फल प्राप्त जूगु खः, व हे कुशल-कर्मयागु फलद्वारा

देवतापिनि बिचे जित थुजोगु मान सत्कार प्राप्त जूगु खः ।

४१. "गुम्हसिनं सम्यक् रूपं विमुक्त जूम्ह तथा शान्तम्ह ब्रह्मचारीयात प्रसन्नतापूर्वक आसन दान बी, उम्हसिनं जिं भोगेयानाथे हे फल भोगेयाना आनन्दपूर्वक चवने दइ ।

४२. "उकिं आत्महित चाहना याइम्हसें जिंथे क्षीणास्रवीयात महान आकांक्षा तथा आसन दान बी फयेकेमाः ।"

## ६. पठमनावविमानवत्थु

४३. "हे नारी ! छ लुं भुनातःगु डुङ्गाय् चवना चवन गुकिया प्यख्यरं पुष्करणीत दु हानं उगु पुखुलिं पलेस्वात ल्हातिं थ्वयाचवन । Digital

४४. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

४५. "हे महानुभासम्पन्नम्ह देवी ! जिं न्यनाचवना कि मनुष्य जुया चवनाबले छै छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

४६. मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खै कना वं थथे धाल -

४७. "न्हापाया जन्मय् जि मनुष्यलोकय् मनुष्य जुया च्वनाबले त्यानुपिं तथा प्याःचाःपिं भिक्षुपित खना उमित जिं लः दान बिया ।

४८. "गुम्हसिनं त्यानुपिं तथा प्याःचाःपित लः दान बिइ उम्हसिनं आपालं माःहनाःतःगु सहित पलेस्वानं सुशोभित तथा ख्वाउंगु लः दुगु खुसि प्राप्त याइ ।

४९. "उगु ख्वाउंगु लः दुगु खुसि प्यख्यरं सदानं न्हयाना च्वनी हानं उकिया सिथे फि ह्वलाःतःगु दै । अमा, धुंसिमा तथा जमुनामा आदि सिमात नं दइ हानं उद्दालक व पातली धयागु स्वातय्सं नं छायापाःतःगु दइ ।

५०. "उजागु भूमिभागय् च्वंगु विमान अतिसुन्दर जुइ, उगु हे लः दान यानागु कारणं जित थुजागु फल प्राप्त जूगु खः । पुण्य याइम्हसित थुजागु हे फल प्राप्त जुइ ।

Dhamma.Digital

५१. "उकियागु हे प्रभावद्वारा जिगु शरीर थुजागु वर्ण जूगु खः उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

५२. "हे महानुभावसम्पन्न भिक्षु ! मनुष्यलोकय् च्वना च्वनाबले गुगु पुण्यकर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## ७. दूतियनावाविमानवत्थु

५३. "हे नारी ! छं लुं भुनातःगु डुङ्गाय् च्वना च्वन गुकिया प्यख्यरं पुष्करणीत दु हानं उगु पुखुलिं पलेस्वात ल्हातं थ्वया च्वन ।

५४. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

५५. "हे महानुभावसम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्यकर्म याना ? गथे छ थपाय्स्कं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

५६. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्तित प्राप्त जूगु खः व खं कना वं थथे धाल -

५७. "न्हापाया जन्मय् जि मनुष्यलोकय् मनुष्य जुया च्वनाबले त्यानुपिं तथा प्याःचाःपिं भिक्षुपिं खना उमित जिं लः दान बिया ।

५८. "गुम्हसिनं त्यानुपिं तथा प्याःचाःपित लः दान बिइ उम्हसिनं आपालं माःहनाःतःगु सहित पलेस्वानं सुशमोभित तथा ख्वाउंगु लः दुगु खुसि प्राप्त याइ ।

५९. "उगु ख्वाउंगु लः दुगु खुसि प्यख्यरं सदानं न्हयाना च्वनी हानं उकिया सिथय् फि ह्वलाःतःगु दइ । अमा, धुंसिंमा तथा जमुनामा आदि सिमात नं दइ हानं

उद्दालक व पातली धयागु स्वातयसं नं छायापातःगु दइ

६०. "उजागु भूमिभागय् च्वंगु विमान अतिसुन्दर जुइ, उगु हे लः दान यानागु कारणं जित थुजागु फल प्राप्त जूगु खः । पुण्य याइम्हसित थुजागु हे फल प्राप्त जुइ ।

६१. "उकियागु हे प्रभावद्वारा जिगु शरीर थुजागु वर्ण जूगु खः उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जितः यःगु वस्तुत नं लाभ जूगु खः ।

६२. "हे महानुभावसम्पन्न भिक्षु ! मनुष्यलोकय् च्वना च्वनाबले गुगु पुण्यकर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## ८. ततियनावाविमानवत्थु

६३. "हे नारी ! छ लं भुनातःगु डुङ्गाय् च्वना च्वन गुकिया प्यख्यरं पुष्करणीत दु हानं गुकिया पलेस्वात ल्हातं थ्वया च्वन ।

६४. "ठीक जुइक भागथलाः विभाजन यानातःगु कूटागारय् छ च्वना च्वन गुगु प्यख्यरं प्वाला प्वाला थीगुया नापनापं प्रकाश नं वया च्वन ।

६५ "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

६६. "हे महानुभावसम्पन्नह देवी ! जिं न्यनाचवना कि मनुष्य जुया चवनाबले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फक्क दिशापाखे प्रकाश जुल ?"

६७. सम्बुद्धद्वारा न्यनाबिज्यागु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

६८. "न्हापाया जन्मय् जि मनुष्यलोकय् मनुष्य जुया चवनाबले त्यानुपिं तथा प्याःचाःपिं भिक्षुपिं खना इमित जिं लः दान बिया ।

६९. "गुम्हसिनं त्यानुपिं तथा प्याःचाःपित लः दान बिइ उम्हसिनं आपालं स्वांमाःत सहित पलेस्वानं सुशोभितगु तथा ख्वाउंगु लः दुगु खुसि प्राप्त याइ ।

७०. "उगु ख्वाउंसे च्वंगु लः दुगु खुसि प्यखेसनं सदानं न्हचानाचवनी हानं उकिया सिथय् फित चख्यनाचवनी अं, धुसिं तथा जमुना आदिया सिमात नं दयाचवनी अले उद्दालक, व पाटली धयागु स्वांतनं छायापिया चवनी ।

७१. "उजागु भूमीभागय् दुगु विमान अत्यन्त सुन्दर जुइ; व हे लः दान यानागु कारणं जिं थुजागु फल प्राप्त यानागु ख; पुण्य याइम्हसिनं थथे हे प्राप्त याइ ।

७२. "म्हय्खा दुगु जिगु छेंयात ठीक जुइक विभाजन यानातःगु दु, प्यंगुलिं दिशापाखे टल्के जुइगुया नाप नापं प्रकाश नं वयाच्चंगु दु ।

७३. ध्व हे पुण्यया प्रभावद्वारा जिगु थुजागु शरीर वर्ण जूगु खः, उकियागु हे प्रभावद्वारा मनं तुनाथे जिं भोग सम्पत्ति नं प्राप्त यानागु खः ।"

७४. "हे महानुभावसम्पन्न बुद्ध ! मनु जुया चवना बले गुगु पुण्यकर्म यानागु खः व खँ जिं कना; उकियागु हे प्रभावद्वारा जिगु थुजागु ज्वलित प्रभाव दुगु खः हानं जिगु तेजनं फुक्क दिशापाखे न्यंगु खः । ध्व हे पुण्यफल बीकेत बुद्ध भगवानं जिं दान बियागु लः त्वना बिज्यागु खः ।"

## ९. दीपविमानवत्थु

Dhamma.Digital

७५. "हे देवते ! सुन्दर-रूप धारण याना, फुक्क दिशापाखे तेज फिंजे याना शुक्रताराथें छ् चवना चवन ।

७६. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु दु ।

७७. "गथे मेपिं देवतापिं स्वया छ् विमलाभास जूगु खः ? छ् कारणद्वारा फुक्क दिशापाखे प्रकाशित जूगु खः ?

७८. "हे महानुभावसम्पन्नम्ह देवी ! जिं न्यना चवना कि मनुथ जुया चवनाबले छं छ् पुण्यकर्म याना ?



गथे छ् थपाय्सकं तेज दुम्ह जुल ? गथे छ्गु तेज फुक्क दिशापाखे प्रकाश जुल ?"

७९. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

८०. "न्हापाया जन्मय् मनुष्यलोकय् जि मनुष्य जुया च्वनाबले बहनी जुया छ्युसेच्वन, अले मत च्याकेगु इलय् जिं मत दान बियागु दु ।

८१. "गुम्हसिनं बहनी जुइबले, छ्युंसे च्वनीबले तथा मत च्याकेगु इलय् मत दान बी उम्हसिनं आपालं पलेस्वांत दुगु 'जोतिरस-विमान' प्राप्त याये फइ ।

८२. "उकि यागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

८३. "उकिं हे जि मेपिं देवतापिं स्वया नं विमलाभास जूगु खः, उकियागु हे प्रभावद्वारा फुक्क दिशापाखे जिगु शरीरं तेज फिंजे जुयाच्वंगु खः ।

८४. "हे महानुभावसम्पन्न भिक्षु ! मनुष्यलोकय् च्वना च्वनाबले गुगु पुण्यकर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## १०. तिलदक्खिणविमानवत्थु

८५. "हे देवते ! सुन्दर-रूप धारण याना, फुक्क दिशापाखे तेज फिजे याना शुक्रताराथे छ च्वना च्वन ।

८६. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

८७. "हे महानुभाव सम्पन्नम्ह देवी ! जिं न्यनाच्चवना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

८८. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल -

८९-९०. "न्हापाया जन्मय् मनुयलोकय् जि मनुष्य जुया च्वनाबले जिं निर्मल तथा सुप्रसन्न जुया बिज्याम्ह बुद्धयात खना वसपोलप्रति श्रद्धा तया उबले हे जिं वसपोलयात हामो दान बिया दाक्षिणेत्य जुया बिज्याम्ह बुद्धयात दान बियाबले जिं थःगु हे ल्हातं प्रसन्नतापूर्वक दान बियागु दु ।

९१. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित थःत यःगु वस्तुत नं लाभ जूगु खः ।

९२. "हे महानुभावसम्पन्न भिक्षु ! मनुष्यलोक्य च्वना च्वनाबले गुगु पुण्यकर्म जिं यानागु खः व कने धुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## ११. पठमपतिब्वताविमानवत्थु

९३. "क्रोज्च, म्हेखा, दिवि (?), हयं, वग्गुस्सर (?), कोकिल आदि जूवया च्वनीगु हानं स्वानं छायापाः तःगु न्हचाइपुगु थुगु विमानय् अनेक चित्तपिं नरनारीपिसं सेवा याका च्वन ।

९४. "हे विभिन्न ऋद्धि सम्पन्न, महानुभाव सम्पन्नम्ह देवी ! थुपिं अप्सरा गणपिं मुना प्याखँ हुया च्वन, म्ये हाला च्वन, हानं न्हचाइपुका च्वन ।

९५. हे ऋद्धि प्राप्त महानुभाव सम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?

९६. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल

९७. "मनुष्यलोक्य मनुष्य जुया च्वनाबले जिं पतिव्रता जुया मामं काय्यात रक्षा यार्थे, थःस्वामीयात रक्षा याना तँमोसां नं जिं छाक्क खँ मल्हाना ।

९८. सत्यय् प्रतिष्ठित जुया मुसावाद तोता बीगुली चतुसंग्रह वस्तुकं मेपित संग्रह याना दानय् रत जुया सुप्रसन्न चित्त याना सत्कारपूर्वक विपुल जुइक अन्न पान तयार याना दान याना ।

९९. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुतन लाभ जूगु खः ।

१००. "हे महानुभाव सम्पन्न भिक्षु ! मनुष्यलोकय् च्वना च्वनाबले गुगु पुण्य-कर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## १२. दुतियपतिब्बताविमानवत्थु

१०१. "वैदूर्य मणियागु थां दुगु यैपुसे च्वंगु तेजयुक्त जुया च्वंगु विमानय् च्वनाच्वंमह हे देवी ! छंगु जःखः अप्सरागणपिं प्याखुं हुयाच्वन, म्यें हाला च्वन, न्हचाइपुका च्वन ।

१०२. "हे महानुभाव सम्पन्नमह देवी ! जिं न्यना च्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुमह जुल ? गथे छंगु शरीरया तेज फुक्क दिशापाखे प्रकाश जुल ?"

१०३. मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

१०४. "मनुष्यलोक्य् मनुष्य जुया चवनाबले जिं चक्षुमानम्ह उपासिका जुया चवना, प्राणीहिंसां अलग जुया लोक्य् खुया कायेगु त्याग याना ।

१०५. थःम्ह स्वामीयाकें सन्तुष्ट जुया, भूठ खँ मल्हाइम्ह, मद्यपान मयाइम्ह जुया । प्रसन्नगु चित्तं सत्कारपूर्वक विपुल जुइक अन्नपान दान याना ।

१०६. "उकियागु हे प्रभावद्वारा जिगु शरीर थुजागु वर्ण जूगु खः उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

१०७. "हे महानुभाव सम्पन्न भिक्षु ! मनुष्यलोक्य् चवना चवनाबले गुगु पुण्य-कर्म जिं यानागु खः व कनेधुन उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

### १३. पठसुणिसाविमानवत्थु

१०८. "हे देवते सुन्दर-रूप धारण याना फुक्क दिशापाखे तेज फिजे याना शुक्रताराथें छ चवना चवन ।

१०९. गथे छंगु वर्ण उजागु जूगु खः ? गथे छंत

थथे सिद्ध जूगु खः ? छंत यःगु भोगसम्पत्ति नं उत्पन्न  
जूगु खनेदु ।

११०. "हे महानुभाव सम्पन्नम्ह देवी ! जिं न्यना  
चवना कि मनुष्य जुया चवनाबले छं छु पुण्य-कर्म याना ?  
गथे छ थपाय्सकं तेज दुम्ह जुल ? गथे छंगु शरीरया  
तेज फुक्क दिशापाखे प्रकाश जुल ?"

१११ मौद्गल्यायनद्वारा न्यंगु प्रश्नत न्यना उम्ह  
देवी लयताया गुगु कर्मया फलद्वारा उगु सम्पत्ति प्राप्त  
जूगु खः व खं कना वं थथे धाल -

११२. "न्हापाया जन्मय् मनुष्यलोकय् मनुष्य जुया  
चवनाबले जि बाःजुया छेंय् भौमचा जुया चवना ।

११३. "निर्मल तथा सुप्रसन्न जुया विज्याम्ह  
भिक्षुयात खना वसपोलयाप्रति श्रद्धा तथा प्रसन्न चित्त याना  
थःगु हे ल्हातिं मरि दान याना । बच्छि भाग दान याना  
नन्दन वने लयताया चवना ।

११४. "उकियागु हे प्रभावद्वारा जिगु शरीर थुजागु  
वर्ण जूगु खः । उकियागु हे प्रभावद्वारा थन जिगु इच्छात  
सिद्ध जूगु खः, उकियागु हे प्रभावद्वारा जित यःगु वस्तुत  
नं लाभ जूगु खः ।

११५. "हे महानुभाव सम्पन्न भिक्षु ! मनुष्यलोकय्  
चवना चवनाबले गुगु पुण्य-कर्म जिं यानागु खः व कनेधुन  
उगु हे कर्मया प्रभावद्वारा तेज दुगु शरीर जूगु खः,  
उकियागु हे प्रभावद्वारा जिगु शरीरया तेज फुक्क दिशापाखे  
प्रकाशित जूगु खः ।"

## १४. द्दुतियसुणिसाविमानवत्थु

११६. "हे देवते ! सुन्दर-रूप धारण याना फुक्क दिशापाखे तेज फिजे याना शुक्रताराथें छ च्वना च्वन ।

११७. गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्ति नं उत्पन्न जूगु खनेदु ।

११८. "हे महानुभाव सम्पन्नम्ह देवी ! जिं न्यना च्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

११९. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

१२०. "न्हापाया जन्मय् मनुष्यलोकय् मनुष्य जुया च्वनाबले जि बाःजुया छें भौमचा जुयाच्वना ।

१२१. "निर्मल तथा सुप्रसन्न जुया बिज्याम्ह भिक्षुयात खना वसपोलयाप्रति श्रद्धा तथा प्रसन्न चित्त याना थःगु हे ल्हातिं मरि दान याना । बच्छि भाग दान याना नन्दन वने लय्ताया च्वना ।

१२२. "उकियागु हे प्रभावद्वारा जिगु शरीर थुजागु वर्ण जूगु खः । उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जितः यःगु वस्तुत नं लाभ जूगु खः ।

१२३. "हे महानुभाव सम्पन्न भिक्षु ! मनुष्यलोक्य च्वना च्वनाबले गुगु पुण्य-कर्म जिं यानागु खः व कनेधुन उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## १५. उत्तराविमानवत्थु

१२४ "हे देवते ! सुन्दर-रूप धारण याना फुक्क दिशापाखे तेज फिजे याना शुक्रताराथें छ च्वना च्वन ।

१२५. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्ति नं उत्पन्न जूगु खनेदु ।

१२६. "हे महानुभाव सम्पन्नम्ह देवी ! जिं न्यना च्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

१२७. मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

१२८. "जि थःगु छेंय् च्वना च्वनाबले ईर्ष्या, मात्सर्य, घमण्ड मयाना, उपोसथबले न्हित्थं अप्रमादी जुया क्रोध मयासे भत्तुवसानुवत्तिनि (जाच्यो) थें जुया च्वना ।



१२९. "चतुर्दशी, पुन्ही वा पक्षया अष्टमी व प्रातिहारिय-पक्षय् नं च्यागू अङ्गं युक्तगु शीलं सम्पन्नम्ह जुया च्वना ।

१३०. सदानं उपोसथ शीलयात धारण याना संयम व संविभाग याना विमानय् च्वना च्वना ।

१३१. प्राणीहिंसां विरत जुया, खुंज्या व काममिथ्याचार मयाना, मखुगु खं ल्हाय्गुलिं संयत जुया, मद्यपान मयाना ।

१३२. न्यागू शिक्षापदय् रत जुया आर्यसत्ययात बांलाक सीका, तथागत गौतमया यशस्वीनी, चक्षुमानम्ह उपासिका जुया ।

१३३ उगु हे उत्तम शीलया प्रभावद्वारा थुगु ऐश्वर्य प्राप्त जूगु खः, उकिया हे प्रभावद्वारा यशस्वीनी जूगु खः, उकियागु पुण्यया फलं जित ध्व सुख प्राप्त जूगु खः ।

१३४. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छ्रात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।"

१३५. "हे महानुभाव सम्पन्न भिक्षु ! मनुष्यलोकय् च्वना च्वनाबले गुगु पुण्यकर्म जिं यानागु खः व कने धुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

१३६. "भन्ते ! जिगु वचनं वसपोल भगवानया पादय् शिरं वन्दना याना बिज्याहुं कि भन्ते ! उत्तरा नांम्ह उपासिकां भगवानया पादय् शिरं वन्दना यानाहःगु दु धका, भन्ते ! ध्व गुगु जिं थुलि श्रमणफल विन्ति यानागु खः उकियात भगवानयात सकृदागामीफल्य् विन्ति याना बिज्याहुं ।"

## १६. सिरिमाविमानवत्थु

१३७ "थःगु पुण्यया प्रभावद्वारा निर्मित छंगु न्यासःगु रथे व्वे स्वया च्वंपिं आकाशय् वनेफुपिं बलवान तथा तस्सतं अलंकृत यानातःपिं सलत चिनातःगु दु हानं सारथीद्वारा उत्साहित यानातःपिंथे स्वयं आकाशय् वनेफु ।

१३८. "च्याना च्वंगु मियागु ज्वालासमान तेजस्वी जुया छ उगु अलंकृतगु रथे च्वना च्वन । हे उत्तम शरीर जुयाच्वंम्ह अनोमदर्शी ! छंके जिं न्यनाच्वना कि गुगु देवलोकं छ अनुत्तर सम्बुद्धया उपासना यायेत वया च्वनागु खः ?"

१३९. "गुगु लोकयात कामभोगया अग्रलोक धका धाइ उगु थःत यःकथं निर्माण याना रमण याइगु निर्माणरति देवलोकं इच्छा यानागु अनुसारगु रूप जुयाम्ह जि थन अनुत्तर सम्बुद्धया उपासनाया नितिं थन वयागु खः ।"

१४०. "छंके आकाशय् वये वने यायेफुगु महान ऋद्धि दु, छंगु वर्ण प्रभा भिगू दिशाय् फिजे जु, न्हापायागु जन्मय् छं गुजागु सुचरित्र यानावया अले थौ थन छंत थुजागु अमित-यश (परिवार) सुख दया च्वंगु ख ?

१४१. "न्हापायागु जन्मय् छं स्वयागु अर्ति-बुद्धि न्यनागु दु ? अले गनं च्युत जुया छ देवलोकय् उत्पन्न जुया देवगणपिसं चाःहुइका सत्कृत्य जुया च्वना ? जित धा कि छु छ बुद्ध-श्राविका नं जुयागु दुला ?"

१४२. "ऋषिगिरी, वैपुल्य, वेभार, पाण्डव तथा गृद्धकूट पर्वतया चाकले लानाच्वंगु बांलाक दय्कातःगु राजगृह धयागु श्रेष्ठनगरय् श्रीसमृद्ध प्राप्तम्ह जुजु बिम्बिसारया थाय् जि परिचारिका जुया च्वना । प्याखं हुइगु म्ये हालेगुली तस्सतं सय्का तयाम्ह जित राजगृहय् च्वंपिसं 'सिरिमा' धका म्हसीकीगु ।

१४३. 'ऋषि-नृषभ, विनायक जुया बिज्याम्ह बुद्धं जित दुःख-सत्य, दुःख-समुदय-सत्य तथा उकिया अनित्यता आदिया उपदेशत न्यंका बिज्यागु दु । अथे हे असंस्कृतगु, सत्यगु, फुक्क प्रकारया सांसारिक दुःखत मदुगु जुया "दुःखनिरोध" धयातःगु, तथा क्लेशतयत् स्यानावं वनीगु अथवा निर्वाणकामीपिं वनीगु लैपु जूगुलिं "मार्ग" धयातःगु, निगुलिं अन्तया बिचेयागु जूगुलिं "अकुटिल" धयातःगु उगु निर्वाणगामिनी सुन्दर मार्गया नं उपदेश याना बिज्यागु दु ।

१४४. "सर्वश्रेष्ठ जुया बिज्याम्ह तथागतयागु अमृतपद असंस्कृत-निर्वाणया खं न्यना नरवर बुद्धं देशना

याना बिज्यागु शासनय् च्वना तथा परम सुसंयमी जुया जिं शील-चर्या परिपूर्ण याना ।

१४५. 'सर्वश्रेष्ठ तथागतं देशना याना बिज्यागु धर्म न्यना विरज-असंस्कृत-निर्वाणपदयात अवबोध याना हानं समथ समाधियात नं साक्षात्कार याना, अले व हे जिगु नितिं नैर्यानिक मार्ग लाभ जूवन ।

१४६. "एकान्तरूपं अभिसमय प्राप्त याना मेपिसं स्वया विशेषरूपं श्रेष्ठ जूगु अमृतपदयात जिं प्राप्त याना, गुकिं याना जिक्कें छुं नं प्रकारयागु शंका मन्त हानं आपासिनं पूजा याये बहम्ह नं जुल हानं क्रीडारतितयेगु अनुभव नं आपालं याना ।

१४७. "थुकथं जि सर्वश्रेष्ठ जुया बिज्याम्ह तथागतया श्राविका अमृतदर्शी देवी खः, जि धर्मदर्शी खः, प्रथमफल (=श्रोतापत्ति फले) प्रतिष्ठितम्ह खः तथा निर्वाणया श्रोतय् थ्यंम्ह खः, उकिं जिगु दुर्गति नं मद्दु ।

१४८. "सर्वश्रेष्ठ जुया बिज्यापिं प्रसन्न तथा कुशल-धर्मे रत जुयाच्वंपिं भिक्षुपित, शिवं सुन्दरं जुयाच्वंगु श्रमण समागमयात तथा श्रीमान धर्मराजयात सादर वन्दना यायेया नितिं जि थन वयागु खः ।

१४९. "नरवर पुरुषदम्मसारथी तथागत मुनिया दर्शन याना जिगु मन तस्सतं प्रमुदित जूगु दु उकिं जिं तृणारहित, कुशलरत तथा परम हितानुकम्पी जुया बिज्याम्ह विनायकयात वन्दना याना ।

## १७. केसकारीविमानवत्थु

१५०. "प्रभास्वरगु, वैदुर्यया स्तम्भ दुगु, यइपुसे च्वंगु, सुवर्णया सिमा सकभनं छायेपा सदानं हे बांलाक दयेकातःगु, कर्मया विपाकद्वारा जक दइगु थुगु विमान तस्सतं हे यैपुसे च्वं ।

१५१. "अन न्हापायापिं सत्कृत-कर्मद्वारा सलंसः दोलंदो यशस्वीनी अप्सरापिं, तेज थिना च्वपिं देवतापिं उत्पत्ति जूपिं च्वना च्वंगु दु ।

१५२. "तारागण व नक्षत्रपिनि जुजु चन्द्रमा न्हर्चावनीबले गथे थिना च्वनीगु खः अथे हे छ अप्सरागणपिसं चाःहुइका भ्रभ्रःधाय्का यशस्वी जुया थिना च्वंगु दु ।

१५३. "हे अनोमदस्सिनी ! छ गुगु थासं वयाम्ह खः, थुगु भवनय् छ गथे उत्पन्न जूगु खः, छंत खनेवं ब्रह्मा व त्रायत्रिंश देवता सहित इन्द्रपिं हे स्वस्वं स्वे मगाका च्वनीगु ।"

१५४. "शक्रं छ गनं च्युत जुया थन वयागु धका थ्व थुलि न्यंगु प्रश्न न्यना उम्ह देवी धाल - न्हापा वाराणसी नां जुयाच्वंगु काशी धयागु नगरय् जि केशकारिका धयागु नां जुया च्वनाबले ।

१५५. "प्रसन्न चित्तं बुद्ध, धर्म व संघप्रति शंका मदुगु चित्तम्ह जुया याकःचा च्वना शिक्षापदयात अखण्डरूपं पालन याना सम्बोधि धर्मयात निश्चयपूर्वक पालन याना वया ।

१५६. "उकियात हे अभिनन्दन याना स्वागत यानागुद्वारा उगु धर्मया प्रभावद्वारा बुद्ध, धर्म व संघप्रति शंका मदुगु चित्तम्ह जुया याकःचा च्वना शिक्षापदयात अखण्ड पालन याना वयागुलिं सम्बोधि धर्मयात निश्चयपूर्वक पालन याना वयागुलिं यशस्वीनी जुया थिना च्वना ।"

**प्रथम पीठवर्ग स्वचाल**

न्यागू पीठ स्वंगू नावा दीप तिलदक्खिण निगू ।

पति निगू सुणिसा उत्तरा सिरिमा केसकारिका ।

उकिं वर्ग धाःगु खः ॥

Dhamma.Digital

## २. चित्तलतावर्ग

### १. दासिविमानवत्थु

१५७. शक्र देवेन्द्रया रमणीयगु चित्तलता वनयु नारीगणपिनि न्हचोहचो च्वना सम्पूर्ण परिषदपिं ल्यूल्यू तथा फुक्क दिशापाखे तेज फिजे याना शुक्रताराथें छ च्वना च्वन ।

१५८. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्ति नं उत्पन्न जूगु खनेदु ।

१५९. "हे महानुभाव सम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

१६०. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

१६१. "जि थःगु छेंय् च्वना च्वनाबले मेपिंगु कुले दासी जुया च्वना ।

१६२. "जि मनुष्यलोकय् मनु जुया च्वनाबले मेपिंगु कुलय् ज्या याइम्ह जुया च्वना । उबले चक्षुमान यशस्वी

जुया बिज्याम्ह गौतमया शासनय् उपासिका जुया (सम्यक  
ब्यायाम पूर्वक) निक्कम जुया वया ।

१६३-१६४. “शरीर विनाश जुया वंसां कर्मस्थानय्  
वीर्य सिथिल मजुइमा धका न्यागू शिक्षापदयात बांलाक,  
भिक, अकण्टक जुइक, अगहन, तप्यंगु तथा बुद्धपिसं  
प्रकाश यानातःगु आर्यमार्गयात मिसा जूसां पालन याना  
वयागु निक्कमया फल स्व ।

१६५. “शक्र देवराजया यःम्ह फुक्क बशे दुम्ह  
जुया, ख्वीदो तुरिय बाद्यं सहित याना न्हचाइपुका तल ।

१६६-१६८. “आलम्ब, गर्गर, भीम, साधुवादी, संसय,  
पुष्कर, सुफस्स आदि तुरियबादकपिं हानं मिसापिनि पाखे  
वीणाभोक्खा, नन्दा, सुनन्दा, सोणदिन्ना, सुचिम्हिता,  
अलम्बुसा, मिस्सकेसी, पुण्डरिका, दारुणी, एणीफस्सा,  
सुफस्सा, सुभद्रा, आदिपिसं नाइक बाद्य थाना श्रेष्ठगु सङ्गित  
न्यंका च्वन ।

१६९. “इपिं देवतापिसं ईब्योयात ल्वेक इलय्  
बेलाय् “आः प्याखँ हु, म्यें हा, न्हचाइपुकि” धका धया  
च्वनी ।

१७०. “ध्व पुण्य मयानागुलिं मखु पुण्य यानागुलिं  
हे ध्व त्रायत्रिश महावने शोक मदेक, न्हचाइपुक यइपुक  
सुखभोग याना च्वनागु खः ।

१७१. “थथे पुण्य मयानागुलिं थन नं अन नं सुख  
दइमखु, पुण्य यानागुलिं हे थननं अननं सुख दइ ।



१७२. "उकिं आर्यमार्गया कामना याना आपालं कुशल-कर्मद्वारा कतपुण्य जूसा हे जक लय्ताय् दइ, स्वर्गे भोगसम्पत्ति प्राप्त जुइ ।

## २. लखुमाविमानवत्थु

१७३. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रतारार्थे छ च्वना च्वन ।

१७४. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्तित नं उत्पन्न जूगु खनेदु ।

१७५. "हे महानुभाव सम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

१७६. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मफलद्वारा उगु सम्पत्ति प्राप्त जूगु खः व खँ कना वं थथे धाल—

१७७-१७८ "केवट्ट द्वारं पिहावेगु थासय् जि च्वनेगु थाय् खः, अन च्वना च्वनाबले महान यशस्वी जुया बिज्यापिं श्रावकपित भोजन, कुल्मास (माय्क्ये) डाक ( जानाप तर्कारी ल्वाकः छ्चानातःगु), लोणसोवीरक (आपालं वस्तु तथा दय्कातःगु त्वनेगु वस्तु) तस्सतं प्रसन्नगु चित्त याना शुद्धगु चित्तं दान याना ।

१७९-१८०. “चतुर्दशी पूर्णिमा हानं पक्षया अष्टमी व पाटिहारिय पक्ष्यु नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

१८१-१८२ “प्राणीहिंसां विरत जुया, भूठ खँ ल्हायगुःली संयम याना, खुज्या व्यभिचार व मद्यपानं अलग जुया, न्यागू शिक्षापदयात बांलाक पालन याना आर्यसत्ययात बांलाक स्यूम्ह जुया, अप्रमादीपूर्वक विहार याइम्ह चक्षुमानम्ह गौतमया उपासिका जुयावया ।

१८३. “उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

१८४. “भन्ते ! जिगु वचनं भगवानया चरणकमले शिरं वन्दना याना बिज्याहुँ कि “भन्ते ! लखुमा नांम्ह उपासिकां भगवानया चरणकमले शिरं वन्दना याना हःगु दु” धका । भन्ते ! थ्व आश्चर्य मखु थ्व जिं गुगु सामन्य फले ब्याख्या याना । वसपोल भगवानं सकृदागामीफले ब्याख्या यानाबिज्यागु खः ।

### ३. आचामदायिकाविमानवत्थु

१८५. “तुष्णीभावद्वारा छलपोल भिक्षा बिज्याःगु समयय् मेपिंगु छें च्वना च्वनाम्ह दरिद्री तथा सुं म्दुम्ह (कपणा) मिसायात छपिसं खंका बिज्यात ।

१८६. “गुम्हसिनं छलपोलयाप्रति तस्सतं प्रसन्नगु चित्त जुया कोःगु जा (आचाम) थःगु हे ल्हातं छलपोलयात बिल आः व मृत्यु जुइधुंकल आः व गुगु दिशापाखे वन धयागु खं छु छलपोलं सूला ?”

१८७. “तुष्णीभावं जि भिक्षा वयागु समयय् मेपिंगु छेंय् च्वनाच्वंम्ह दरिद्री तथा सुं मुदुम्ह (कपणा) मिसायात जिं खना ।

१८८. “गुम्हसिनं जिगुप्रति तस्सतं प्रसन्नगु चित्त जुया कोःगु जा (आचाम) थःगु हे ल्हातं जित ब्यूगु खः आः उम्ह मनुष्यदेह तोता थनं मुक्त जुइधुंकल ।

१८९. “निर्माणरति धयागु महर्धिकसम्पन्न देवनिकाय दु, कोःगु जा दानया फलद्वारा आः उम्ह कामावचर देवलोकया न्यागूगु भूमि निर्माणरति धयागु देवलोक्य सुखी जुया लय्ताया च्वनाच्वंगु दु ।”

१९०. अहो ! थ्व बिचार या, दानया उत्तम पुण्यक्षेत्र जुया विज्याःम्ह महाकाश्यपयात मेपिंगु छेंय् प्राप्त जूगु कोःगु जा बियागु, दानया फल गुलित महान जू स्व !

१९१. “थ्व कोःगु जा (आचाम) दानया फलया न्हचोने चक्रवर्ती जुजुया महिषित्व व अतिदर्शनीय सर्वाङ्ग कल्याणी नारित्व भिंखुब्बय् छब्ब नं जुइ मखु ।”

१९२. “थ्व कोःगु जा (आचाम) दानया फलया न्हचोने, सच्छि निक्ख, सच्छि सल, सच्छि सलया रथ तथा मोति माणिकं तियाच्वंपिं सच्छिदोः कन्यापिंनं भिंखुब्बय् छब्ब नं जुइ मखु ।”

१९३. “ध्व कोःगु जा (आचाम) दानया फलया न्हचोने, च्वामुगु दन्त दुपिं, लुंयागु पेटिं चिकातःपिं, सुवर्णया आसन दुगु तथा हेमवतयापिं सच्छिम्ह ततः धिकःपिं किसित नं भिंखुब्बय् छब्ब हे जुइ मखु ।”

१९४. “ध्व कोःगु जा (आचाम) दानया फलया न्हचोने, चिचीधंगु निदोल द्वीपत दुगु जम्बुद्वीपथेंजाःगु द्वीपत प्यंगूया मालिक जूसां व भिंखुब्बय् छब्ब नं जुइ मखु ।”

#### ४. चण्डालिविमानवत्थु

१९५. “हे चाडाली ! यश श्री सम्पन्न जुया बिज्याःम्ह गौतम बुद्धया चरणकमले वन्दना या, छंगु हे निंतिं अनुकम्पा तथा ऋषिसप्तम जुया बिज्याःम्ह अथवा ऋषिपिं मध्ये उत्तम पुरुष जुया बिज्याःम्ह गौतम बुद्ध दना बिज्याना च्वंगु खः ।”

१९६. “फुक्क क्लेशतय्त तापाका अरहन्त जुया बिज्याःम्ह तथा इष्ट अनिष्टद्वारा कम्प मजुइम्ह जुया निश्चल जुया बिज्याःम्ह बुद्धप्रति चित्त प्रशन्न या; थत्थें तज्याये फुगु चायागु थलथें छंगु जीवन नं भतिचा जक दु, उकिं याकनं हे लाहा निपां बिन्ति याना तथागतयात वन्दना या ।”

१९७. “अन्तिम शरीरधारी भावितात्मा जुया बिज्याःम्ह महामौद्गल्यायनया खं न्यना यश श्री सम्पन्न जुया बिज्याःम्ह गौतम बुद्धया चरणकमलय् चाण्डालिं वन्दना यात ।

१९८. “अविद्यादि अन्धकारयात विनाश याना ज्ञान आलोकद्वारा प्रकाशमान जुया विज्याम्ह सम्यक्सम्बुद्धयात नमस्कार याना लाहा निपां विन्ति याना दनाच्वंम्ह चाण्डालीयात उगु हे इलय् सां च्वया स्याना बिल ।

१९९. “राग म्दुम्ह, तृष्णा म्दुम्ह, क्षीणास्रवी अरण्यय् याकःचा एकान्तय् च्वनाच्वंम्ह, देवऋद्धि प्राप्तम्ह छम्ह भिक्षुयाथाय् वना वं “महानुभाव सम्पन्न जुया विज्याम्ह छलपोलयात जिं वन्दना याना” धका धाल ।

२००. “हे देवी ! सुवर्ण वर्णम्ह, महान परिवापिंनाप प्रज्वलित जुया च्वंम्ह, अनेक चित्रं युक्तगु विमानं क्वहां वया अप्सरा परिवारपिं सहित ब्वना जितः वन्दना यायेगु शुभगुण दुम्ह छ सु ख ?”

२०१. “हे भदन्त ! छलपोलं छोयाहःम्ह जि चाण्डालिं यश श्री सम्पन्न जुया विज्याम्ह अर्हत गौतमया चरणकमलय् वन्दना याना ।

२०२. “वसपोलया चरणय् वन्दना याना उगु चाण्डाल योनिं च्युत जुया फुक्क प्रकारं बालाना च्वंगु नन्दन वनया विमानय् जि उत्पन्न जुल ।

२०३. “सच्छ्रदो अप्सरापिनि न्हचोने जि च्वना च्वना, वर्ण व यशद्वारा जि उपिं स्वया श्रेष्ठोत्तम जू ।

२०४. “जिं यानागु कल्याण-कर्म चिकिधंगु जूसां क्षेत्रया प्रभावं जिगु कल्याण-कर्म महान हे जुल, उकिं स्मृति व प्रज्ञां युक्त जुया विज्याम्ह करुणावान मुनियात वन्दना यायेया नितिं जि थन वयागु खः ।

२०५. “थुलि धया कृतज्ञ तथा कृतवेदी जूम्ह चाण्डालिं अर्हतया चरणकमलय् वन्दना याना अन हे अन्तर्धान जुया वन ।”

## ५. भद्वित्थिविमानवत्थु

२०६. “वंचुगु, म्हासुगु, हाकुगु, व मञ्जिट्ठ अले हचाउंगु यचुगु थीथी प्रकारया वर्ण सम्पन्न जुया ।

२०७. “मन्दार पुष्प सिमाथे मन्दार पुष्पया माला शिरय् धारण याना ।

२०८. “थथे त्रायत्रिंश देवलोकय् यशस्वी जुया छु कर्मया फलं उत्पन्न जुल ? जिं न्यना च्वना छं कने माल ।”

२०९. “जि किमिल नगरय् च्वंम्ह भिंम्ह बांलाःम्ह उपासिका श्रद्धा शीलं सम्पन्नम्ह जुया सदानं इना बीगुली लगे जुया ।

२१०. “वस्त्र, भोजन, शयनासन व मत आदि शुद्धगु चित्तं प्रसन्नगु चित्तं दान बिया ।

२११-२१२. “चतुर्दशी पूर्णिमा हानं पक्षया अष्टमी व पाटिहारिय पक्षय् नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

२१३-२१४. “प्राणीहिंसां विरत जुया भूठ खं ल्हायगुली संयम याना खुंज्या, व्यभिचार व मद्यपानं अलग

जुया, न्यागू शिक्षापदयात बांलाक पालन याना आर्यसत्ययात बांलाक स्यूम्ह जुया अप्रमादीपूर्वक विहार याइम्ह चक्षुमानम्ह उपासिका जुया भिंगु कुशल-कर्मद्वारा भिंक वास याना अनं च्युत जुया थुगु न्हचाइपुसेच्वंगु थासे स्वयं थीम्ह जुया विचरण याना च्वना ।

२१५. "क्लेश मदयधुंकूपिं परमहित तथा अनुकम्पक जुया बिज्यापिं तपस्वी महामुनि निम्ह अग्रश्रावक भिक्षुपिंत प्रणीतगु भोजन दान यानावया, थथे भिंगु कुशल-कर्मद्वारा भिंक वास याना अनं च्युत जुया थुगु न्हचाइपुसे च्वंगु थासे स्वयं थीम्ह जुया विचरण याना च्वना ।

२१६. "जिं उपोसथ दिन पतिकं अपरिमित सुख प्रदान याइगु च्यागू अङ्ग युक्तगु शील सदानं हे पालन याना, थथे भिंगु कुशल-कर्मद्वारा भिंक वास याना अनं च्युत जुया थुगु न्हचाइपुसे च्वंगु थासे स्वयं थीम्ह जुया विचरण याना च्वना ।"

Dhamma.Digital

## ६. सोणदिन्नाविमानवत्थु

२१७. "हे देवी ! सुन्दर-रूप धारण याना, फुक्क दिशापाखे तेज फिजे याना शुक्रताराथें छ च्वना च्वन ।

२१८. "गथे छंगु वर्ण उजागु जूगु खः ? गथे छंत थथे सिद्ध जूगु खः ? छंत यःगु भोगसम्पत्तित नं उत्पन्न जूगु खनेदु ।

२१९. "हे महानुभाव सम्पन्नम्ह देवी ! जिं न्यना च्वना कि मनुष्य जुया च्वनाबले छं छु पुण्यकर्म याना ?

गथे छ् थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

२२०. मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल -

२२१. "जि न्हापा नालन्दाय् च्वंम्ह सोर्णदिन्ना धयाम्ह उपासिका खः, श्रद्धा शीलं सम्पन्नम्ह जुया सदानं इना बीगुली लगे जुया ।

२२२. "वस्त्र, भोजन, शयनासन व मत आदि शुद्धगु चित्तं प्रसन्नगु चित्तं दान बिया ।

२२३-२२४. "चतुर्दशी पूर्णिमा हानं पक्षया अष्टमी व पाटिहारिय पक्षय् नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

२२५-२२६. "प्राणीहिंसां विरत जुया भूठ खं ल्हायगुली संयम याना खुंज्या, व्यभिचार व मद्यपानं अलग जुया, न्यागू शिक्षापदयात बांलाक पालन याना, आर्यसत्ययात बांलाक स्यूम्ह, अप्रमादीपूर्वक विहार याइम्ह चक्षुमान गौतमया उपासिका जुया ।

२२७. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

२२८. "देवी ब्याख्या यात । व फुक्क क्वे कनातःगु नयथे खः ।



## ७. उपोसथाविमानवत्थु

२२९. "हे देवी ! सुन्दर-रूप धारण याना, फुक्क दिशापाखे तेज फिजे याना शुक्रताराथें छ च्वना च्वन ।

२३०-२३१. "गथे छंगु वर्ण उजागु जूगु खः ...पुर्ववत .... गथे छंगु शरीरया तेज फुक्क दिशापाखे प्रकाश जुल ?"

२३२. मौद्गल्यायनद्वारा न्यंगु प्रश्नत न्यना उम्ह देवता लयूताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

२३३. "जि न्हापा साकेतय् च्वंम्ह उपोसथा धयाम्ह उपासिका खः, श्रद्धा शील सम्पन्नम्ह जुया सदानं दान बीगुली लगे जुया ।

२३४. "वस्त्र, भोजन, शयनासन, मतआदि शुद्धगु चित्तं प्रसन्नगु चित्तं दान बिया वया ।

२३५-२३६. "चतुर्दशी पूर्णिमा हानं पक्षया अष्टमी व पाटिहारिय पक्षय् नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

२३७. "प्राणीहिंसां विरत जुया भूठ खँ ल्हायगुली संयम याना खुंज्या, व्यभिचार व मद्यपानं अलग जुया ।

२३८. "न्यागू शिक्षापदयात बांलाक पालन याना आर्यसत्ययात बांलाक स्यूम्ह, अप्रमादीपूर्वक विहार याइम्ह चक्षुमान गौतमया उपासिका जुया ।

२३९-२४०. "उक्कियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उक्कियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

२४१. "न्हित्थं हे त्रायत्रिंश भुवने न्हचाइपुगु न्यना कुशल छन्द उत्पन्न जुया अन हे उत्पन्न जुइमा धका मती तया च्वना ।

२४२. "आदित्यबन्धु शास्ता बुद्धयागु वचनयात पालन याये मफया लिपा अनुताप जूसां हीनगु (थःगु भवने हे) न्हचाइपुका च्वना ।"

२४३. "हे देवी ! थन थुगु विमानय् उपोसथे गुलि आयुतक च्वने दइ, यदि स्यूसा जिं न्यनाच्वना छं धा ।"

२४४. "हे महामुनि ! जि थन स्वंगू कोटि व ख्वीदो दै च्वना थनं च्युत जुया मनुष्यलोक्य् जन्म का वने ।"

२४५. "सम्बुद्धं व्याकरण यानातःगु उपोसथे च्वनेगुली छ ग्याय्मते, श्रोतापन्न धयागु विशेषं दुर्गति वने म्वालीगु खः ।

## द. निर्वाविमानवत्थु

२४६. "हे देवते ! सुन्दर-रूप धारण याना, फुक्क दिशापाखे तेज फिजे याना शुक्रताराथे छ च्वना च्वन ।

२४७ - २४८. "गथे छंगु वर्ण उजागु जूगु खः ...

पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

२४९. मौद्गल्यायनद्वारा न्यंगु प्रश्नत न्यना उम्ह देवता लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

२५०. "जि न्हापा राजगृहय् च्वम्ह निदा धयाम्ह उपासिका खः, श्रद्धा शीलं सम्पन्नम्ह जुया सदानं दान बीगुली लगे जुया ।

२५१. "वस्त्र, भोजन, शयनासन, मतआदि शुद्धगु चित्तं प्रसन्नगु चित्तं दान बिया ।

२५२-२५३. "चतुर्दशी पूर्णिमा हानं पक्षया अष्टमी व पाटिहारिय पक्षय् नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

२५४. "प्राणीहिंसां विरत जुया भूठ खँ ल्हायगुली संयम याना खुंज्या, व्यभिचार व मद्यपानं अलग जुया ।

२५५. "न्यागू शिक्षापदयात बांलाक पालन याना आर्यसत्ययात बांलाक स्यूम्ह, अप्रमादीपूर्वक विहार याइम्ह चक्षुमान गौतमया उपासिका जुया ।

२५६-२५७. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## ९. सुनिद्दाविमानवत्थु

२५८. "हे देवी ! सुन्दर-रूप धारण याना, फुक्क दिशापाखे तेज फिजे याना शुक्रताराथें छ च्वना च्वन ।

२५९ "गथे छंगु वर्ण उजागु जूगु खः ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

२६०-२६१ मौद्गल्यायनद्वारा न्यंगु प्रश्नत न्यना उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

२६२. "जि न्हापा राजगृहय् च्वंम्ह सुनिद्दा धयाम्ह उपासिका खः, श्रद्धा शीलं सम्पन्नम्ह जुया सदानं दान बीगुली लगे जुया ।

२६३-२६६. (निद्दाविमानय्थें नुतं विस्तार यायेगु)

२६७. "न्यागू शिक्षापदयात बांलाक पालन याना । आर्यसत्ययात बांलाक स्यूम्ह, अप्रमादीपूर्वक विहार याइम्ह चक्षुमान गौतमया उपासिका जुया ।

२६८-२६९. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## १०. पठमभिक्षादायिकाविमानवत्थु

२७०. "हे देवते ! सुन्दर-रूप धारण याना, फुक्क दिशापाखे तेज फिजे याना शुक्रताराथें छ च्वना च्वन ।

२७१-२७२. "गथे छंगु वर्ण उजागु जूगु खः ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

२७३. मौद्गल्यायनद्वारा न्यंगु प्रश्नत न्यना उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

२७४-२७५. "न्हापायागु जन्मय् जि मनुष्यलोकय् मनु जुया च्वनाबले, जिं विरज जुया बिज्याम्ह, अति प्रसन्न तथा निर्मल जुया बिज्याम्ह बुद्धयात खना, अले जिं प्रसन्नतापूर्वक थःगु हे ल्हातं वसपोलयात भिक्षा दानबिया ।

२७६-२७७. "थुकिया हे प्रभावद्वारा जिगु थुजागु शरीर वर्ण जूगु खः, ... पूर्ववत् ... उकिया हे प्रभावद्वारा जिगु शरीरया तेज फुक्क दिशापाखे प्रकाश जूगु खः ।

## ११. दुतियभिक्षादायिकाविमानवत्थु

"२७८. "हे देवी ! सुन्दर-रूप धारण याना, फुक्क दिशापाखे तेज फिजे याना शुक्रताराथें छ च्वना च्वन ।

२७९-२८०. "गथे छंगु वर्ण उजागु जूगु खः ... पूर्ववत् ... गथे छंगु शरीरया तेज फुक्क दिशापाखे

दुतियभिक्खादायिकाविमानवत्थु

प्रकाश जुल ?"

२८१. मौद्गल्यायनद्वारा न्यंगु प्रश्नत न्यना उम्ह देवता लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

२८२-२८३. "न्हापायागु जन्मय् जि मनुष्यलोकय् मनू जुया च्वनाबले, जिं विरज जुया बिज्याम्ह, अति प्रसन्न तथा निर्मल जुया बिज्याम्ह भिक्षुयात खना, अले जिं प्रसन्नतापूर्वक थःगु हे ल्हातं वसपोलयात भिक्षा दान बिया ।

२८४-२८५. "थुकिया हे प्रभावद्वारा जिगु थुजागु शरीर वर्ण जूगु खः, ... पूर्ववत् ... उकिया हे प्रभावद्वारा जिगु शरीरया तेज फुक्क दिशापाखे प्रकश जूगु खः ।

Dhamma.Digital

दुतिय चित्तलतावर्ग स्वचाल

दासी वथें लखुमा व अले आचामदायिका ।

चण्डाली भट्टिनी हानं सोणदिन्ना उपोसथा ॥

निद्दा हानं सुनिद्दा व निम्ह भिक्षाया दायिका ।

उकिं वर्ग धयातल ॥

.....

प्रथम भाणवार स्वचाल ।

### ३. पारिच्छत्तकवर्ग

#### १. उलारविमानवत्थु

२८६. “छंगु रूप वर्ण व परिवार महान जू, फुक्क दिशाय् छंगु ज्योति न्यना च्वंगु दु हानं अलंकृपिं देवपुत्रीपिं प्याखं नं हुलाच्च्वंगु दु, म्यें हाला नं च्वंगु दु ।

२८७. “हे देवी ! छंगु मान सत्कारया निमित्तं उपिं प्याखं नं हुली, म्येनं हाली, छंगु थ्व सुवर्ण विमान स्वयेहे यैपसेच्चं ।

२८८. “छ इमि इस्वरी खः, छंगु फुक्क इच्छा सिद्ध जूगु दु, छंगु जन्म बांलाः, छ थुगु देवयोनी लय्ताया च्वंगु दु हे देवी ! थ्व छु कर्मया फल खः धका जिं न्यनाच्च्वना लिसः ब्यु ।”

२८९. “न्हापायागु जन्मय् जि मनुष्यलोकय् मनु जुया च्वना बले, छगू दुश्शील, अश्रद्धालु तथा कञ्जुसी कुलय् भौमचा जुया च्वना ।

२९०. “सदानं श्रद्धा व शीलसम्पन्नम्ह दान बीगुली रतम्ह जिं भिक्षाटन बिज्याम्ह छलपोलयात मरि दान याना ।

२९१. “अले माजुयात जिं थःगु हे ल्हातं मरि दान यानागु खं न्यंका ।

२९२. “ध्व न्यना माजुं श्रमणयात दान बीत वयाके मन्यो धका वं जितः “अविनिता” धका बोःबिल ।

२९३. अनलि जित निन्दा यायां माजुं मुसलं दाल, थुगु प्रहारद्वारा जिगु बोहः तोधूगुलिं जि तःन्हु म्वाये मफुत ।

२९४. “अले जि मनुष्य शरीरं मुक्त जुया अन च्युत जुया त्रायत्रिंश देवतापिन्थाय् उत्पन्न जुया ।

२९५. “थुकिया हे प्रभावद्वारा जिगु थुजागु शरीर वर्ण जूगु खः, उकियागु हे प्रभावद्वारा जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जुया च्वंगु खः ।

२९६. “हे महानुभावसम्पन्न भिक्षु ! मनुष्यलोक्य् च्वना च्वनाबले गुगु पुण्यकर्म जिं यानागु खः कने धुन, उगु हे कर्मया प्रभावद्वारा प्रकाशयुक्त जूगु खः ... पूर्ववत् ... उकिया हे प्रभावद्वारा जिगु शरीरया तेज फुक्क दिशापाखे प्रकश जूगु खः ।

## २. उच्छुदायिकाविमानवत्थु

२९६. चन्द्रमा व सूर्यथें अत्यन्त थिना, श्री, वर्ण तथा यशया तेजं ब्रह्मा देव इन्द्रादि त्रिदश-देवतापिं सहित पृथ्वीयात प्रकाशमान याना च्वंम्ह ।

२९७. “उत्पलमाला धारण याना रत्नमय सुवर्णया स्वामालं अलंकृत जुया उत्तमगु वस्त्र धारण यानाच्वंम्ह हे



शुभ देवी ! जित वन्दना याना च्वनाम्ह छ सु खः ?

२९८. “छं थः न्हापाया जन्मय् मनु जुया छं छु कर्म याना वया ? दान सुचिण्ण अले शील संयम छुकिं याना सुगती यशस्वीनी जुया च्वना ? हे देवी ! थ्व छु कर्मया फल खः धका जिं न्यना च्वना लिसः ब्यु ।”

२९९. “भन्ते ! न्हापा थ्व हे गामय् भिक्षाया नितिं छम्ह भिक्षु जिमिगु छें बिज्यात उबले वसपोलयात प्रसन्नगु चित्तं अतुलनीय प्रीतिं तुयागु टुक्रा दान याना ।

३००. “अले जिं ससजुयात तुयागु टुक्रा दान यानागु खं न्यंका । “थ्व न्यना ससजुं जिं थःमं हे मनसे तयागु तु सन्त भिक्षुयात दान बीत वैके मन्योसे थमं हे बिल धका तुयागु टुक्रात भौमचायागु म्हे होलाबिल ।

३०१. “छ हे थनया मालिक जुलका मखुला धका ससजुं निन्दा यायां बोबिया जित मेच कया दाल, थुगु प्रहारद्वारा जि सिना अनं च्युत जुया देवतापिन्थाय् उत्पन्न जुया ।

३०२. “व हे तु दान यानागु कुशल कर्मद्वारा सुख बीगु कर्मफल थमं अनुभोग याना च्वना, देवतापिं नाप च्वना परिचर्या याना च्वना, कामगुण न्यागुलीनं लय्ताया च्वना ।

३०३. “व हे तु दान यानागु कुशल कर्मद्वारा सुख बीगु कर्मफल थमं अनुभोग याना च्वना, देवेन्द्रपिनिपाखें भिंस्वंगू प्रकारं गोपित, रक्षित जुया कामगुण न्यागुलीनं समर्पित जुया च्वना ।

३०४. थुलि भतिचा जक तु दान यानागु पुण्यफलनं महाविपाक जुया देवतापिं नाप चवना परिचर्या याना चवना, कामगुण न्यागुलीनं लय्ताया चवना ।

३०५. “थुलि भतिचा जक तु दान यानागु पुण्यफल नं महान तेज दुम्ह जुया देवेन्द्रपिनिपाखें भिंस्वगू प्रकारं गोपित, रक्षित जुया सहश्रनेत्र देवेन्द्रथें कामगुण न्यागुलीनं समर्पित जुया चवना ।

३०६. “भन्ते ! उबले प्रसन्नगु चित्तं अतुलनीय प्रीतिं तुयागु टुक्रा दान याना, छलपोल अनुकम्पा दुम्ह प्रज्ञावानम्ह जुया छलपोलयाथाय् वया कुशल न्यंवया”

### ३. पल्लंकविमानवत्थु

३०७. “छ मणि व सुवर्ण युक्तगु, श्रेष्ठ पल्लङ्कय् स्वां आदिं छायापा ऋद्धिद्वारा थथ्याः क्वथ्या मदया च्वंगु पल्लङ्कविमानय् चवना ।

३०८. अप्सरापिसं प्याखहुला, म्यें हाला न्हचाइपुका च्वंम्ह देवतापिंगु ऋद्धि प्राप्त हे महानुभाव सम्पन्न देवी ! मनुष्य जुया चवनाबले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

३०९. “जि मनुष्यलोकय् मनु जुयाचवनाबले धनीगु कुलया भौमचा जुया अक्रोधी, भातं धाःथे चवनीम्ह, उपोसथय् अप्रमादीम्ह जुया चवना ।

३१०. “जि न्हापा मनू जुया मचानिसें पाप मयाइम्ह, प्रसन्न चित्तम्ह, भातया यःम्ह, चानं न्हिनं यैपुसे च्वंम्ह शीलवती जुया च्वना ।

३११. “प्राणीहिंसां विरत जुया, खुंज्या मयाइम्ह, शुद्धकाय सुचि ब्रह्मचारीनी, भूठ खं मल्हाइम्ह, मद्यपान मयाइम्ह जुया शिक्षापदयात पूर्ण याइम्ह जुया ।

३१२. “चतुर्दशी पूर्णिमा हानं पक्षया अष्टमी व पाटिहारिय पक्ष्युं नं जि प्रसन्न मनयाना ।

३१३. “च्यागू अङ्गं पूर्णगु धर्माचरण याइम्ह, उपोसथयात प्रीतिपूर्वक पालन याइम्ह जुया वया । थुपिं आर्य अष्टाङ्गशीलयात समादान यानागु कुशलं सुख जुया भातया कल्याणी, बशय् च्वनीम्ह जुया न्हापा सुगतया श्राविका जुया वया ।

३१४. “थुकथं जीवलोक्य कुशलकर्म याना विशेष भागी जुया सिनावना लिपाया जुनी देवऋद्धि प्राप्तगु सुगती जन्म कया ।

३१५. “उत्तमगु विमान्युं न्हचाइपुक अप्सरापिं गु परिवारं सहित जुया स्वयंप्रभ देवगण्युं दीर्घायुगु देवविमान्युं जि न्हचाइपुका च्वना ।”

## ४. लताविमानवत्थु

३१६. “चतुर्महाराजया, देवराज शक्रया सुन्दरीपिं, वैश्रवणया म्हचायुपिं लता, सज्जा, पवरा, अर्चिमती तथा सुतापिं शोभनीय व धर्मगुणी जू ।

३१७. “थुपिं न्याम्हं नारीपिं अनोत्तदहनं प्याहांवःगु  
ख्वाउंगु लःदुगु नदी मोल्हूवन; मोल्हीधुंका उपिं थः अबुया  
आज्ञानुसार प्याखँ हुला म्येहाले धुंका सुतां लतायाके न्यन

३१८. “उत्पलया स्वांमालं क्वखाया तःम्ह रत्नमय  
तथा काञ्चनमय स्वां छुना तःम्ह ताम्रवर्ण तथा हाकुसे  
च्वंगु मिखाम्ह आकाशथे निर्मलम्ह छंत थ्व यश गथे याना  
प्राप्त जुल ?

३१९. “भद्रे ! छु याना मालिकपिनि यःम्ह जुल,  
छु याना विशिष्ट कल्याणरूपिणी जुल, गथे छ नृत्य गीतय्  
दक्ष जुल ? छंगु बारे फुक्क नरनारीपिसं न्यना च्वन छु  
याना थथे जुइफुगु खः कं ?”

३२०. “मनुष्यलोकय् मनु जुया च्वनाबले विशाल  
भोगसम्पत्ति दुगु छगू कुलया जि भौमचा जुया च्वना; जि  
अक्रोधी, भातया बशे च्वनीम्ह विनिता जुया उपोसथया  
दिनय् अप्रमादी जुया ।

३२१. “मनु जुयाच्वनाबले जि पाप मयाइम्ह  
ल्यासिम्ह जुया प्रसन्नगु चित्तं जिं भातयात लय्ताय्केगु,  
किजाभत सहित माजु ससःजु तथा दासतय्त्तनं चित्त बुभ्भे  
यायेफु, उपिं हे कर्मया प्रभावद्वारा जित थ्व यश प्राप्त  
जूगु खः ।

३२२. “थथे हे कुशलकर्मया प्रभावद्वारा जित प्यंगु  
स्थानय् विशेषतः प्राप्त जूगु खः गथे कि आयु, वर्ण, सुख  
तथा बलय् हानं क्रीडारतिया अनुभव नं आपालं याना ।

३२३. “गुगु खँ जिमिसं लतायाके न्यना उकिया  
यथार्थ लिसः जिमिसं न्यना” धका स्वम्ह क्यहेपिसं धाल

भी स्त्रीजातिपिनिगु नितिं भात हे विशिष्ट जुया चवन हानं उपिं हे भीगु शरण, गति तथा प्रवरदेव जुया वन ।

३२४. “उकिं भी सकसिनं नं गुगु कर्तव्य धर्मत पालन यायेवं पतिव्रता जुइगु ख; भात प्रतिया फुक्क कर्तव्य धर्मत पालन यायेनु, भातया प्रति यायेमा:गु कर्तव्य धर्मत फुक्क पालन याना हे भीसं थ्व लतां धा:थे हे फुक्क सम्पत्तित प्राप्त याये फई ।

३२५. “गथे महिन्धर पर्वतय् चवनीम्ह सिंहं पर्वत जङ्गलय् गोचर याना मेपिं प्यपां चूपिं स्याना मृगआदिपिंत स्याना ला नइगु ख:

३२६. “अथे हे थन आर्यश्राविकां भातया आश्रय कया भातया अनुव्रत याना क्रोधयात स्याना तथा मात्सर्यतायात त्याका धर्मचारिणी जुया स्वर्गय् लय्ताया वनी ।”

Dhamma.Digital

## ५. गुत्तिलविमानं

### १. वत्थुत्तमदायिकाविमानवत्थु

३२७. "हे देवराज ! जिं मूसिलयात वीणाया न्हेपु तारं न्हेगू ध्वनि व न्यीनिगू स्वर वड्ढुगु सुमधुर स्वर तथा न्येगू प्रकारं मुग्ध याये फड्ढुगु रमणीय वीणा व म्येया स्वरत स्यना बिया; आ: जिगुप्रति हे द्वेषभाव तथा वं जित रङ्गमञ्चय् वया वीणा थाना क्यं क्यं धयाच्वन उकिं हे कौशिक ! छ् जिगु शरण जुया ब्यु ।"

३२८. "जि छ्पिनि शरण जुयाबी, जि आर्य पूजक खः" छ्:पित शिष्यं त्याके फड्ढुगु, बरु आचार्य हे शिष्ययात त्याकी ।"

३२९. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रतारार्थे छ् च्वना च्वन ।

३३०. "गथे छ्गु उजागु वर्ण जूगु खः ? गथे छ्तं थथे सिद्ध जूगु खः? छ्तं यःगु भोगसम्पत्तित नं उत्पन्न जूगु खनेदु ।

३३१. "हे महानुभाव सम्पन्नम्ह देवी ! जिं न्यनाच्वना कि मनुष्य जुया च्वनाबले छं छु पुण्यकर्म याना ? गथे छ् थपायसकं तेज दुम्ह जुल ? गथे छ्गु शरीरया तेज फुक्क दिशापाखे प्रकाश जुल ?"

३३२. मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३३३. उत्तमगु वस्त्र बीम्ह नारी पुरुषपिं व स्त्रीपिं मध्ये श्रेष्ठ जुई, यःगु तथा बाँलाःगु वस्त्र बीम्ह नारी थुकथं दिव्यलोकय् उत्पन्न जुइ ।

३३४. उजागु उत्तम वस्त्र बीम्ह जिगु विमानयात स्व, जि थन कामवर्णी अप्सरा जुयाचवना, जिमि दोद्धिम्ह परिचारिका अप्सरापिं नं दु; स्व पुण्यया उत्तम विपाक ।

३३५. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।

३३६. "हे महानुभाव सम्पन्न भिक्षु ! मनुष्यलोकय् चवना चवनाबले गुगु पुण्य-कर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

(मेगु प्यंगू विमान गथे वत्थूदायिकाविमान खः अथेहे ब्याख्या यायेगु)

## २. पुष्फुत्तमदायिकाविमानवत्थु

३३७. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रताराथें छ चवना चवन ।

३३८. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंत यःगु भोगसम्पत्ति नं उत्पन्न जूगु खने दु ।

३३९. "हे महानुभाव सम्पन्नम्ह देवी ! जिं न्यना च्वना कि मनुष्य जुया च्वनाबले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुकक दिशापाखे प्रकाश जुल ?"

३४०. "मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३४१. "उत्तमगु स्वां बीम्ह नारी पुरुष व स्त्रीपिं मध्ये श्रेष्ठ जुइ, यःगु तथा बांलाःगु स्वां बीम्ह नारी थथे दिव्यलोकय् उत्पन्न जुइ ।

३४२. "जिगु विमानयात स्व, जि थन कामवर्णी अप्सरा जुयाच्वना, जिमि दोछिम्ह परिचारिका अप्सरापिं नं दु; स्व पुण्यया उत्तम विपाक ।

३४३-३४४. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुकक दिशापाखे प्रकाशित जूगु खः ।

### ३. गन्धुत्तमदायिकाविमानवत्थु

३४५. "हे देवी ! सुन्दर-रूप धारण याना फुकक दिशापाखे तेज फिजे याना शुक्रताराथें छ च्वना च्वन ।



३४६. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्तिनं उत्पन्न जूगु खनेदु ।

३४७. "हे महानुभाव सम्पन्नम्ह देवी ! जिं न्यनाचवना कि मनुष्य जुया चवनाबले छं छु पुण्य-कर्म याना ? गथे छ थपायसकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

३४८. "मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

३४९. "उत्तमगु गन्ध बीम्ह नारी पुरुष व स्त्रीपिं मध्ये श्रेष्ठ जुई, यःगु तथा बांलाःगु गन्ध बीम्ह नारी थथे दिव्यलोक्य उत्पन्न जुई ।

३५०. "जिगु विमानयात सो, जि थन कामवर्णी अप्सरा जुयाचवना, जिमि दोछिम्ह परिचारिका अप्सरापिं नं दु; स्व पुण्यया उत्तम विपाक ।

३५१-३५२. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

#### ४. फलुत्तमदायिकाविमानवत्थु

३५३. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रताराथे छ चवना चवन ।

३५४. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्तिनं उत्पन्न जूगु खनेदु ।

३५५. "हे महानुभाव सम्पन्नम्ह देवी ! जिं न्यनाचवना कि मनुष्य जुया चवनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

३५६. "मौद्गल्यायनद्वारा न्यंगु प्रश्नत न्यना उम्ह देवी लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३५७. "उत्तमगु फल बीम्ह नारी पुरुष व स्त्रीपिं मध्ये श्रेष्ठ जुई, यःगु तथा बांलाःगु फल बीम्ह नारी थथे दिव्यलोक्य उत्पन्न जुई ।

३५८. "जिगु विमानयात सो, जि थन कामवर्णी अप्सरा जुयाचवना, जिमि दोछिम्ह परिचारिका अप्सरापिनं दु; स्व पुण्यया उत्तम विपाक ।

३५९-३६०. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## ५. रसुत्तमदायिकाविमानवत्थु

३६१. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रताराथें छ चवना चवन ।

३६२. "गथे छंगु उजागु वर्ण जूगु खः ? गथे छंत थथे सिद्ध जूगु खः? छंतः यःगु भोगसम्पत्ति नं उत्पन्न जूगु खनेदु ।

३६३. "हे महानुभाव सम्पन्नम्ह देवी ! जिं न्यना च्वना कि मनुष्य जुया च्वनाबले छं छु पुण्य-कर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?"

३६४. "मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

३६५. "उत्तमगु रस बीम्ह नारी पुरुष व स्त्रीपिं मध्ये श्रेष्ठ जुई, यःगु तथा बांलाःगु रस बीम्ह नारी थथे दिव्यलोकय् उत्पन्न जुई ।

३६६. "जिगु विमानयात सो, जि थन कामवर्णी अप्सरा जुयाच्वना, जिमि दोछिम्ह परिचारिका अप्सरापिं नं दु; स्व पुण्यया उत्तम विपाक ।

३६७-३६८. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## ६. गन्धपञ्चङ्गुलिकदायिकाविमानवत्थु

३६९. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रतारार्थे छ च्वना च्वन ।

३७०-३७१. "गथे छंगु उजागु वर्ण जूगु खः ? गथे छंत थथे सिद्ध जूगु खः? ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

३७२. "मौद्गल्यायनद्वारा न्यंगु प्रश्नत न्यना उम्ह देवी लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३७३. "काश्यप भगवानया स्तूपय् न्यापतिं दुगु उत्तमगु गन्धपञ्चाङ्गुलि चढे याना; थुजागु चढे याइम्ह नारी पुरुष व स्त्रीपिं मध्ये श्रेष्ठ जुइ, यःगु तथा बाँलाःगु गन्धपञ्चाङ्गुलिक बीम्ह नारी थथे दिव्यलोकय् उत्पन्न जुइ ।

३७४. "जिगु विमानयात सो, जि थन कामवर्णी अप्सरा जुयाचवना, जिमि दोद्धिम्ह परिचारिका अप्सरापिनं दु; स्व पुण्यया उत्तम विपाक ।

३७५-३७६. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

### ७. एकूपोसथविमानवत्थु (१)

३७७-३७९. "हे देवी ! सुन्दर-रूप धारण याना फुक्क दिशापाखे तेज फिजे याना ... पूर्ववत् ... गथे छंगु शरीरया तेज फुक्क दिशापाखे फैले जुल ?"

३८०. “उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३८१. “लंय् वनाच्चंम्ह भिक्षु व भिक्षुणीयात जिं खना उमिगु उपदेश न्यना जिं एक उपोसथ व्रत पालन याना ।

३८२. “जिगु विमानयात स्व, उकियागु प्रभावद्वारा जि जि थन कामवर्णी अप्सरा जुयाचवना, जिमि दोछिम्ह परिचारिका अप्सरापिं नं दु; पुण्यया उत्तम विपाकयात स्व ।

३८३-३८४. “उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

Dhamma.Digital

## ८. उदकदायिकाविमानवत्थु (२)

३८५-३८७. “हे देवी ! सुन्दर-रूप धारण याना फुक्क दिशापाखे तेज फिजे याना ... पूर्ववत् ... गथे छंगु शरीरया तेज फुक्क दिशापाखे फैले जुल ?”

३८८. “उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३८९. "लखय् च्वना प्रसन्नगु चित्त याना जिं भिक्षुपित्त लः दान बिया । थथे प्रियजुइगु वस्त्र दान बीम्ह नारी दिव्यलोकय् उत्पन्न जुइ ।

३९०. "जिगु विमानयात स्व, उकियागु प्रभावद्वारा जि थन कामवर्णी अप्सरा जुया च्वना, जिमि दोछिम्ह परिचारिका अप्सरापिं नं दु; पुण्यया उत्तम विपाकयात स्व ।

३९१-३९२. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## ९. उपट्ठानविमानवत्थु (३)

३९३- ३९५. "हे देवी ! सुन्दर-रूप धारण याना फुक्क दिशापाखे तेज फिजे याना ... पूर्ववत् ... गथे छंगु शरीरया तेज फुक्क दिशापाखे फैले जुल ?"

३९६. "उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

३९७. "जिं क्रोधी, चण्डी तथा छाक्क खँहाइगु स्वभावम्ह माजु ससःजु प्रति अक्रोधिनी तथा आज्ञाकारिणी जुया अप्रमादपूर्वक थःगु धर्मानुसार सेवा तहल याना ।

३९८. "जिगु विमानयात स्व, उकियागु प्रभावद्वारा जि थन कामवर्णी अप्सरा जुया च्वना, जिमि दोछिम्ह

परिचारिका अप्सरापिं नं दु; पुण्यया उत्तम विपाकयात स्व ।

३९९-४००. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

### १०. अपरकम्मकारिनीविमानवत्थु (४)

४०१-४०३. "हे देवी ! सुन्दर-रूप धारण याना फुक्क दिशापाखे तेज फिजे याना ... पूर्ववत् ... गथे छंगु शरीरया तेज फुक्क दिशापाखे फैले जुल ?"

४०४. "उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

४०५. अर्थाभावया कारणं याना जि मेपिनि छेंय् दासी जुया च्वना, तँ मचाइम्ह जुया अभिमान मयाइम्ह जुया जिं थःगु भागं दान नं बीया ।

४०६. "जिगु विमानयात स्व, उकियागु प्रभावद्वारा जि थन कामवर्णी अप्सरा जुया च्वना, जिमि दोछिम्ह परिचारिका अप्सरापिं नं दु; पुण्यया उत्तम विपाकयात स्व ।

४०७-४०८. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## ११. खीरोदनदायिकाविमानवत्थु

४०९. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रताराथे छ च्वना च्वन ।

४१०-४११. "गथे छंगु उजागु वर्ण जूगु खः ... पूर्ववत् ... गथे छंगु शरीरया तेज फुक्क दिशापाखे फैले जुल ?"

४१२. "उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

४१३. भिक्षाटन विज्याना च्वंम्ह भिक्षयात जिं क्षीर भोजन दान बिया; ध्व हे कर्मया प्रभावद्वारा सुगती उत्पन्न जुया लय्ताया च्वना ।

४१४. "जिगु विमानयात स्व, उकियागु प्रभावद्वारा जि थन कामवर्णी अप्सरा जुया च्वना, जिमि दोछिम्ह परिचारिका अप्सरापिं नं दु; पुण्यया उत्तम विपाकयात स्व ।

४१५-४१६. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

(थनं न्वय् नीन्यागु विमान गथे खीरोदनदायिकाविमान खः अथे हे कायेगु)



## १२. फाणितदायिका विमानवत्थु (१)

४१७-४१९. “हे देवी ! सुन्दर-रूप धारण याना फुक्क दिशापाखे तेज फिजे याना ... पूर्ववत् ... गथे छंगु शरीरया तेज फुक्क दिशापाखे फैले जुल ?”

४२०. “उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

४२१-४२८. “भिक्षाटन बिज्याना च्वंपिं भिक्षुपिंत जिं साखः दान बिया ... पूर्ववत् ... ।”

## १३. उच्छुखण्डिकदायिकाविमानवत्थु (२)

४२९-४३६. “भिक्षाटन बिज्याना च्वंपिं भिक्षुपिंत जिं तु छकू टुका दान बिया ... पूर्ववत् ... ।”

## १४. तिम्बरुसकदायिकाविमानवत्थु (३)

४३७-४४४. “भिक्षाटन बिज्याना च्वंपिं भिक्षुपिंत जिं तिम्बरुसक फल दान बिया ... पूर्ववत् ... ।”

## १५. कक्कारिकदायिकाविमानवत्थु (४)

४४५-४५२. “भिक्षाटन बिज्याना च्वंपिं भिक्षुपिंत जिं तुसि दान बिया ... पूर्ववत् ... ।”

**१६. एलालुकदायिकाविमानवत्थु (५)**

४५३-४६०. “भिक्षाटन बिज्याना च्वंपिं भिक्षुपिंत जिं एलालुक फल दान बिया ... पूर्ववत्... ।”

**१७. वल्लिफलदायिकाविमानवत्थु (६)**

४६१-४६८. “भिक्षाटन बिज्याना च्वंपिं भिक्षुपिंत जिं खर्बुजा दान बिया ... पूर्ववत् ... ।”

**१८. फारुसकदायिकाविमानवत्थु (७)**

४६९-४७६. “भिक्षाटन बिज्याना च्वंपिं भिक्षुपिंत जिं फारुसक फल दान बिया ... पूर्ववत् ... ।”

**१९. हत्थप्पतापकदायिकाविमानवत्थु (८)**

४७७-४८४. “भिक्षाटन बिज्याना च्वंपिं भिक्षुपिंत जिं मिं पनेगु मकः फल बिया ... पूर्ववत् ... ।”

**२०. साकमुट्ठिदायिकाविमानवत्थु (९)**

४८५-४९२. “भिक्षाटन बिज्याना च्वंपिं भिक्षुपिंत जिं लप्टे छम्हू दान बिया ... पूर्ववत्... ।”

### २१. पुप्फकमुट्ठिदायिकाविमानवत्थु (१०)

४९३-५००. “भिक्षाटन बिज्याना च्वंपिं भिक्षुपिंत जिं स्वां छम्हू दान बिया ... पूर्ववत् ... ।”

### २२. मूलकदायिकाविमानवत्थु (११)

५०१-५०५. “भिक्षाटन बिज्याना च्वंपिं भिक्षुपिंत जिं वासःया हा छम्हू दान बिया ... पूर्ववत् ... ।”

### २३. निम्बमुट्ठिदायिकाविमानवत्थु (१२)

५०६-५१६. “भिक्षाटन बिज्याना च्वंपिं भिक्षुपिंत जिं नीहः छम्हू दान बिया ... पूर्ववत् ... ।”

### २४. अम्बकज्जिकदायिकाविमानवत्थु (१३)

५१७-५२४. “भिक्षाटन बिज्याना च्वंपिं भिक्षुपिंत जिं पाउंगु यागु दान बिया ... पूर्ववत् ... ।”

### २५. दोणिनिम्मज्जनिदायिकाविमानवत्थु (१४)

५२५-५३२. “भिक्षाटन बिज्याना च्वंपिं भिक्षुपिंत जिं वसःहीगु द्रोणी दान बिया ... पूर्ववत् ... ।”

**२६. कायबन्धनदायिकाविमानवत्थु (१५)**

५३३-५४०. “भिक्षाटन बिज्याना च्वंपिं भिक्षुपिंत जिं कायबन्धन दान बिया ... पूर्ववत् ... ।”

**२७. अंसबद्धकदायिकाविमानवत्थु (१६)**

५४१-५४५. “भिक्षाटन बिज्याना च्वंपिं भिक्षुपिंत जिं एकांशगु वस्त्र दान बिया ... पूर्ववत्... ।”

**२८. आयोगपट्टदायिकाविमानवत्थु (१७)**

५४६-५५६. “भिक्षाटन बिज्याना च्वंपिं भिक्षुपिंत जिं जनी दान बिया ... पूर्ववत् ... ।”

**२९. विधूपनदायिकाविमानवत्थु (१८)**

५५७-५६४. “भिक्षाटन बिज्याना च्वंपिं भिक्षुपिंत जिं प्यकुंलाःगु पंखा दान बिया ... पूर्ववत् ... ।”

**३०. तालवण्टदायिकाविमानवत्थु (१९)**

५६५-५७२. “भिक्षाटन बिज्याना च्वंपिं भिक्षुपिंत जिं ताडया पंखा दान बिया ... पूर्ववत् ... ।”

### ३१. मोरहत्थदायिकाविमानवत्थु (२०)

५७३-५८०. “भिक्षाटन बिज्याना च्वंपिं भिक्षुपिंत जिं म्हेखापायागु पंखा दान बिया ... पूर्ववत् ... ।”

### ३२. छत्तदायिकाविमानवत्थु (२१)

५८१-५८५. “भिक्षाटन बिज्याना च्वंपिं भिक्षुपिंत जिं कुसा दान बिया ... पूर्ववत् ... ।”

### ३३. उपाहनदायिकाविमानवत्थु (२२)

५८६-५९६. “भिक्षाटन बिज्याना च्वंपिं भिक्षुपिंत जिं चप्पल दान बिया ... पूर्ववत् ... ।”

### ३४. पूवदायिकाविमानवत्थु (२३)

५९७-६०४. “भिक्षाटन बिज्याना च्वंपिं भिक्षुपिंत जिं मरि दान बिया ... पूर्ववत् ... ।”

### ३५. मोदकदायिकाविमानवत्थु (२४)

६०५-६१२. “भिक्षाटन बिज्याना च्वंपिं भिक्षुपिंत जिं लड्डु दान बिया ... पूर्ववत् ... ।”

### ३६. सक्खलिकदायिकाविमानवत्थु (२५)

६१३. "भिक्षाटन बिज्याना च्वंपिं भिक्षुपिंत जिं सर्बत दान बिया ... पूर्ववत् ... ।"

६१४. "जिगु विमानयात स्व, उक्कियागु प्रभावद्वारा जि थन कामवर्णी अप्सरा जुया च्वना, जिमि दोछिमह परिचारिका अप्सरापिं नं दु; पुण्यया उत्तम विपाकयात स्व ।

६१५-६१६. "उक्कियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उक्कियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

६१७. "थौं जिगु स्वागत जुल, थौं जिगु सुप्रभात खः थौं जिं कामवर्णी देव अप्सरापिंत स्वये खन ।

६१८. "थुमिगु धर्मया खंत न्यना जिं नं आपालं कुशल-कर्म याये; जिं दान बी, जिं काय संयम याना चित्त संयम नं याये अले जि उगु थासे वने—गन वनेबले शोक जुइमखु ।"

### ६. ददृल्लविमानवत्थु

६१९. "भलललं थिनाच्वंगु वर्णद्वारा प्वालाप्वालां थिना, यशद्वारा यशस्वी जुया सकल त्रायत्रिंश देवतापिं स्वयानं छ रूप व वर्णय् अत्यन्त तेजवान जू ।

६२०. “छंत जिं न्हापा मखना न्हापां नापलाःगु थ्व हे ख; छ गुगु देवलोकं वयागु ? हानं छाया् छै जित “भद्रा” धका जिगु नाँ कया सःतागु ?”

६२१. “हे भद्रे ! जि न्हापा मनुष्यलोक्य सुभद्रा खः जि छै लिथु तथा चिकिधिकःम्ह क्यहें नं खः ।

६२२. “जि उगु कायं च्युत जुया अनं मुक्त जुया मृत्युलिपा निर्माणरती देवतापिन्थाय् उत्पन्न जुल ।”

६२३. “हे सुभद्रे ! गुगु देवलोक्य उत्पन्न जुया धका छै बयान यात व निर्माणरति देवलोक्य ला यक्व यक्व पुण्ययाःपिं मनुष्यपिं जक उत्पन्न जुइ फई ।

६२४. “उकिं गुजागु पुण्यद्वारा अथवा स्वयागु अनुशासनय् च्वना अथवा गुजागु दानद्वारा तथा गुजागु व्रतद्वारा छ यशवती जुल ?

६२५. छु याना छं थ्व विशेषता प्राप्त याना, छु याना छं थ्व विपुलता प्राप्त याना ? हे देवी ! जिं छंके न्यनाच्वना कि थ्व छुकिया फल खः ?”

६२६. “गुगु जिं न्हापा च्याम्ह दाक्षिणेय भिक्षु संघपिंत अत्यन्त प्रसन्न चित्त याना थःगु हे ल्हातं पिण्डपात्रादि दान बियागु खः उकियागु हे प्रभावद्वारा थुजागु फल प्राप्त जूगु खः ।

६२७-६२८. “उकियागु हे प्रभावद्वारा थुजागु शरीर वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।”

६२९. “छं स्वया जिं आपा संयमी तथा ब्रह्मचारीपित प्रसन्न चित्त तथा थःगु हे ल्हातं अन्न पानद्वारा सन्तर्पित यानागु दु ।

६३०. “छं स्वया अपोसित दान बिया नं जि हीनतर देवलोक्य उत्पन्न जुल जिं स्वया अल्पतर भिक्षुपित दान ब्यूम्ह छं थुजागु विशेषता गथे याना प्राप्त याना ? थ्व छु कर्मया फल खः ? हे देवी जिगु न्हयसःया लिसः ब्यु ।”

६३१. “न्हापा जिं चित्त हर्षित याइपिं तथा महान गुणसम्पन्न भिक्षुपित खना अले जिं रेवत स्थविर सहित उपिं भिक्षुपित निमन्त्रणा याना ।

६३२. “अले रेवत स्थविरं दानया फल महत्फल जुइकेगु नितिं अनुकम्पापूर्वक जित “संघे दान ब्यु” धका धया बिज्यात, जिं नं अथे हे याना ।

६३३. “व दान संघदान जुया च्वन हानं अप्रमाण गुण दुपिं संघप्रति यानागु जुया च्वन; छं पुद्गलपित ब्यूगु जुया च्वन, उकिं छंगु दानया फल महत्फल मजूगु खः ।”

६३४. “संघय् बियागु दानया फल महत्फलदायी जुइफु धयागु खँ आः जिं थुल, आः मनुष्यत्वे वना, छंगु खँ न्यना मात्सर्यतां रहित जुया अप्रमत्ता जुया हानं हानं संघय् दान बी ।”

६३५. “भद्रे ! छनाप खँल्हाम्ह व देवपुत्री सु खः ? गुम्ह कि त्रायत्रिंशया फुक्क देवतापिं स्वयानं तेजस्वी जू ।”



६३६. “हे देवेन्द्र ! न्हापाया जन्मय् मनुष्यलोकय् मनुष्य जुया च्वनाबले व जिमि लिथु व चिकिधिकःम्ह क्यहेँ नं खः, संघय् दान ब्यूगु पुण्यया प्रभावद्वारा व तेजस्वी जूगु खः ।”

६३७. “हे भद्रे ! छिमि क्यहेँनं न्हापायागु जन्मय् गुगु अप्रमाण गुण दुपिं संघप्रति दान ब्यूगु खः उकियागु हे कारणं याना आः व प्रभावशाली तथा तेजस्वी जुल, थ्व धर्मता हे खः ।

६३८. “छन्हु गृद्धकूट पर्वते जिं भगवानयाके “गन दान बीबले दानविभाजनया फल महान जुइ ?” धका न्यनागु दु ।

६३९. “पुण्यया इच्छा याना सांसारिक पुण्यकर्म याइपिंगु नितिं गन दान बीबले महत्फल दइ ?” धयागु खं नं जिं बुद्धया सन्मुखे न्यनागु दु ।

६४०. “अले उगु उगु पुण्यया कर्म व कर्मफलयात सीके फुम्ह बुद्ध भगवानं थथे लिसः बिया बिज्यात -

६४१. “मार्गय् थ्यंम्ह प्यम्ह व फले थ्यंम्ह प्यम्हसित उजु तथा प्रज्ञा व शीलं परिपूर्ण जूपित संघ धाइ ।

६४२. “पुण्यया इच्छा याना दान बीपिं मनुष्यपिनिगु नितिं तथा सांसारिक पुण्यकर्म याइपिं मनुष्यपिनिगु नितिं संघय् बियागु दानया फल महत्फलदायी जुइ ।

६४३. “थ्व संघ हे विपुल तथा महान खः थ्व

संघ हे महासागरया लःथें अप्रमेय खः, थ्व संघ हे नरवीर जुया बिज्याम्ह बुद्धया श्रावकपिं खः, गुपिसं ज्ञानया आलोक प्रकाश याइ ।

६४४. “गुम्हसिनं संघयात उद्देश्य याना दान बिइ वं बांलाक दान ब्यूगु जुइ, बांलाक सत्कार याःगु जुई तथा बांलाक यज्ञ याःगु जुई; संघे प्रतिष्ठित याकुगु उगु दानया फल महत्फलदायी जुई हानं थुकियात लोकविद् जुयाबिज्याम्ह बुद्ध नं प्रशंसा याना बिज्यागु दु ।

६४५. “थुकथं संघय् बियागु दानयात अनुस्मरण याना गुम्ह लोकय् विचरण याइ वं मात्सर्यमलया हानापं लिना छोये फइ हानं प्रशंसित जुया स्वर्गय् नं थ्यंकःवने फइ ।

## ७. पेसवतीविमानवत्थु

Dhamma.Digital

६४६. “फलिक मणिया अंगः व लुं वहया च्वय् क्वेया भूमि चित्र बिचित्रया रङ्गं छायात्तःगु रमणीयगु प्रासादे सप्तरत्नं जायाच्चंगु तोरण व मिसामचातथें च्वपिं सुवर्णया रुचा नाया प्रतिमां छायात्पा तःगु विमानय् ।

६४७. “आकाशय् भिगू दिशाय्सनं सूर्यसमान जाज्वल्यमान जुइक, अन्धकार मदेक छंगु विमान थिना च्वन । सरद ऋतुया सहश्ररश्मि दुगु सूर्यथें, च्याना च्वंगु अग्निथें छंगु विमान आकाशय् थिनाच्चंगु दु ।

६४८. “तस्सतं थीगुलिं, पल्पसा त्वइबलेथें मिखां स्वयेतकनं मफैकथं थिनाच्चंगु विमानय् वीणा, भेरी, कय्यागु

ताः आदिया शब्द ध्वेका देवपुत्र देवपुत्रीपिं इन्द्रपुरथें च्वंक च्वना च्वंगु दु ।

६४९. “पद्म, कुमुद, उत्पल, कुबलय आदि स्वां व योधिक बन्धुजीवक अनोजक वृक्ष नं दु; साल, कुसुमित, पुष्पित, अशोक आदि अनेक प्रकारया उत्तम उत्तमगु वृक्षं सुगन्धित व शोभायमान जुया च्वंगु दु ।

६५०. “सलल, लबुज, भुजक धयागु देवलोक्य् व गन्धमादान्य् जक दइगु सुगन्धवृक्ष तथा कुशक, ताड नैक्या अले बांलाक स्वां ह्वया च्वंगु लता आदि संयुक्त जुया च्वंगु दु, मणिथें च्वंगु लःखं जाया च्वंगु पुष्करणी विमानया लिक्क दु ।

६५१. “मनुष्यपिन्थाय् दइगु व देवतापिन्थाय् दइगु फुक्क प्रकारया लख्य् ह्वैगु स्वां, स्थलय् दइगु सिमात दक्वं छंगु विमानय् दु ।

६५२. “गुजागु संयम, दमया कारणं थुगु विपाक दुगु खः, छु कर्म-फलया प्रभावं थन उत्पन्न जूगु खः, गुकिंयाना थ्व विमान छंत प्राप्त जुल, उगु कर्मयात जित गथे खः अथे कं ।”

६५३. “गथे जित थ्व विमान प्राप्त जुल धाःसा क्रोञ्च, मयूर, चकोर व लख्य् विचरण याइपिं लःहयं हंसराजपिं तथा कारणडव, कोकिल आदि मेमेपिं नं भंगतय्सं थःथःगु शब्द पिकया च्वंगु ।

६५४. “थीथी प्रकारया शाखा प्रशाखा युक्तगु अनेक प्रकारया स्वांमा सिमा पाटलि, जम्बुक, अशोक वृक्ष

नं गथे जित ध्व विमानय् प्राप्त जुल, व जिं कने,  
भन्ते ! न्यना बिज्याहुँ ।

६५५. “भन्ते ! नगर मध्ये उत्तमगु मगध राष्ट्रया  
पूर्वपाखे नालक नागु गाँ छगू दु, अन जि छम्ह  
गृहपतिकुलय् भौमचा जुया च्वना ।

६५६. “अन जिं अर्थ व धर्म कुशल जुया  
बिज्याम्ह देव मनुष्यद्वारा पूजित, महान, उपतिस्स (सारिपत्र)  
यात प्रसन्नगु चित्तं स्वानं पूजा याना ।

६५७. “परमगती गमन याना बिज्याम्ह, अन्तिम  
देहधारी, ऋषियात पूजा याना मनुष्यदेह तोता थुगु त्रायत्रिंश  
देव भुवनय् थुगु विमानय् उत्पन्न जुया च्वं वया ।”

## द. मल्लिकाविमानवत्थु

६५८. “म्हासुगु वस्त्र, म्हासुगु ध्वायंपता: तथा  
म्हासुगु हे अलङ्कारं विभूषित जुया म्हासुगु गाँ न्यया  
शोभायमान जुया च्वंम्ह छ अलंकारं मत्यूसानं थःगु  
रूपसम्पत्तिं हे बालाम्ह खः ।

६५९. “सतपते तयगु काञ्चनलता व हेमजालं  
छायपा च्वंम्ह तथा अनेक प्रकारया ल्हातय् धारण याइगु  
रत्नया ककण व बाजू धारण याना च्वंम्ह छगु वर्ण  
शोभायमान जू ।

६६०. “सुवर्ण, पद्मराग, हचाउंगु रत्नमणि,  
मसारगल्ल मणि, मोति, वेल्लोर, मणिद्वारा बखुंया मिखाथें  
चित्रित जुया च्वंगु दु ।

६६१. “उकिं म्हेखा हाःथें, हयंया स्वरथें करवीक भंगयाथें स्वर पिहावो हानं न्यागू अङ्गुक्तुगु तुरियबाद्य थाःगुथें शब्दनं ताये दयाचवं ।

६६२. “थीथी प्रकारया रत्न थुनातःगु नानाधातुयागु छंगु उत्तमगु रथनं शोभायमान जुया च्वंगु दु ।

६६३. “उगु रथ काञ्चनबिम्ब वर्ण जू गन च्वना छं थुगु सम्पूर्ण प्रदेशयात जाज्वल्यमान यानाच्वन । हे देवी ! जिं छंके न्यना च्वना कि थ्व छु कर्मद्वारा थुजागु फल प्राप्त जूगु खः ?”

६६४. “मणि सुवर्ण आदिद्वारा चित्रित जाल व थासंथासय् मोति थुनातःगु हेमजालं तोपुया च्वंगु गुगु थ्व विमान खः - व व हे पुण्यया प्रभावया फल खः गुगु जिं अप्रमेय्य जुया बिज्यामह गौतम बुद्ध परिनिर्वाण जुया बिज्याय् धुनेवं प्रसन्नगु चित्तं वसपोलया शरीरय् व तिसा छाया पूजा याना चढे याना ।

६६५. “सम्यक्सम्बुद्धं कना बिज्यागु उगु कुशलकर्म याना थौं जि शोक तापाका सुख प्राप्त याना निरोगी जुया लयताया नं च्वनागु दु ।”

## ९. विसालक्खिविमानवत्थु

६६६., “थुगु न्हचाइपुगु चित्रलतावने सम्पूर्ण नारीगणपिनि न्हचोन्हचो च्वना च्वंमह हे विसालगु मिखा दुमह देवी ! छंगु नां छु ?

६६७. “गुबले देवतापिं रथे च्वना त्रायत्रिंशया थुगु वने प्रवेश याइ उबले सकलें विचित्र आकारपिं जुइ ।

६६८. “छंथाय् थन थ्यनेवं हे उद्यानय् विचरण याइबले शरीरय् चित्त खने दइ मखु छंगु रूप छाया् थथे जूगु ? हे देवी ! जिं छंके न्यनाच्वना कि थ्व छु कर्मद्वारा थुजागु फल प्राप्त जूगु खः ?”

६६९. “भो देवेन्द्र ! गुगु कर्मद्वारा जिगु रूपया गति ऋद्धि व आनुभाव प्राप्त जूगु खः उकियात हे पुरिन्दद न्यना विज्याहुँ ।

६७०. “जि न्हचाइपुगु राजगृहे सुनन्दा नाम्ह उपासिका जुया च्वनाबले सदानं शीलं सम्पन्न जुया सविभागरत जुया च्वना ।

६७१. “वस्त्र, भोजन, शयनासन, मत आदि शुद्ध चित्तं प्रसन्नगु चित्तं दान बिया ।

६७२-६७३. “चतुर्दशी, पूर्णिमा हानं पक्षया अष्टमी व पाटिहारिय पक्षय् नं च्यागू अङ्गं सम्पन्नगु उपोसथ व्रत धारण याना सदानं शीलद्वारा सुसंयत जुया संयमित जुया थुगु विमानय् च्वना च्वना ।

६७४. “प्राणीहिंसां विरत जुया, भूठ खँ ल्हायगुली संयम याना, खुंज्या व्यभिचार व मद्यपानं अलग जुया ।

६७५. “न्यागू शिक्षापदयात बांलाक पालन याना आर्यसत्ययात बांलाक स्यूम्ह, अप्रमादीपूर्वक विहार याइम्ह चक्षुमान गौतमया उपासिका जुया ।

६७६. “उबले जिमि बौपिनि छेंया दासीपिसं सदानं यक्व स्वांमाःत हया बीगु, उकिं भगवानया धातुचैत्यय् व फुकं हे छाया पूजा यायेगु ।

६७७. “उपोसथबले नं जि वना प्रसन्न जुया माला गन्ध विलेपन आदि थःगु हे ल्हातं स्तूपय् चढे यायेगु ।

६७८. “भो देवेन्द्र ! उगु कर्मद्वारा जिगु रूपया गति ऋद्धि व आनुभाव प्राप्त जूगु खः कि- गुगु माला जिं स्तूपे चढे यानागु खः ।

६७९. “शीलवती जुया च्वनाबले व फल प्राप्त मजूसां भो देवेन्द्र ! जिं सकृदागामी जुइगु आशा याना च्वना ।”

## १०. पारिच्छत्तकविमानवत्थु

६८०. “हे देवी ! छ् न्हाइपुसे च्वंगु यैपुगु पारिच्छत्त, कोविलार दिव्य स्वांमाः हना म्ये हाला लय्ताया च्वन ।

६८१. “छ् अथे प्याख् हुलीबले सम्पूर्ण अङ्गं दिव्यशब्द ब्वय्का प्याहां वैगु न्यने हे यैपुसे न्हाइपुसे च्वं ।

६८२. “छ् अथे प्याख् हुलीबले सम्पूर्ण अङ्गं दिव्यगन्ध ब्वय्के हइगु सुचिगन्ध यैपुसे च्वं ।

६८३. “छ्ं म्ह संकीबले गुगु सतपत सनीगु शब्द ताये दइगु खः पञ्चाङ्ग तुरियथे च्वं ।

६८४. “रत्नमय कर्णिक फसं चिसकं संकूसां  
तःसकं संकूसां उकिं पिहाँ वैगु शब्द पञ्चाङ्ग तुरियथे  
चवं ।

६८५. “छचने च्वंगु स्वांमाः नं सुचिगन्ध व यैपुसे  
चवं व गन्ध फुक्क दिशाय् मञ्जूसक वृक्षथे बासवो ।

६८६. “उगु सुचिगन्ध नतुनेबले अमानुसीथे च्वनीगु,  
हे देवी ! जिं छंके न्यनाच्वना कि थ्व छु कर्मद्वारा थुजागु  
फल प्राप्त जूगु खः ?”

६८७. वर्ण गन्ध संयुक्त अशोक स्वांमालं प्रभास्वर  
अर्चिक्मति बुद्धयात जिं पूजा याना ।

६८८. “सम्यक्सम्बुद्धं कना बिज्यागु उगु कुशल-  
कर्म याना थौं जि शोक तापाका सुख प्राप्त याना निरोगी  
जुया लय्ताया नं च्वनागु दु ।”

Dhamma.Digital

पारिच्छत्तकवर्ग स्वचाल ।

उलार, उच्छु, पल्लङ्ग, लता हानं गुत्तिल ।  
ददल्ल, पेस, मल्लिका, विसालक्खि, पारिच्छत्त ।  
उकिं वर्ग धयातल ।



## ४. मञ्जिट्ठकवर्ग

### १. मञ्जिट्ठकविमानवत्थु

६८९. “मञ्जिट्ठक विमानय् सुवर्णं फि लायातःगु भूमी न्यागू अङ्गुत्तगु तुरिय थाका न्हचाइपुका च्वंम्ह ।

६९०. “उगु रत्नमय विमानं क्वाहां वया न्हचागु इले नं स्वां ह्वयाच्वनीगु सालवने दुहांवनी ।

६९१. “गुगु सालया यशं याना देवतापिं उगु सिमाक्वय् च्वं वनीगु खः, उगु उत्तमगु सिमां स्वां कुटुंबया च्वनीगु ।

६९२. “मन्द मन्द फसं स्वां संकीबले द्विज धैपिं म्हेखा कोकिल आदि भंगःतय्सं सेवन याना च्वनी, उकिया गन्ध मञ्जुसक वृक्षथें फुक्क दिशाय्स नं बास वया च्वनी ।

६९३. “उगु सुचिगन्ध नतुनेबले अमानुसीथें च्वनीगु, हे देवी ! जिं छंके न्यना च्वना कि थ्व छु कर्मद्वारा थुजागु फल प्राप्त जूगु खः ?”

६९४. “जि मनुष्यलोकय् मनु जुया आर्यकुलया दासी जुया च्वनाबले भगवान बुद्ध साल सिमाक्वय् फेतुना बिज्यागु खना जिं सालया स्वां तया बिया ।

६९५. “मन्द मन्द फसं हाय्कूगु सालपुष्प मुना बुद्धयात प्रसन्न चित्तं थःगु ल्हातं पूजा याना ।

६९६. “सम्यक्सम्बुद्धं कना बिज्यागु उगु कुशल-कर्म याना थौं जि शोक तापाका सुख प्राप्त याना निरोगी जुया लय्ताया नं चवनागु दु ।”

## २. पभस्सरविमानवत्थु

६९७. “दिव्य प्रभास्वर वर्णगु हचाउंसे च्वंगु वस्त्रं पुना चन्दनं बुला च्वंम्ह, हे महिद्धि देवी ! जित वन्दना याना चवनाम्ह छ सु खः ?

६९८. “छंगु पल्लङ्क महर्घ जू, नानारत्नं चित्रित यानातःगु यैपसेच्वं, गन छ फेतुना च्वंगु खः व नन्दनवनय् देवराज थे प्रकाशमान जू ।

६९९. हे भद्रे ! छं न्हापा छु भिंगु ज्या याना वया, गुगु कर्मया विपाकं थ्व देवलोक्य् अनुभोग याना चवना ? हे देवी ! जिं छंके न्यना चवना कि थ्व छु कर्मद्वारा थुजागु फल प्राप्त जूगु खः ?”

७००. “भन्ते ! जिं भिक्षा बिज्याना च्वंम्हसित सुमनपुष्प व साखःति दान याना, उगु कर्मया विपाकं थ्व देवलोक्य् अनुभोग याना चवना ।

७०१. “जित अनुताप जुया आः जि दुःखी नं जुया चवना, छायाधाःसा जिं धर्मराज जुया बिज्याम्हसिगु सुदेशित धर्म न्यने मखन ।

७०२. “उकिं भन्ते ! जिं धयाच्चवना जित अनुकम्पा तया छुं भचा जूसां धर्मराजं देशना याना बिज्यागु धर्म कना बिज्याहुं ।

७०३. “गुम्हसिके बुद्धप्रति धर्म व संघरत्नया प्रति नं श्रद्धा दु उपिं जि स्वयानं आयु, यश व श्रीयाकें तस्सतं थिना चवनी ।

७०४. “प्रताप नं वर्णं नं भंभं हे जि स्वया महिद्धिकतर जुइ ।”

### ३. नागविमानवत्थु

७०५. “मणिकाञ्चन थुनातःगु फुक्क प्रकारया तिसां तिया महान विचित्र सुवर्णजालं छायापिया उत्तमम्ह किसि गया आकाशमार्गं छ थन वल ।

७०६. “किसिया दन्तं दय्का तःगु निर्मल लखं जाया च्वंगु पलेस्वानं शोभायमान जुया च्वंगु निगू पुखू दु, तूर्यगणपिसं भिंनिगू लय्या भेद पिकया म्ये हाला मनोहर ढंगं प्याखं हुया च्वंगु दु ।

७०७. “हे देवऋद्धि प्राप्तम्ह महानुभावसम्पन्न देवी ! छं मनुष्यलोकय् चवनावले छु पुण्य याना ? छु कारणं छंगु थुजागु ज्वलित प्रभाव दुगु खः ? फुक्क दिशापाखे छंगु वर्णं नं फिंजे जुया च्वंगु दु ।”

७०८. “बाराणशीया ऋषिपतनय् वना जिं बुद्धयात वस्त्रं छजो दान बिया, वसपोलया चरणकमलय् वन्दना

याना बयं फेतुना अले प्रसन्न जुया लहाःनिपां बिनित्त याना नमस्कार नं याना ।

७०९. “काञ्चनवर्ण जुया बिज्याम्ह वसपोलं जित दुःख, दुःखसमुदय व उकिया अनित्यताया बारे उपदेश याना बिज्यात । अले सुसंस्कृत जुया च्वंगु निर्वाण व निर्वाणगामिनी मार्गया बारे नं उपदेश याना बिज्यात गुगु धर्मयात जिं साक्षात्कार नं याना ।

७१०. “अले अल्पायु जूगुया कारणं याना अनं च्युत जुया जि यशस्विनी जुया देवगणय् शक्रया प्रजापतिपिं मध्ये छम्ह जुया उत्पन्न जुया हानं यसुत्तरा धयागु जिगु नां फुक्क दिशापाखे प्रख्यात जुल ।”

## ४. अलोमविमानवत्थु

७११. "हे देवी ! सुन्दर-रूप धारण याना फुक्क दिशापाखे तेज फिजे याना शुक्रताराथें छ च्वना च्वन ।

७१२-७१३. "गथे छंगु उजागु वर्ण जूगु खः ? ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७१४. “उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

७१५. “बाराणशी आदित्यबन्धु जुया बिज्याम्ह बुद्धयात प्रसन्न चित्त तया जिं थःगु हे लहातं गंगु कुल्माष-पिण्ड दान याना ।

७१६. "स्वया बिज्याहं ! थ्व गंगु तथा चि म्दुगु कुल्माष-पिण्ड दानया फल ! सुखी जुयाच्चनाम्ह जि अलोमायात खना सुनां पुण्यकर्म मयाइ ?

७१६-७१८. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

## ५. कञ्जिकदायिकाविमानवत्थु

७१९. "हे देवी ! सुन्दर-रूप धारण याना, ... पूर्ववत् ... शुक्रताराथे थिना च्वन ।

७२०. "गथे छंगु उजागु वर्ण जूगु खः ?... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७२१-७२२. "उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल -

७२३. "बय्सियागु दाय्कातःगु रसय् चिकं ह्वाना तःगु (कञ्जिक) यागु अन्धकबिन्दय् च्वना बिज्याम्ह आदित्यबन्धु जुया बिज्याम्ह बुद्धयात जिं दान बिया ।

७२४. "ऋजु जुया बिज्याम्ह सम्बुद्धयात प्रसन्न चित्त तथा जिं पिपी, लभा, हिं, तथा जी आदि सहित याना लामञ्जकया हा ल्वाकःछ्याना दान याना ।

७२५. "ध्व यागु दानया न्हचोने चक्रवती जुजुया महिषित्व व अति दर्शनीय सर्वाङ्गकल्याणी नारीत्व ला भिंखुब्बय् छब्ब नं जुइ मखु ।

७२६. "ध्व यागु दानया फलया न्हचोने सच्छिगु निक्खत, सच्छि सलत, सच्छि मासल दुगु रथत तथा मोति मणि तियातःपिं सच्छिदो कन्यात ला भिंखुब्बय् छब्ब नं जुइ मखु ।

७२७. "ध्व यागु दानया फलया न्हचोने च्वामुसेच्चंगु दन्त दुपिं लुंयागु पेटिं चिनातःपिं तथा सुवर्णया आसन कसे याना तःपिं हेमवत जातियापिं सच्छिमह ततःधिकःपिं किसित नं भिंखुब्बय् छब्ब जुइ मखु ।

७२८. "ध्व यागु दानया फलया न्हचोने चिचीधंगु निदो द्वीपत दुगु जम्बुद्वीपथे जाःगु द्वीपत प्यंगूया मालिक जूसां व भिंखुब्बय् छब्ब नं जुइमखु ।

## ६. विहारविमानवत्थु

७२९. "हे देवी ! सुन्दर-रूप धारण याना, ... पूर्ववत् ... फुक्क दिशापाखे तेज फिजे याना शुक्रताराथे छ च्वना च्वन ।

७३०. "छ प्याखं हुलीबले छंगु फुक्क अङ्गप्रत्यङ्गद्वारा दिव्य स्वर प्याहां वया च्वन गुगु न्यनेयोग्य तथा मनोरम्य जू ।

७३१. "छ प्याखं हुलीबले छंगु फुक्क

अङ्गप्रत्यङ्गद्वारा दिव्य गन्ध बास वया च्वन गुगु मनोरम्य  
जू ।

७३२. “छ्ं चाहलीबले छ्ंगु सतपतय् गुगु तिसांत  
दुगु खः उकिं पञ्चाङ्गिक तूर्यनादया शब्द पिहाँ वया  
च्वन ।

७३३. “छ्ंगु न्हाय्पनय् च्वंगु कुण्डलत मन्द मन्द  
फसं संकीबले उकिं गुगु शब्द ताये दइगु खः व नं  
पञ्चाङ्गिक तूर्यनादया शब्दथें च्वं ।

७३४. “छ्ंगु छ्ंघनय् बांलागु तथा सुगन्धितगु गुपिं  
स्वांमाःत दु उकिं फुक्क दिशापाखे मञ्जूसक वृक्षया बासथें  
बास वयाच्वन ।

७३५. सुगन्ध बास वया च्वंगु छ्ंगु रूप अमानुषिय  
खनेदु, हे देवी ! जिं छ्ंके न्यना च्वना कि थ्व छ्ं  
कर्मद्वारा थुजागु फल प्राप्त जूगु खः ?”

७३६. “भदन्त ! श्रावस्ती च्वंम्ह जिमि पासा  
विशाखां संघया नितिं महाविहार दय्कल; व दय्कूगु छ्ंते  
खना उकिं प्रसन्न जुया जिं अनुमोदन याना ।

७३७. “व हे शुद्ध अनुमोदनया प्रभावद्वारा जिं थ्व  
अद्भुत तथा दर्शनीय विमान प्राप्त यानागु खः गुगु  
भिंखुगू योजन दु हानं थःगु हे ऋद्धिद्वारा आकाशय् नं  
वनेफु ।

७३८. “जि च्वनेगु कूटागारत बांलाक सुविभाजन  
याना दय्का तःगु दु, गुकिया प्रकाश सच्चिं योजन  
तापाकनं भलललं थिनाच्वं ।

७३९. “दिव्य न्यातय्सं युक्तगु पुष्करणीनं दु गुकिया लः निर्मल तथा स्वच्छ जू अले उकिया सिथय् सुवर्णमय फि होला तःगु दु ।

७४०. “अनेक रङ्गिबिरङ्गि पलेस्वांत ह्वया च्वंगु दु गुकिया मनमोहक सुबास मन्दगु फसं हया च्वंगु दु ।

७४१. “जमुनामा, केरामा, ताडमा, तथा नैक्याःमातय्सं जायाः च्वंगु बन जङ्गलया बिचय् च्वनेगु छेंत दु ।

७४२. “अनेक प्रकारया तूर्यया शब्दय् अप्सरापि प्याखं हुला म्यें हाला च्वनी, अले जिं गुगु म्हगसय् खनी व नं आनन्ददायीगु हे खनी ।

७४३. “थुजागु अद्भुत दर्शनीय जिगु विमान फुक्क दिशापाखे थिना च्वनी, गुगु जिगु पुण्यया प्रभावद्वारा दयावःगु ख; उकिं पुण्य यायेगु उत्तम जू ।”

७४४. “शुद्ध मनं अनुमोदन यानागु पुण्यया प्रभावद्वारा छं थुजागु अद्भुत तथा दर्शनीय विमान प्राप्त यात धाःसा गुम्हसिनं स्वयं विहार दान याःगु खः उम्ह नारी (विशाखा) या गति नं कै, व गन उत्पन्न जुल ?”

७४५. “भद्दन्त ! गुम्ह व जिमि पासा खः व संघया नितिं महाविहार दयेकल उम्ह धर्मावबोध याम्हसिनं गुगु विहार दयकूगु खः व विहार बुद्ध प्रमुख भिक्षुसंघय् प्रदान यात उकिया हे प्रभावद्वारा व निर्माणरती लोक्य उत्पन्न जुल ।



७४६. “अन व सुनिर्मित देवराजया प्रजापतिया रूपय् उत्पन्न जुल, वयागु कर्मविपाक अचिन्तेय जू, गुगु खं छलपोलं “व गन उत्पन्न जुल” धयागु विषये प्रश्न न्यना बिज्यात उकिया लिसः गथे खः अथे कने धुन ।”

७४७. “उकिं सुदुर्लभ मनुष्यचोला लाभ याःपिं मनुष्यपितं संघदान आदि बीगु ज्याय् लगे याना बिज्याहुं, प्रसन्न चित्त याना धर्म श्रवण यायेगुली नं नियुक्त याना बिज्याहुं ।

७४८. “गुगु मार्गया मार्गाधिपति जुया बिज्याम्ह तथा काञ्चनशरीर जुया बिज्याम्ह बुद्धं ब्रह्मस्वरं देशना याना बिज्यागु मार्ग दु उगु मार्गे वना सन्तुष्ट जुया संघपितं दान थव्यु गन दान बीवं दक्षिणाया फल महान जुइ ।

७४९. “बुद्धादि आर्यद्वारा प्रशंसित गुपिं प्यजो अथवा च्याम्ह पुरुषपिं दु उपिं सुगतया श्रावकपिं हे दक्षिणेय जू उमित दान बियागु फल महान जुइ ।

७५०. “प्यम्ह प्रतिपन्न व प्यम्ह फलय् प्रतिष्ठित जूपिं थुपिं हे ऋजु जूपिं प्रज्ञाशीलं सम्पन्न जूपिं खः ।

७५१. “सांसारिक पुण्यया कामना याना दान बीपिं मनुष्यपिनिगु नितिं उजागु संघय् बियागु दान हे महान जुइ ।

७५२. “ध्व संघ हे विपुल तथा महर्घ जू, ध्व संघ हे महासागरया लःथें अप्रमेय जू हानं नरवीर बुद्धया श्रावकपिं मध्ये थुपिं हे श्रावकपिं श्रेष्ठ जू गुपिसं ज्योतिर्मय धर्मयात प्रकाश नं याइ ।

७५३. "उकिं संघपिंत उद्देश्य याणा गुम्हसिनं दान बी व हे दान बांलाक ब्यूगु, बांलाक संतर्पित या:गु तथा बांलाक सम्मान या:गु जुई अले अथे संघय् प्रतिष्ठित या:गु दानया फल हे महत्फलदायी जुई गुकियात बुद्धनं प्रशंसा याणा विज्यागु दु ।

७५४. थुजाथुजागु पुण्यकर्मया अनुस्मरण याणा गुम्ह प्रमुदित जुया थ्व लोकय् च्वनी उपिं हे मात्सर्यमल निर्मूल याणा अनिन्दित जुया स्वर्गलोकय् थ्यंक: वनी ।

निगु भाणवार क्वचाल

## ७. चतुरित्थिविमानवत्थु

७५५-७५७. "हे देवी ! सुन्दर-रूप धारण याणा, ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७५८. उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु ख: व खँ कना वं थथे धाल

७५९. "एसिका धयागु राष्ट्रय् उन्नत जुया च्वंगु पण्णकत धयागु रमणीयगु नगरय् भिक्षा विज्याम्ह भिक्षुयात जिं इन्दिवर स्वाँ थ: गुहे लहातं दान बिया ।

७६०-७६१. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

७६२-७६४. "हे देवी ! सुन्दर-रूप धारण याना, ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७६५. उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

७६६. "एसिका धयागु राष्ट्रय् उन्नत जुया च्वंगु पणकत धयागु रमणीयगु नगरय् भिक्षा बिज्यामह भिक्षुयात जिं नीलुप्पल (उफोस्वा) स्वाँ थःगु हे लहातं दान बिया ।

७६७-७६८. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

७६९-७७१. "हे देवी ! सुन्दर-रूप धारण याना, ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७७२. "उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल -

७७३. "एसिका धयागु राष्ट्रय् उन्नत जुया च्वंगु पण्णकत धयागु रमणीयगु नगरय् भिक्षा बिज्याम्ह भिक्षुयात जिं यचुगु मूल (पोलय्) वाउंगु हः दुगु लखय् बुया वःगु पलेस्वाँ दान बिया ।

७७४-७७५. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

७७६-७७८. "हे देवी ! सुन्दर-रूप धारण याना, ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७७९. "उम्ह देवी लयताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल

७८०. "जि सुमनं एसिका धयागु राष्ट्रय् उन्नत जुया च्वंगु पण्णकत धयागु रमणीयगु नगरय् भिक्षा बिज्याम्ह भिक्षुयात उत्तमगु चित्तं दन्तवर्णगु सुमन जातया पलेस्वाँ दान याना ।

७८१-७८२. "उकियागु हे प्रभावद्वारा जिगु शरीर थुजागु वर्ण जूगु खः, ... पूर्ववत् ... उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।"

## ८. अम्बविमानवत्थु

७८३. "रमणीयगु दिव्य अम्बवनय् महानगु उगु प्रासादय् अप्सरागणपिसं नाना तुरियया शब्दं न्हचाइपुका च्वन ।

७८४. "थन प्रदीप नं च्याना च्वंगु दु, दुस्सफलया सिमां सकभनं चाहुइका तःगु दु ।

७८५-७८६. "गथे छंगु उजागु वर्ण जूगु खः ? ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

७८७. "उम्ह देवी लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

७८८. "न्हापाया जन्मय् जि मनुष्यलोकय् मनू जुया च्वनाबले संघया नितिं अमां चाहुइका विहार दयेका ।

७८९. "विहार दय्के सिधेका पूजा यानाबले उगु अयागु फल गाय् तया अंतं हे तोपुया ।

७९०. "अन प्रदीप च्याका गणुत्तम जुया बिज्यापिं संघपिंत प्रसन्न चित्तं थःगु लहातं समर्पण याना ।

७९१. "उकिं जित रमणीयगु दिव्य अम्बवनय् महानगु प्रासादे अप्सरागणपिसं नानातुरियया शब्दं न्हचाइपुका च्वन ।

७९२. “दुस्सफलया सिमां सकभनं चाहुइका प्रदीप  
नं च्याना च्वंगु खः ।

७९३-७९४. “उकियागु हे प्रभावद्वारा जिगु शरीर  
थुजागु वर्ण जूगु खः, ... पूर्ववत् ... उकियागु हे  
प्रभावद्वारा जिगु शरीरया तेज फुक्क दिशापाखे प्रकाशित  
जूगु खः ।”

## ९. पीतविमानवत्थु

७९५. “म्हासुगु वस्त्र, म्हासुगु ध्वजा पताका,  
म्हासुगु हे अलङ्कारं तिया म्हासुगु चन्दनं म्हे बुला म्हासुगु  
हे पलेस्वां मालं क्वखाया ।

७९६. “म्हासुगु प्रासादया कोठाय् म्हासुगु आसनय्  
म्हासुगु थलय् म्हासुगु कुसां कुया म्हासुम्ह सल जोटे याना  
तःगु म्हासुगु रथे च्वना च्वंम्ह ।

७९७. “हे भद्रे ! न्हापाया जन्मय् मनुष्य जुया  
च्वनाबले छु कर्म याना वया । हे देवी ! जिं न्यनाच्वना  
गुगु कर्मया फलद्वारा उगु सम्पत्ति प्राप्त जूगु खः व खँ  
कँ ।

७९८. “भन्ते ! जिं कोसातकि नागु गुंखि  
(लहराय्) ह्वयाच्वंगु प्यफो स्वां स्तूपय् छायेगु मती तया ।

७९९. “शास्ताया शारीरिक धातु दुगु उगु स्तूपय्  
प्रसन्नगु चित्तं सा वनीगु लँ धका मसिया अनं हे वना ।

८००. स्तूपय् मथ्यवं हे जित सां च्वया स्याना बिल, पुष्पपूजा याःवनेगु मने तया सिना वनागु कारणं प्राप्त जूगु सम्पत्तिं ।

८०१. “हे देवेन्द्र, मघवा, देवकुञ्जर ! उगु कर्म मनुष्य शरीर तोता थन उत्पन्न जूगु खः ।”

८०२. “थ्व खँ न्यना तिदसाधिपति मघवा देवकुञ्जरं प्रसन्न जुया मातलियात थथे धाल

८०३. “हे मातलि ! थ्व आश्चर्ययात सो ! सत्कारपूर्वक याना वोगु कर्म भतिचा जक जूसां उकिया फल अचिन्तेय महत्फल प्राप्त जुल ।

८०४. “प्रसन्न चित्त जुल धाःसा तथागत सम्बुद्ध वा वसपोलया श्रावकपित भतिचा जक दक्षिणा धयागु मदु ।

८०५. “वा, मातलि ! भीसं नं तथागतया धातुयात बांलाक पूजायाना पुण्य यायेनु पुण्य कमाय् याना सुखी जुई ।

८०६. “च्वना च्वंसां निबृत जुया वंसां समान चित्तं समान विपाक जुई । प्रणिधि यानागु अनुसारं हे सत्वपिं स्वर्गे वनी ।

८०७. “आपालं परिषदपित अर्थहितया नितिं तथागतपिं उत्पन्न जुया बिज्याइ, थन भिंगु ज्या याना दायकपिं स्वर्गय् वनी ।”

## १०. उच्छ्रुविमानवत्थु

८०८. “चन्द्रमा व सूर्यथे अत्यन्त थिना, श्री, वर्ण तथा यशया तेजं ब्रह्मा देव इन्द्रादि त्रिदश “देवतापिं सहित पृथ्वीयात प्रकाशमान याना च्वंम्ह ।

८०९. “उत्पलमाला धारण याना रत्नमय सुवर्णया स्वांमालं अलंकृत जुया उत्तमगु वस्त्र धारण याना च्वंम्ह हे शुभ देवी ! जित वन्दना याना च्वनाम्ह छ सु खः ?

८१०. “छं थः न्हापाया जन्मय् मनु जुया छु कर्म याना वया ? दान, सुचिण्ण अले शील, संयम छुकिं याना सुगती यशस्वीनी जुया च्वना ? हे देवी ! थ्व छु कर्मया फल खः धका जिं न्यना च्वना लिसः ब्यु ।”

८११. “भन्ते ! न्हापा थ्व हे गामय् भिक्षाया नितिं छम्ह भिक्षु जिमिगु छेंय् बिज्यात उबले वसपोलयात प्रसन्नगु चित्तं अतुलनीय प्रीतिं तुयागु टुक्रा दान याना ।

८१२. “अले जिं ससजुयात तुयागु टुक्रा दान यानागु खं न्यंका । “थ्व न्यना ससजुं जिं थःमं हे मनसे तयागु तु सन्त भिक्षुयात दान बीत वयाके मन्योसे थमं हे बिल धका तुयागु टुक्रात भौमचायागु म्हे होला बिल ।

८१३., छ हे थनया मालिक जुलका मुखला धका ससःजुं निन्दायायां बोबिया जित लेडडु (ईचार्येजागु शास्त्र) कया दाल, थुगु प्रहारद्वारा जि सिना अनं च्युत जुया देवतापिन्थाय् उत्पन्न जुया ।



८१४. "व हे तु दान यानागु कुशल कर्मद्वारा सुख बीगु कर्मफल थमं अनुभोग याना च्वना, देवतापिं नाप च्वना परिचर्या याना च्वना, कामगुण न्यागुली नं लय्ताया च्वना ।

८१५. "वहे तु दान यानागु कुशल कर्मद्वारा सुख बीगु कर्मफल थमं अनुभोग याना च्वना, देवेन्द्रपिनिपाखें भिस्वंगु प्रकारं गोपित, रक्षित जुया कामगुण न्यागुली नं समर्पितम्ह जुया च्वना ।

८१६. थुलि भतिचा जक तु दान यानागु पुण्यफल नं महाविपाक जुया देवतापिं नाप च्वना परिचर्या याना च्वना, कामगुण न्यागुली नं लय्ताया च्वना ।

८१७. "थुलि भतिचा जक तु दान यानागु पुण्यफल नं महान तेज दुम्ह जुया देवेन्द्रपिनिपाखें भिस्वंगु प्रकारं गोपित, रक्षित जुया सहश्रनेत्र देवेन्द्रथें कामगुण न्यागुली नं समर्पितम्ह जुया च्वना ।

८१८. "भन्ते ! उबले प्रसन्नगु चित्तं अतुलनीय प्रीतिं तुयागु टुक्रा दान याना, छलपोल अनुकम्पा दुम्ह प्रज्ञावानम्ह जुया छलपोलयाथाय् वया कुशल न्यवया ।"

## ११. वन्दनविमानवत्थु

८१९. "हे देवी ! सुन्दर-रूप धारण याना, ... पूर्ववत् ... फुक्क दिशापाखे तेज फिजे याना शुक्रताराथें छ च्वना च्वन ।

८२०-८२१. "गथे छंगु उजागु वर्ण जूगु खः ?  
... पूर्ववत् ... "गथे छंगु शरीरया तेज फुक्क दिशापाखे  
प्रकाश जुल ?"

८२२. "उम्ह देवी लय्ताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खँ कना  
वं थथे धाल -

८२३. "जि मनुष्यलोकय् मनु जुया च्वना बले  
शीलवानम्ह श्रमण खना मन प्रसन्न याना वसपोलया  
पादय् ल्हा निपां बिन्ति याना वन्दना याना ।

८२४-८२५. "उकियागु हे प्रभावद्वारा जिगु शरीर  
थुजागु वर्ण जूगु खः, ... पूर्ववत् ... उकियागु हे  
प्रभावद्वारा जिगु शरीरया तेज फुक्क दिशापाखे प्रकाशित  
जूगु खः ।"

## १२. रज्जुमालाविमानवत्थु

८२६. "हे देवी ! सुन्दर-रूप धारण याना, छं ल्हा  
तुति संका बांलाक प्याखँ हुलाच्वन छंगु प्याखँ अनुसारं  
मधुर जुइक बाजँ नं थाना च्वन ।

८२७. "छं प्याखँ हुलीबले छंगु फुक्क  
अङ्गप्रत्यङ्गद्वारा दिव्य स्वर प्याहां वया च्वन गुगु न्यने  
योग्य तथा मनोरम्य जू ।

८२८. "छं प्याखँ हुलीबले छंगु फुक्क अङ्ग  
प्रत्यङ्गद्वारा दिव्य गन्ध बास वयाच्वन गुगु मनोरम्य जू ।

८२९. “छ् प्याखं हुलीबले छंगु सतपतय् गुगु तिसात दुगु खः उकिं पञ्चाङ्गिक तूर्यनादया शब्द पिहाँ वया च्वन ।

८३०. “छंगु न्हाय्पनय् च्वंगु कुण्डलत मन्द मन्द फसं संकीबले उकिं गुगु शब्द ताये दइगु खः व नं पञ्चाङ्गिक तूर्यनादया शब्दथे च्वं ।

८३१. “छंगु छ्चनय् बांलागु तथा सुगन्धितगु गुगु स्वांमाःत दु उकिं फुकक दिशापाखे मञ्जूसक वृक्षया बासथे बास वया च्वन ।

८३२. सुगन्ध बास वयाच्वंगु छंगु रूप वर्ण अमानुषिय खनेदु, हे देवी ! जिं छंके न्यनाच्वना कि थ्व छु कर्मद्वारा थुजागु फल प्राप्त जूगु खः ?”

८३३. न्हापाया जन्मय् गया धयागु गाया छगू ब्राह्मण कुले जि अपुण्यवान तथा अलक्षिनीम्ह रज्जुमाला नांम्ह दासी जुया च्वना ।

८३४. “बोबीगु, दाइगु ख्याइगु आदि दुःख सह याये मफया छन्हु जि धःप ज्वना लः काये धका वना ।

८३५. “म्वाना छु यायगु, थन हे सिनावने धयागु विचारं लया छ्खेपाखे धःप तोता जि जङ्गलय् दुने वना ।

८३६. “अले सिमाकचाय् बल्लाक खिपःया स्वतिपाय् चिना “बनय् मेपिं सुं दुलाखे” धका जिं प्यखेरं स्वया ।

८३७. उबले जिं अन ध्यानमुद्राय् सिमाक्वय् बिज्याना च्वंम्ह छुं भय मुदम्ह तथा जगत उद्धार याना बिज्याइम्ह सम्बुद्धयात खना ।

८३८. “वसपोलयात खना “ध्व बनय् चवना बिज्याम्ह ध्व पुरुष मनुष्य लाकि देवता ?” धयाथें जूसैलि उबले हे जिके लज्जा व भय सहित संवेग उत्पन्न जुल हानं अद्भूतरूपं चिमिसां नं ब्व्ब्व् दना वल ।

८३९. “निर्वाणरूपी निर्जङ्गलय् चवना बिज्याम्ह बुद्धया चित्त प्रफुल्लित जुइकीगु रूप खना “ध्वसपोल साधारण पुरुष खइ मखु” धयाथें चवना जिगु मनय् अपार प्रफुल्लता उत्पन्न जुल ।

८४०. “वसपोलया इन्द्रियत शान्त व संयत जू, वसपोल ध्यानय् रत जुया चवन, वसपोलया मन पिने मवों, वसपोल फुक्क लोकया हितैषी बुद्ध हे जुया चवन ।

८४१-८४२. “छुं नं भय भैरवं मग्चाइम्ह गुफाय् चवनीम्ह सिंहथें तथा दुर्लभ दर्शनीय उदुम्बर वृक्षया स्वाथें जुया बिज्याम्ह बुद्धं जित मूदु वचनद्वारा सम्बोधन याना थथे धया बिज्यात “रज्जुमाला ! तथागतया शरणय् हुं” ।

८४३. “वसपोलयागु निर्दोषपूर्ण, अर्थवती, सूक्ष्म, मूदु, मनोरम्य तथा सुमधुर शब्द न्यना जिगु दक्क शोकत तापाना वन ।

८४४. “अले जिगु चित्त प्रसन्न तथा उपयुक्त जूगु सीका फुक्कसिया हितैषी जुया बिज्याम्ह तथागतं जित थथे अनुशासन याना बिज्यात ।

८४५. “ध्व दुःख खः, ध्व दुःखया हेतु खः, ध्व दुःख निरोध जुइगु मार्ग खः हानं गुगु लपुई वनेवं अमृत (निर्वाणय्) थ्यंके फइ ।

८४६. “अले दक्ष तथा अनुकम्पक जुया विज्याम्ह बुद्धयागु अर्ति-बुद्धिइ च्वना जिं अमृतमय उत्तम निर्वाण-शान्ति पदयात अवबोध याना ।

८४७. “अले जि त्रिरत्नप्रति दृढ विश्वासिनी जुया, बुद्धदर्शनय् अकम्पित व श्रद्धां हा काय्का बुद्धया हे औरसपुत्री जुया ।

८४८. आ: जि थन रमण याना, क्रीडा याना तथा भयं रहित जुया दिव्य माला आदि क्वखाया रसरंगया सवा त्वना च्वना ।

८४९. “आलम्ब, गगगर, भीम, साधुवादी, संसयत थेंजापिं ख्वीदो तूर्यवादकतय्सं जिगु चित्तयात न्हचाइपुका च्वनी ।

८५०-८५१. “पोक्खर, सुफस्स, वीणा, मोक्खा, नन्दा, सुनन्दा, सोणदिन्ना, अलम्बुसा, मिस्सकेसी, पुण्डरिका, दारुणी, एणफस्सा, सुफस्सा वथें नतुं सुभद्राथें जापिं मुदुवादिनीपिसं वीणा थाना प्याखं क्यना च्वनी ।

८५२. “थुपिं बाहेक मेपिं अप्सरापिं नं प्याखंहुइपिं अप्सरात वया समय समयय् प्याखं हुला म्यें हाला जित लय्ताय्का च्वनी ।

८५३. “जिपिं प्याखंहुई मास्तेवो, जिपिं म्यें हाले मास्तेवो, जिपिं छःपिगु चित्तयात प्रसन्न याये मास्तेवो धाधां उपिं समय समयय् वया जित न्हचाइपुका च्वनी; पुण्य मयाइपिसं थुजागु सुख प्राप्त याये फइमखु, पुण्य याइपिसं जक प्राप्त याये फइ ।

८५४. “देवतापिनिगु अशोक नन्दनवन तथा त्रायत्रिंशया महावनत रमणीय जू; पुण्य मयाइम्हसित थुगु लोक व परलोक्य् नं सुख प्राप्त जुइ मखु ।

८५५. “पुण्य याइम्हसित थुगु लोक व परलोक्य् नं सुख प्राप्त जुइ, उजागु थासय् वनेत आपालं कुशलकर्म यायेमा; पुण्य याइम्ह हे स्वर्गीय भोगसम्पत्ति दुगु थासे थ्यंकवने फइ ।

८५६. “आपासिया हितसुखया नितिं तथागत लोक्य् उत्पन्न जुया बिज्याइ, वसपोल मनुष्यपिनि दाक्षिणेय खः, वसपोलं मनुष्यपिंगु नितिं पुण्यक्षेत्र जुइपिं आर्यपुरुषपिं दयेका बी, गुगु पुण्यक्षेत्र्य् पुण्यकार्य याना दायकपिं स्वर्ग्य् प्रमुदित जुया चवनी ।”

मञ्जिट्टकवर्ग क्वचाल ।

Dhamma.Digital

मञ्जिट्ट पभस्सर नाग अलोमा कञ्जिकदायिका ।

विहार प्यम्ह मिसापिं उच्छु वन्दना रज्जुमाला नापं ।

उकिं वर्ग धयातल ॥

इत्थिविमानवत्थु क्वचाल ।

## २. पुरिसविमानं

### ५. महारथवर्ग

#### १. मण्डूकदेवपुत्तविमानवत्थु

८५७. “प्रभावशाली ऋद्धि दुम्ह थुलिमच्छि महान परिवार दुम्ह अभिरूपम्ह तथा फुक्क दिशात प्रकाश याना जिगु चरणय् वन्दना याम्ह थ्व सु खः ?”

८५८. “न्हापाया जन्मय् जि लखय् च्वनीम्ह, लखय् गोचर याइम्ह ब्याचा जुया च्वना, छलपोलं ब्रह्मस्वरं कना बिज्यागु मधुर स्वरयात न्यना च्वनाबले दोहचा भःवोम्ह साभवानं जित स्यानाबिल ।

८५९. मूर्तभर जक जूसां चित्त प्रसन्न यानागु कर्मया फलया प्रभाव स्वया बिज्याहुं गथे च्वं, जिगु महानुभावता, जिगु रूपसम्पत्ति तथा जिगु तेज गथे च्वं स्वया बिज्याहुं ।

८६०. “भो गौतम ! गुम्हसिनं छलपोलया धर्मयात दीर्घकाल तक न्यनी अवश्यनं उपिं अचलगु थासय् थ्यनी हानं न्हचाथाय् वंसां उमिसं शोक यायेमाली मखु ।”

## २. रेवतीविमानवत्थु

८६१. “ताकाल तक परदेशय् वनाच्चंम्ह मनु  
आनन्दपूर्वक वोगु तापाकं निसें खनीबले थःथिति मित्रपिं  
वया अभिनन्दन याइ ।

८६२. “अथे हे पुण्य यानातःपिं नं थुगु लोकं  
परलोकय् वनीबले प्रियजन थःथितिपिं वया पुण्य ग्रहण  
यायेतः वइ ।

८६३. “हे रेवति हे सुपापधम्मे ! अदानशीलताया  
कारणं नरकया लुखाय् वनेत वनाच्चंम्ह, नरकय् दुनावनीगु  
नरकया दुःखय् समर्पित जुयाच्चंम्ह छ् द ।

८६४. “थुलि धया हचाउंक मिखा कनाच्चंपिं निम्ह  
यमदूत जुयाच्चंपिं यक्षपिसं निखेसनं लप्पू ज्वना रेवतीयात  
देवगणपिं दुथाय् सत्तिक व्वना यंकल ।

८६५. “आदित्य वर्णगु यैपुसे च्वंगु प्रभास्वरगु  
उत्तमगु कचञ्जालं तोपुयातःथे च्वंगु, सूर्यया रश्मिंथे तेज  
थिना च्वंगु, आपालं जनपिसं चाहिला च्वंगु थ्व सुयागु  
विमान खः ?

८६६. “नारीगणपिं चन्दन आदिं लेपन याना दुनेनं  
पिनेनं निखेसनं शोभायमान जुयाच्चंगु सूर्य समान वर्ण  
खनेदया च्वंगु स्वर्गया विमानय् वया सु न्हचाइपुका  
च्वन ?”

८६७. “बाराणसी नन्दिय नांम्ह नुगः मस्याःम्ह  
दानपति उपासकया थ्व सूर्यया रश्मिंथे तेज थिना च्वंगु  
आपालं जनपिसं चाहिला च्वंगु विमान खः ।



८६८. “नारीगणपिं चन्दन आदिं लेपन याना दुने नं पिने नं निखेस नं शोभायमान जुया च्वंगु सूर्य समान वर्ण खनेदया च्वंगु स्वर्गया विमानय् वया उम्ह न्हचाइपुका च्वन ।”

८६९. “जि नन्दियया हे स्त्री खः, व जिमि स्वामी तथा सम्पूर्ण कुटुम्बपिनि इश्वर खः, भातया विमानय् न्हचाइपुका च्वन, वया नरक धयागु स्वयेगु हे इच्छा मद्दु ।”

८७०. “छं मनुष्यलोकय् पुण्यकर्म मयासे नुगःस्याःम्ह, क्रोध उत्पन्न याइम्ह, पापधर्मीम्ह जुया नरकय् दुःखभोग याना च्वन, उकिं छ देवतापिनाप च्वने मखन ।”

८७१. “जिं छाया मल मूत्र आदि अशुचि खना च्वना ? थपाय्सकं दुर्गन्ध वयाच्वन, छाया थथे नवया च्वंगु ?”

८७२. “थुकिया ना संसव नरक खः, सच्छिगु पोरिस तःजाःगु थ्व नरकय् दोछि दै छ (रेवती) पाके जुया च्वनी ।”

८७३. “जिं शरीरं, वचनं, मनं छु दुष्कृत्यकर्म याना ? छाया थ्व सच्छिगु पोरिस तःजागु संसवक नरकय् च्वने माःगु ?”

८७४. छं श्रमण ब्राह्मणपित व मेपिं याचकपित नं मखुगु खं लहाना बोबिया वोगु पापं छ थन च्वने माःगु खः ।

८७५. “उकिं हे रेवती ! छंत थ्व सच्छिगु पोरिस तःजागु संसवक नरकय् दोछिदं च्वनेमाःगु जूगु खः ।

८७६. “ल्हाते नं प्वाःखनी, तुती नं प्वाःखनी, न्हाय्पने नं प्वाःखनी न्हासे नं प्वाःखनी, हानं को आदि भंगतय्सं भुना नया च्वनी ।”

८७७. “जित लिक्कया ब्यूसा ज्यू, जिं आः भिंगु ज्या यक्व याय्, दान, समचर्या, संयम, दमन याये; गुगु यायेबले सुखी जुइगु खः गुकिं लिपा अनुताप याये माली मखु ।”

८७८. “न्हापा छ प्रमादी जुया आः ख्वया च्वन, छं थमं हे यानागु कर्मया विपाक भोग याना च्वंगु खः ।”

८७९. “सु देवलोकं मनुष्यलोकय् वना जिं न्यनेबले थथे धाइ ? निक्खितदण्डम्हसित दान ब्यु; वस्त्र, श्रेष्ठगु अन्न पान ब्यु; कंजूसी, क्रोधी, पापधर्मी जुइ मखु स्वर्गय् वना नापं च्वने ।

८८०. “आः जि थनं वना मनुष्य जन्म लाभ याना धाःगु खं न्यनीम्ह, शीलं सम्पन्नम्ह जुया आपालं कुशलकर्म याये, दान, समचर्या, संयम, दमन नं याये ।

८८१. “बगीचा नं दय्के दुर्ग व लः त्वनेगु ब्वंगा आदि नं प्रसन्नगु चित्तं दय्के ।

८८२-८८३. “चतुर्दशी, पुन्ही वा पक्षया अष्टमी आदि पाटिहारियपक्षय् नं च्यागू अङ्गं समाहित जुया च्वंगु उपोसथय् च्वना सदानं शीलं संयमी जुया दान यायेगुली प्रमादी मजुसे च्वने । गुकियात जिं खना वना ।

८८४. “थुकथं वयात ख्वेक ख्वेक घोर नरक्य्  
तुति च्वय् छ्च्यो क्वय् लाका क्वफाना बिल ।”

८८५. “जि न्हापा नुगःस्याम्ह जुया श्रमण  
ब्राह्मणपित्त बोबिया परदेशय् वना च्वम्ह भातयात छ्ले  
याना घोररूपगु नरक्य् पाके जुया च्वना ।”

### ३. छत्तमाणवकविमानवत्थु

८८६. “गुम्हसें उत्तमगु खँ कनी, गुम्ह महापुरुष  
मध्ये श्रेष्ठम्ह पुरुष खः गुम्ह कृतकृत्य व पार जुया  
बिज्याम्ह खः गुम्ह बल व वीर्यं सम्पन्न तथा सुगत जुया  
बिज्याम्ह खः उम्ह शाक्यमुनि भगवान् बुद्धया शरणय् हुं ।

८८७. “राग रहित, तृष्णा रहित, शोक रहित,  
असंस्कृत तथा अप्पतिकूलगु व सुमधुर जुया च्वंगु तथा  
निपुण व सुविभक्तगु धर्मया शरणय् हुं ।

८८८. “गन दान बीबले महत्फल दइ हानं गुपिं  
विशुद्ध जुया च्वंपिं प्यजो युगल वा छ्म्ह छ्म्ह यायेबले  
च्याम्ह आर्यपुरुषपिं खः तथा गुपिसं धर्मयात खनेधुंक्कीं खः  
उगु संघया शरणय् हुं ।”

८८९. “गथे छ्गु अनुपमगु तथा महाप्रभा फैले  
जुया च्वंगु दु उजागु तेज आकाशय् सूर्य नं मथी, चन्द्रमा  
तथा पुष्यतारा नं मथी; देवलोकं मनुष्यलोक्य् वोम्ह छ  
सु ?

८९०. “न्वीगू योजन स्वया नं अपोगु सूर्यया  
रश्मियात छ्गु प्रकाशं तोपुया ब्यू, चान्हे नं न्हिनेथे च्वका

व्यू, छंगु विमान थुलित परिशुद्ध तथा निर्मल जू ।

८९१. “सूर्यथे थीगु छंगु विमान आपालं विचित्र पद्मपुण्डरिकादि स्वां नं तथा मेगु नं अनेक स्वां नं छायापिया तःगु दु; सफा सुग्घर तथा परिशुद्ध हेमजाल नं तथा तःगु दु; छंगु विमान आकाशय् सूर्यथे थिना च्वंगु दु ।

८९२. “हचाउंगु म्हासुगु वस्त्र पुनातःपिं अग्रु सियागु सुगन्ध, प्रियंगु स्वांया माः व चन्दनं बुलातःपिं आपा याना कञ्चन शरीरपिं म्ये हालीपिं आकाशय् तारा जाया च्वथे जाया च्वंगु दु ।

८९३. “अन कुसुमद्वारा सुशोभित जुया च्वपिं तथा बांलाःगु मनोरम्य तिसां विभूषित जुया च्वपिं अनेक वर्णया आपालं नरनारीपिं दु; उमिगुपाखे वोगु वायुमण्डल रमणीय तथा सुगन्धित जू अले उमिगु सतपतय् तथातःगु सुवर्णमाः आदिया शब्दत मानो पञ्चतूर्यनादया शब्दथे च्वं ।

८९४. “छु संयम याना छं थ्व विपाक प्राप्त यानागु ? छु कर्मद्वारा छ थन उत्पन्न जुयागु ? गथे छं थ्व विमान प्राप्त यानागु खः? यथार्थ कः; जिं न्यना च्वना ।”

८९५. “स्वयं ब्राह्मण मानवकं थ्व हे महामार्गय् छःपित नापलाःगु खः हानं छलपोल शास्तानं वयात अनुकम्पा तथा धर्मोपदेश याना बिज्यागु खः; अले रत्नत मध्ये उत्तमगु धर्मरत्नया खं न्यना छत्रं “जिं धर्म पालन याये” धका धाःगु खः ।”

८९६. “जिनवर प्रवर बुद्धया शरण्यं हं तथा धर्मं व संघया नं शरण्यं हं धका आज्ञा जुया छलपोलं जिक्के “त्रिरत्न धयागु छु स्यूला” धका न्यना बिज्यात; अले जिं “मस्यू” धका लिसः बिया । अनलि छलपोलयागु वचनयात मनन याना जि बुद्ध धर्मं तथा संघया नं शरण्यं वना ।

८९७. “विविध प्रकारया प्राणीहिंसा याइगु अशुचि लंपुइ जुइ मते, सप्राज्ञपिसं प्राणीपिंगु प्रति असंयत जुइपि अर्थात् प्राणीहिंसा याइपित प्रशंसा यानातःगु म्दु, “छु छं थुजागु खं स्यूला” ? धका न्यना बिज्याबले प्रथमतः “मस्यू” धका जिं लिसः बिया अले अनलि छलपोलया वचनयात मनन याना “प्राणीहिंसा याये मखु” धका शील ग्रहण याना ।

८९८. “मेपिसं रक्षा यानातःगु, बीमास्ते मवोगु वस्तु मवीकं हे अथे काय्मते “छु छं थथे याये मज्यू धयागु खं स्यूला” ? धका न्यना बिज्याबले प्रथमतः “मस्यू” धका लिसः बिया अले अनलि छलपोलया वचनयात मनन याना “मब्यूगु वस्तु काय् मखु” धका शील ग्रहण याना ।

८९९. “मेपिसं सुरक्षा याना जोगे याना तःपिं परस्त्रीपि गमन यायेमते, थथे यायेगु अनार्यता ख; “छु छं थथे यायेमज्यू धयागु खं स्यूला” ? धका न्यना बिज्याबले प्रथमतः “मस्यू” धका लिसः बिया अले अनलि छलपोलया वचनयात मनन याना “परस्त्री गमन याये मखु” धका शील ग्रहण याना ।

९००. “तथ्य म्दुगु व मखुगु खं ल्हाये मते; मखुगु खंयात सप्राज्ञपिसं प्रशंसा याइमखु “थथे मखुगु खं

ल्हाय्मज्यू धयागु खँ छं स्यूला ?” धका न्यना बिज्याबले प्रथमतः “मस्यू” धका लिसः बिया अले अनंलि छलपोलया वचनयात मनन याना “मखुगु खँ ल्हाये मखु” धका शील ग्रहण याना ।

१०१. “गुकिं याना पुरुषपिनिगु होस फुकं तापाना वनी उजागु मद्यपानं तापाना च्वं; “थूजागु खँ छं स्यूला” धका न्यना बिज्याबले प्रथमतः “मस्यू” धका लिसः बिया अले अनंलि छलपोलया वचनयात मनन याना “मद्यपान याये मखु” धका शील ग्रहण याना ।

१०२. “अले जि थ्व हे लंपुइ पञ्चशील ग्रहण याना, तथागतया धर्म आचरण याना खुँत दुगु निगू सिमानाया लंपुइ वना अले धन सम्पत्तिया लोभया कारणं याना जित इमिसं स्यात ।

१०३. “थुलि जक कुशलकर्मया जिं अनुस्मरण याना, थ्व सिबाय मेगु कुशलकर्म यानागु जिं मस्यू; थ्व हे सुचरित कर्मया प्रभावद्वारा जि स्वर्गलोकय् इच्छा यानागु प्राप्त जुइम्ह जुया उत्पन्न जुयागु खः ।

१०४. “पलख, छगू मुहूर्त संयम यानागु व धर्मानुसार आचरण यानागु कर्मया फल स्वया बिज्याहुँ ! जिस्वया हीन काये उत्पन्न जूपिं आपालं देवतापिसं जिगु थ्व ज्वलित यशयात खना उमिसं ईर्ष्या याः अर्थात् “थुजागु ज्वलित यश सम्पत्ति गथे प्राप्त यायेफई” धयागु कामना याः ।

१०५. “स्वया बिज्याहुँ ! छलपोलयागु छुँ भचा जक उपदेश न्यना सुगती थ्यंका जिं सुख नं प्राप्त याना;

उकिं जिं मती तया कि गुम्हसिनं छलपोलया धर्मयात सदा नं न्यनी उमिसं छुं भय म्दुगु अमृतयात प्राप्त याइ ।

१०६. “तथागतया धर्मय् भतिचा यानागु कर्मया फल नं महान जू, स्वया बिज्याहुँ ! कृतपुण्य छत्त गुम्हसि नं सुर्यथे पृथ्वीस तेज फैले याना च्वन ।

१०७. “गुजागु कुशल जुई ? गुजागु आचरण जुई” ? धका थन गुलिं मनूतय्सं छथाय् मुना तस्सतं कठिनता पूर्वक सोच विचार याई, जिपिला हानं मनुष्यत्वय् वया शीलवान जुया च्वने ।

१०८. “जिगु नितिं शास्ता बहूपकारी तथा अनुकम्पक खः धयागु स्मरण याना हे सार्थक (सत्य) नां जुया बिज्याम्ह छलपोलयाथाय् न्हिनय् हे जि वयागु ख; जित अनुकम्पा तया बिज्याहुँ हानं नं धर्मया खं न्यने दयेमा ।”

१०९. “गुम्हसिया कामराग संयोजन चिला वनी उम्हसिया भवराग संयोजन नं चिला वनी हानं मोह संयोजन नं उच्छिन्न जुइ । अले उम्ह पुरुष हानं गर्भय् च्वं वइ मखुत, परिनिर्वाणं लिपा शीतलता प्राप्त याइ अर्थात् गुगुं प्रकारया डाह जलन वयाके दइ मखुत ।”

#### ४. कक्कटकरसदायकविमानवत्थु

११०. “मणि थुना तःगु थ्व विमान तःजाः जू, गुकिया प्यखेसनं भिनिगू भिनिगू योजन दु हानं गुकी

मनयात् न्हचाइपकीगु बाँबांलाःगु स्तम्भत नं दु हानं  
कोठाय् कोठाय् सुवर्णया सिपूत लाया तःगु दु ।

९११. "उकी च्वना छं नया च्वन, छं त्वना च्वन,  
मधुरगु दिव्यमय वीणाया शब्दनं ताये दु हानं थन  
पञ्चकामगुणया दिव्यरस नं दु अले सुवर्णमय नारीपिं नं  
प्याखँ हुया च्वंपिं दु ।

९१२. "गथे छंगु उजागु वर्ण जूगु खः ? गथे  
छंत थथे सिद्ध जूगु खः? छंत यःगु भोगसम्पत्ति नं उत्पन्न  
जूगु खनेदु ।

९१३. "हे महानुभाव सम्पन्नम्ह देवता ! जिं न्यना  
च्वना कि मनुष्य जुया च्वनाबले छं छु पुण्यकर्म याना ?  
गथे छ थपाय्सकं तेज दुम्ह जुल ? गथे छंगु शरीरया  
तेज फुक्क दिशापाखे प्रकाश जुल ?"

९१४. मौद्गल्यायनद्वारा न्यंगु प्रश्नत न्यना उम्ह  
देवता लयताया गुगु कर्मया फलद्वारा उगु सम्पत्ति प्राप्त  
जूगु खः व खँ कना वं थथे धाल—

९१५. "सतिसमुत्पादक (कक्कटकरस) दान याना  
वयागुलिं थुगु दिव्य सम्पत्ति प्राप्त जुगु धका लुं वहलं  
सिद्ध जूगु दशपादक द्वारय् कक्कटक च्वना च्वंगु शोभा  
दया च्वंगु दु ।

९१६. "उकियागु हे प्रभावद्वारा जिगु शरीर वर्ण  
थुजागु जूगु खः, उकियागु हे प्रभावद्वारा थन जिगु इच्छात  
सिद्ध जूगु खः, उकियागु हे प्रभावद्वारा जित यःगु  
भोगसम्पत्ति नं लाभ जूगु खः ।



९१७. "हे महानुभावसम्पन्नम्ह भिक्षु ! मनुष्यलोक्य च्वनाबले गुगु कर्म जिं याना वयागु खः व कनेधुन, व हे कर्मयागु प्रभावद्वारा जिगु शरीर तेज दुगु जूगु खः हानं उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ५. द्वारपालविमानवत्थु

९१८. मणि थुनातःगु थ्व विमान तःजाः जू गुकिया प्यखेसनं भिनिगू भिनिगू योजन दु हानं गुकी मनयात न्हाइपकीगु बाँबालाःगु स्तम्भत नं दु हानं कोठाय् कोठाय् सुवर्णया सिपूत लायातःगु दु ।

९१९. "उकी च्वना छं नया च्वन, छं त्वना च्वन; मधुरगु दिव्यमय वीणाया शब्दनं ताये दु हानं थन पञ्चकामगुणया दिव्यरस नं दु अले सुवर्णमय नारीपिं नं प्याखं हुया च्वपिं दु ।

९२०-९२१. "गथे छंगु उजागु वर्ण जूगु खः ? ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

९२२. "मौद्गल्यायनद्वारा न्यंगु प्रश्नत न्यना उम्ह देवता लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

९२३. "जिं ला केवल वचनद्वारा "बिज्याहुं फेतुना बिज्याहुं आदि जक धयागु खः, आर्यपिंगु प्रति उत्पन्नजूगु प्रसन्न चित्त तथा श्रद्धा मात्र जिगु मनय् प्रवर्तित जूगु

खः । दान बीगु जिके छुं म्दुगुलिं जिं छुं दान मयाना ।  
थुलि हे कर्मयागु प्रभावद्वारा जि दिव्यकाय सुखं युक्त जुया  
थन जिगु दिव्य आयु दोछिदं दु ।

९२४-९२५. “उकियागु हे प्रभावद्वारा जिगु शरीर  
वर्ण थुजागु जूगु खः ...पूर्ववत् ... उकियागु हे प्रभावद्वारा  
जिगु शरीरयागु तेज फुक्क दिशापाखे प्रकाशित जूगु खः ।

## ६. पठमकरणीयविमानवत्थु

९२६. “मणि थुनातःगु ध्व विमान तःजाः जू,  
गुकिया प्यखेसनं भिंनिगू भिंनिगू योजन दु हानं गुकी  
मनयात न्हचाइपुकीगु बाबालाःगु स्तम्भत नं दु हानं  
कोठाय् कोठाय् सुवर्णया सिपूत लाया तःगु दु ।

९२७. “उकी च्वना छं नयाच्वन, छं त्वना च्वन,  
मधुरगु दिव्यमय वीणाया शब्दनं ताये दु हानं थन  
पञ्चकामगुणया दिव्यरस नं दु अले सुवर्णमय नारीपिं नं  
प्याखं हुया च्वंपिं दु ।

९२८-९२९. “गथे छंगु उजागु वर्ण जूगु खः ?  
... पूर्ववत् ... गथे छंगु शरीरया तेज फुक्क दिशापाखे  
प्रकाश जुल ?”

९३०. “उम्ह देवता लय्ताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खं कना  
वं थथे धाल—

९३१. “थःगु हित व अहितयात स्यूपिं प्रज्ञां युक्त पण्डितपिसं सीका सम्मापटिपन्नम्ह बुद्धप्रति याये योग्य जुया च्वंगु पुण्य याइ । गन दान बीवं महत्फल दइगु खः ।

९३२. “अर्थ हितया नितिं अरञ्जं श्रावस्ती गामय् विज्याम्ह बुद्धप्रति चित्त प्रसन्न याना जि दान याना त्रायत्रिंश देवलोकय् उत्पन्न जुया ।

९३३-९३४. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुकदिशापाखे प्रकाशित जूगु खः ।

## ७. दुतियकरणीयविमानवत्थु

९३५. “मणि थुनातःगु थ्व विमान तःजाः जू गुकिया प्यखेसनं भिंनिगू भिंनिगू योजन दु हानं गुकी मनयात न्हचाइपकीगु बांवालाःगु स्तम्भत नं दु हानं कोठाय् कोठाय् सुवर्णया सिपूत लाया तःगु दु ।

९३६. “उकी च्वना छं नया च्वन त्वना च्वन, मधुरगु दिव्यमय वीणाया शब्दनं ताये दु हानं थन पञ्चकामगुणया दिव्यरस नं दु अले सुवर्णमय नारीपिं नं प्याखं हुया च्वपिं दु ।

९३७. “गथे छंगु उजागु वर्ण जूगु खः ? ... पूर्ववत् ... गथे छंगु शरीरया तेज फुकक दिशापाखे प्रकाश जुल ?”

९३८-९३९. “उम्ह देवता लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

९४०. “थःगु हित व अहितयात स्यूपिं प्रज्ञां युक्त पण्डितपिसं सीका सम्मापटिपन्नम्ह भिक्षुप्रति याये योग्य जुया च्वंगु पुण्य याइ । गन दान बीवं महत्फल दइगु खः ।

९४१. “अर्थ हितया नितिं अरञ्जं श्रावस्ती गामय् विज्याम्ह भिक्षुप्रति चित्त प्रसन्न याना जिं दान याना त्रायत्रिंश देवलोक्य् उत्पन्न जुया ।

९४२-९४३. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

Dhamma Digital

## ८. पठमसुचिविमानवत्थु

९४४. “मणि थुनातःगु थ्व विमान तःजाः जू गुकिया प्यखेसनं भिनिगू भिनिगू योजन दु हानं गुकी मनयात न्हचाइपकीगु बाँबालाःगु स्तम्भत नं दु हानं कोठाय् कोठाय् सुवर्णया सिपूत लाया तःगु दु ।

९४५. “उकी च्वना छं नया च्वन त्वना च्वन, मधुरगु दिव्यमय वीणाया शब्दनं ताये दु हानं थन पञ्चकामगुणया दिव्यरस नं दु अले सुवर्णमय नारीपिं नं प्याखं हुया च्वपिं दु ।

९४६-९४७. “गथे छंगु उजागु वर्ण जूगु खः ?  
... पूर्ववत् ... गथे छंगु शरीरया तेज फुक्क दिशापाखे  
प्रकाश जुल ?”

९४८. “उम्ह देवता लयताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खँ कना  
वं थथे धाल—

९४९. “गुगु वस्तु बियागु खः व हे वस्तु प्राप्त  
जुइगु मखु, क्षेत्रसम्पत्ति व चित्तसम्पत्तिया प्रभावद्वारा  
वस्वयानं आपालं महानतर फल प्राप्त जुइ । गथे जिं  
मुलु दान यानागु खः, तर वस्वया आपालं श्रेयस्कर थ्व  
फल जित प्राप्त जुल । उकिं थःके छु बीगु वस्तु दु व  
हे वस्तु बीगु श्रेयस्कर जू, जिं मुलु बियागु खः, व हे  
जिगु नितिं श्रेयस्कर जुल ।

९५०-९५१. “उकियागु हे प्रभावद्वारा जिगु शरीर  
वर्ण थुजागु जूगु खः ...पूर्ववत् ... उकियागु हे प्रभावद्वारा  
जिगु शरीरयागु तेज फुक्क दिशापाखे प्रकाशित जूगु खः ।

## ९. दुतियसुचिविमानवत्थु

९५२. “मणि थुनातःगु थ्व विमान तःजाः जू  
गुकिया प्यखेसनं भिंनिगू भिंनिगू योजन दु हानं गुकी  
मनयात न्हचाइपकीगु बाँबांलाःगु स्तम्भत नं दु हानं  
कोठाय् कोठाय् सुवर्णया सिपूत लाया तःगु दु ।

९५३. “उकी च्वना छं नया च्वन त्वना च्वन,  
मधुरगु दिव्यमय वीणाया शब्दनं ताये दु हानं थन

पञ्चकामगुणया दिव्यरसनं दु अले सुवर्णमय नारीपिं नं  
प्याखँ हुया च्वंपिं दु ।

९५४-९५५. “गथे छंगु उजागु वर्ण जूगु खः ?  
... पूर्ववत् ... गथे छंगु शरीरया तेज फुक्क दिशापाखे  
प्रकाश जुल ?”

९५६. “उम्ह देवता लय्ताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खँ कना  
वं थथे धाल—

९५७. “जि न्हापाया जन्मय् मनुष्यलोकय् मनु जुया  
वना बले ... ।

९५८. “विरजम्ह भिक्षुयात खना प्रसन्नगु चित्त  
याना वसपोलयात थःगु हे ल्हातं मुलु दान याना ।

८५९-९६०. “उकियागु हे प्रभावद्वारा जिगु शरीर  
वर्ण थुजागु जूगु खः ... पूर्ववत् ... उकियागु हे प्रभावद्वारा  
जिगु शरीरयागु तेज फुक्क दिशापाखे प्रकाशित जूगु खः ।

## १०. पठमनागविमानवत्थु

९६१. “मुक्कं तुयगु स्कन्धम्ह, निर्दोषम्ह, विपलगु  
दन्त दुम्ह, बलवानम्ह, तस्सतं ब्वाय् वने फुम्ह, उत्तमम्ह  
किसि गया आकाश मार्ग थन वया च्वंम्ह ।

९६२. “किसिया दन्त खना प्रभावित जुया निर्मल  
लखं जाया च्वंगु पलेस्वानं शोभायमान जुया च्वंगु निगू  
पुखू दु, तूर्यगणपिसं भिनिगू लयया भेद पिकया म्येहाला  
मनोहर ढंगं प्याखँ हुया च्वंगु दु ।

९६३. "हे देवऋद्धि प्राप्तम्ह महानुभाव सम्पन्न देवता ! छं मनुष्यलोक्य् च्वना बले छु पुण्य याना ? छु कारणं छंगु थुजागु ज्वलित प्रभाव दुगु खः ? फुक्क दिशापाखे छंगु वर्णं नं फिंजे जुया च्वंगु दु ।"

९६४. "मौद्गल्यायनद्वारा न्यंगु प्रश्नत न्यना उम्ह देवता लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

९६५. महानऋषि जुया बिज्याम्ह काश्यप तथागतया स्तूप्य् "मुत्तपुष्प च्याफो प्रसन्न चित्त याना थःगु ल्हातं चढे याना ।

९६६-९६७. "उकियागु हे प्रभावद्वारा जिगु शरीर वर्णं थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ११. दुतियनागविमानवत्थु

९६८. "म्हछम्हं तुयूम्ह तःधिकःम्ह उत्तमम्ह किसि गया नारीगणपिनि न्हचोन्हचो फुक्क दिशा जाज्वल्यमान जुइक वन्य् वन्य् चाहिला च्वन शुक्रताराथे छ च्वना च्वन ।

९६९-९७०. "गथे छंगु उजागु वर्णं जूगु खः ? ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

९७१. "वङ्गिस भिक्षुद्वारा न्यंगु प्रश्नत न्यना उम्ह देवता लय्ताया गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

९७२. “जि मनुष्यलोकय् मनु जुया चवना बले चक्षुमानम्ह उपासक जुया प्राणीहिंसां विरत जुया, मबीकं कायेगु त्याग याना ।

९७३. “थःम्ह स्त्रीयाकें सन्तुष्ट जुया, मखुगु खं मल्हाइम्ह, मद्यपान मयाइम्ह जुया अन्न नं पान नं प्रसन्न चित्त याना सत्कृत्य दान विपल जुइक याना ।

९७४-९७५. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## १२. ततियनागविमानवत्थु

९७६. “सम्पूर्णरूपं तुयूम्ह किसिदुगु दिव्ययाने तालपञ्चङ्गिक तुरिय बाद्य शब्द सहित आकाशय् महान परिवारपिं नाप चवना चवंम्ह ।

९७७. “छ् देवता खः लाकि गन्धर्व अथवा पुरिन्दद शक्र खः, जिं मसिया न्यना चवना कि जिं छंत सु धका म्हसीकेगु ?

९७८. “न जि देवता खः, न जि गन्धर्व खः, न त जि पुरिन्दद शक्र हे खः; सुधम्म नागु त्रायत्रिंश भुवनया जि सुं छ्म्ह देवता खः ।”

९७९. “हे सुधम्म देव ! जिं बिन्ति याना न्यना चवना कि मनुष्य जुया चवना बले छु महानगु कर्म याना सुधर्मा देवनिकायय् उत्पन्न जुया ?”



९८०. “उच्छागार, तिणागार, वत्थागार स्वंगुलिं सुं  
छम्हसित दान यानागु प्रभावद्वारा थन सुधम्म देवनिकायय्  
उत्पन्न जुइ ।

### १३. चूलरथविमानवत्थु

९८१. “बल्लाःगु तथा विशिष्ठ सारवृक्षया धनुष  
चुया च्वंम्ह छ क्षत्रीय खःलाकि जुजु खः वा ब्याधा खः ?  
छ सु ख : ?”

९८२. “भन्ते ! जि अश्वक देशया राजाधिपतिया  
काय् वनचर ख; जिं छलपोलयात जिगु नां कने जित  
सुजात धका सकसिनं नं म्हस्यू ॥

९८३. “मृगत मामां जि घोर जङ्गलय् दुहां वया  
चाःहिला च्वना, मृग मखना, छलपोलयात खना जि थन  
दना च्वनागु खः ।”

९८४. “हे भाग्यमानी ! तापाकंसिंसें वोम्ह छंत  
स्वागत दु, थुकी च्वंगु लः कया छं तुति स्यु ।

९८५. “हे राजपुत्र ! पहाडं हया तयागु थ्व  
ख्वाउंसे च्वंगु लः त्वं, लःत्वना लाया तयागु घासय्  
फेतु ।”

९८६. “हे महामुनय् ! गुगु अर्थयुक्तगु वचनयात  
छलपोलं बांलाक बिचाः याना धया बिज्यात उगु दोष  
रहितगु छलपोलया वचन तस्सतं बांलाः तथा न्यने योग्य  
जू; थ्व छलपोलया वचन अर्थ सहित तथा सुमधुर नं  
जू ।

१८७. “हे श्रेष्ठ ऋषि ! वन्य् चवनेगुया  
छलपोलया छु इच्छा अथवा छु अभिप्राय खः धका जि  
न्यने मास्तेवो, कृपया थुकिया लिसः बिया बिज्याहै;  
छलपोलया वचन न्यना थुगु लोक व परलोक्य हित जुइगु  
शील सदाचार धर्म जिं पालन याये ।

१८८. “हे कुमार ! सुनं प्राणीयात हिंसा मयायेगु,  
खुया मकायेगु, व्यभिचार मयायेगु, मखुगु खँ मल्हायेगु तथा  
मद्यपानं तापाना चवनेगु थ्व हे जिमित रुचिकर जू ।

१८९. “उपरोक्त हिंसादि मभिंगु ज्यायात त्याग  
यायेगु, अहिंसादि भिंगु ज्याया अभ्यास यायेगु, बहुश्रुत जुइगु  
तथा कृतज्ञ जुइगु थुपिं गुणधर्मयात थ्व हे जन्म्य् प्रशंसा  
याइ हानं थ्व धर्मत प्रशंसनीय नं जू ।”

१९०. “हे राजपुत्र ! न्यालाया दुने छ मृत्यु जुई,  
उकिं थ्व खँयात थुइका थःतः दुर्गतिं बचे यायेत ध्यान  
ब्यु ।”

१९१. “गुगु जनपदय् वना छु ज्या याना गुजागु  
पुरुषार्थ याना अथवा गुजागु विद्या सय्का जि अजरामर  
जुइ फइ ?”

१९२. “हे राजपुत्र ! उजागु गुगुं प्रदेश मुद,  
उजागु गुगुं विद्या मुद, उजागु गुगुं पुरुषार्थ नं मुद, गुगु  
गन वना अजरामर जुइ फइगु ।

१९३. “महाधनवान, महाभोगवान तथा प्रसस्त  
धनधान्य दुपिं राष्ट्राधिपति जूपिं क्षेत्रीयपिं नं अजरामर जुइ  
फइ मखु ।

९९४. “यदि छं न्यनातयागु दुसा चुके मजुइक प्रहार याइम्ह शूरवीर धनुषधारी शाश्वत समान जुया च्वंम्ह अन्धवेण्हु पुत्रपिनि नं आयु क्षय जुया हे वन ।

९९५. “क्षत्री, ब्राह्मण, वैश्य, शूद्र तथा चाण्डाल पुक्कुसादि मनूत व मेपिं जातिया मनूत नं अजरामर मजू ।

९९६. “गुम्हसिनं ब्रह्मचिन्तित षडङ्ग मन्त्रत उच्चारण यानाच्वन तथा गुपिं मेमेगु नं विद्यात सःस्यू उपिं नं अजरामर मजू ।

९९७. “गुपिं ऋषिपिं तथा सन्तपिं खः, गुपिं संयत जूपिं तपस्वीपिं खः, उमिसं नं यथासमयय् हे शरीर तोती ।

९९८. “भावितात्मा जूपिं अरहन्तपिं तथा कृतकृत्य जुया अनास्रवी जूपिसं नं पाप पुण्य क्षय याना थ्व देहयात अवश्यं तोती ।”

९९९. “हे महामुनि ! छलपोलं कना बिज्यागु गाथात सुभाषित व अर्थयुक्त जू; छलपोलयागु सुभाषितद्वारा जि सचेत जुया, आः छलपोल हे जिगु शरण जुया बिज्याहुं ।”

१०००. “छ जिगु शरणय् वनेमते, उम्ह महावीर शाक्यपुत्रया शरणय् हुं गुम्हसिया शरणय् जि वना च्वना ।

१००१. “मारिष ! छलपोलया शास्ता गुगु जनपदे बिज्यानाच्वंगु दु ? वसपोल अप्रतिपुद्गल जिनयात जिं नं दर्शन याःवने ।”

१००२. “पूर्वपाखेया जनपदय् ओकाक्क कुले वसपोलया जन्म जूगु खः हानं वसपोल अद्वितीय महापुरुष अन हे दुगु खः तर आः परिनिर्वाण जुया बिज्याये धुंकल ।”

१००३. “हे मारिष ! यदि छलपोलया शास्ता जुया बिज्याम्ह बुद्ध भगवान् दनिगु जूसा वसपोलया उपासना यायेत जि दोछिगू योजन तापाःसां वनेगु खः ।

१००४. “हे मारिष ! आः छलपोलया शास्ता परिनिर्वाण जुया बिज्याये धुंकल अथेनं जि परिनिर्वाण जुइ धुंकुम्ह महावीरया शरणय् वने ।

१००५. “जि बुद्धया शरणय् वने, अनुत्तरगु धर्मया शरणय् वने तथा देवमनुष्यपिं मध्ये उत्तम जुया बिज्यापिं संघया शरणय् नं वने ।

१००६. “प्राणीहिंसायात थत्थें हे तोते, खुंज्यायात त्याग याये, मद्यपान मृषावाद ल्हाये मखु तथा थःम्ह पत्नीयाकें सन्तुष्ट जुया च्वने ।”

१००७. “दोछि रश्मि दुम्ह सूर्यया महाप्रभाद्वारा आकाशय् क्रमानुसार प्रभा फैले जुया अथे हे प्यखेपाखें न्हेगू न्हेगू योजन दुगु छंगु रथ दु ।

१००८. “सकभनं लुंयागु पातां भुना तःगु दु, रथया धुराय् मणित तथा चित्रित याना तःगु दु, लुं वहलं रेखांकित यानातःगु दु, थ्व सुनिर्मित वैदूर्यमय छंगुरथ तस्सतं बांलाः ।

१००९. “रथया शिर्षं भागं नं वैदुर्यमयं जू, रथया जुवा रक्तमणिद्वारा चित्रित्रं जू, लुं वहया खिपतं चिना तःगु दु, चित्तबेगं वनेफुपिं सलतं नं बांलाःजू ।

१०१०. “दोछिं बाहनं दुगु रथे च्वनीम्हं देवेन्द्रथे फुकथास्य प्रभुत्वं जमे यानां छं थ्वं सुवर्णमयं रथे च्वना च्वनं; बुद्धिमानं जुया च्वंम्हं छंके जिं न्यना च्वना किं गथे छंतं थ्वं रथं प्राप्तं जुलं ?”

१०११. “भन्ते ! “जिं न्हापा सुजातं नाम्हा राजपुत्रं खः, छलपोलं अनुकम्पा तया जितं संयमया लंपुं क्यना विज्यात ।

१०१२. “जिगु आयुं क्षीणं जूगु खं छलपोलं सीकां छलपोलं “सुजात ! थ्वयात पूजाया वं छंगुं नितिं सुखं बीगु जुइ” धका जितं शास्ताया शरीरधातुं बिया विज्यात ।

१०१३. “छलपोलं धया विज्याथे जिं उगु धातुयात सुगन्धितं स्वामालं पूजा याना मनुष्यं देहं तोता आः जिं नन्दनं वने उत्पन्नं जुया ।

१०१४. “अनेकं भंगःतं दुगु रमणीयं नन्दनं वने अनेकं अप्सरापिंगुं प्याखं स्वया म्ये न्यना जिं थनं न्हचाइपुका च्वना ।”

## १४. महारथविमानवत्थु

१०१५. “दोछिंम्हं सलं युक्तं जुयाच्वंगुं उत्तमगु रथय् च्वना अनेकं चित्तं उद्यानभूमिया लिक्कं क्रमशं पुरिन्ददं भूपतिं शक्रथे थिनाच्वंम्हं छं ।

१०१६. “सुवर्णमय छंगु रथया च्वेच्वंगु वेदिका, रथस्तम्भया जःखः व क्वय च्वंगु भाग तस्सतं चन्द्रमाथे थिनाच्वंगु दु, बांलाक दय्कातःगु गुम्ब नरवीर द्वारा बांलाक सिधेकातःगु रथ पुन्हीसिया चन्द्रमाथे थिना च्वंगु दु ।

१०१७. “सुवर्ण जालं तोपुयातःगु थ्व रथ आपालं नानारत्नं चित्रित यानातःगु दु, न्हचाइपुगु घोषं युक्त तस्सतं थिनाच्वंगु च्वामो ल्हातय् ज्वना च्वपिं देवतापिं उखेंथुखें थिना वंगु दु ।

१०१८. “रथया नाभी मनं तुनाथे हे दय्का तःगु दु रथया चक्काया दथ्वी च्वंगु थ्व नाभी अनेक रत्न छायापातःगु दु, अनेक वर्णया सलंसः लेखं चित्रित याना तःगु दु, थ्व नाभि पल्पसाया रेखाथे थिना च्वंगु दु ।

१०१९. “अनेक प्रकारया चित्रं युक्तगु थुगु रथया पुथु व नेमिं दोलंदो रश्मि प्याहां वया च्वंगु दु, उकिया स्वर मधुर जुइक पञ्चाङ्गिक तुरियबाद्यथे शब्द वया च्वंगु दु ।

१०२०. “रथया च्वय् चित्रित याना तगु मणिमण्डल चन्द्रमण्डल स्वयानं विशुद्ध जुइक थिना च्वंगु दु । बिचे बिचे वट्टाकार सुवर्णलेख वेलोरथे च्वंक शोभा दया च्वंगु दु ।

१०२१. “थुपिं बाली (सल) बांलाक, शोभादय्क वनीपिं, महानुभाव दुपिं, बलंसम्पन्नपिं, ब्वाय् वनेफुपिं, उमित लोलोथाय् ज्वतेयाना तःगु दु (?) ।

१०२२. “थुजापिं दोछि सलत फुक्क समानरूपं  
ब्वाय् वनीबले प्यपातुति जक न्यासि वना च्वंथें च्वंक मूद  
स्वभावं चञ्चल मजूसे न्हचाइपुक वना च्वन ।

१०२३. “भार कुबीफुपिं, गुबलें पलाखे पला: मिले  
याना वनीगु चालं वनीगु, गुबलें कुटुंवंथें च्वंक हाचां गया  
वनीगु, चिचीगोगु घंगलातयगु सलया तिसा मधुर जुइक  
सःवया वनीगु ।

१०२४. “रथयागु घोष, सलया खोयागु नाद, मुना  
च्वंपिं जनपिंगु घोषनं मुना चित्रलता वने गन्धर्वपिनिगु  
तरियया शब्दथें सुमधुर जुइक ताये दया च्वन ।

१०२५. “रथे च्वनाच्वंपिं मृगमन्दलोचनपिं अप्सरापिं  
न्हचू ख्वाःपिं, प्रिय वचन ल्हाना च्वंपिं, वेलोरमणिया जालं  
भुनातःपिं, शूक्ष्म छविपिं, गन्धर्व देवतापिसं पूजा याना  
तःपिं ।

१०२६. “उपिं हचांउंगु, म्हासुगु वस्त्रं पुनातःपिं,  
विशाल नेत्रपिं, विशेषं लोवनापुगु मिखापिं, उत्तमकुलय् जन्म  
जूपिं, बांलागु शरीरपिं, शुद्धसुचिपिं रथे च्वना च्वंपिं ।

१०२७. “सुवर्णमय केयूर धारण याना तःपिं, .....,  
सम्पन्नगु खम्पा व थन जुया च्वंपिं, वट्टुङ्गुलि, लय्तागु  
ख्वापिं, स्वेहे यइ पपिं ।

१०२८. “गुलिं मेपिं बांलागु सतपत दुपिं,  
ल्याय्म्हपिं रत्नमाला व सँ मिले जुइक थीथी प्रकारं सपः  
हिनातःपिं, अप्सरापिं अनुकुल जुइक रथे च्वना च्वंगु दु ।

१०२९. "आवेलिनीपिं पद्म उत्पलं छायापिया,  
चन्दनसारं अलंकृत याना, अनुकुल जुइक रथे चवना च्वंगु  
दु ।

१०३०. "उपिं मालिनीपिं पद्म उत्पलं छायापिया,  
चन्दनसारं अलंकृत याना, अनुकुल जुइक रथे चवना च्वंगु  
दु ।

१०३१. "गःपतय्, ल्हातय्, तुती, व छचनय् च्वंगु  
आभरणत भिगू दिशायसनं सरद-कालया सूर्यथे थिना च्वंगु  
दु ।

१०३२. "वायुया बेगं ल्हातय् च्वंगु माला आदि कम्प  
जुया च्वंगु दु, उकिं पिहावःगु शब्द यइपुक भिंक, सिच्चुक  
फुकक विज्जपितनापं न्यने यइपुक वया च्वंगु दु ।

१०३३. "उच्चाानभूमी निखेसनं चवना च्वंपिं रथ किसि  
व तुरिय आदिया शब्द देवेपुत्रपितं लय्ताय्केत थाइगु  
वीणाया शब्दथे ताये दया च्वंगु दु ।

१०३४. "थुपिं वीणां आपालं मधुरगु हृदय हरण  
याइगु प्रीतिनिमित्त पिज्वेका अप्सरा देवकन्यापिं सुशिक्षित  
पूर्वक चाचाहिला च्वंगु दु ।

१०३५. "गुबले म्ये हागु, बाद्य थाःगु, प्याखं हूगु  
फुकं छ्रगू रस जुइबले उखेंथुखें अप्सरापिं रथे हे प्याखंहुला  
भभधाय्का च्वंगु दु । मेपिं उत्तमपिं मिसापिं प्याखं  
स्वस्वं थःथःगु वस्त्र आभरण थिका च्वंगु दु ।

१०३६. "थथे जुया च्वंपिं उपिं "थुपिं वीणाया  
आपालं मधुरगु हृदय हरण याइगु प्रीतिनिमित्त पिजोगु



दिव्यतुरिय समूहद्वारा लय्ताया” पूजायाःगु भाःपा न्हचाइपुका च्वंगु दु ।

१०३७. “छं न्हापाया जन्मय् मनुष्यलोकय् मनु जुया च्वना बले छु कर्मयाना वया ? छ उपोसथ व्रते च्वना लाकि, छु धर्माचरण याना वया ?”

१०३८. “छुं भतिचा यानावोगु कर्म, न्हापा पालन याना वोगु उपोसथयागु फलं थ्व देललोकय् ऋद्धिया आनुभाव सम्पन्नगु विपुलता प्राप्त जुल ?

१०३९. “थ्व दानयागु वा शीलयागु वा ल्हाः बन्ति यानागु छुकियागु फल खः जिं न्यनाच्वना कने माल ?”

१०४०. “मौद्गल्यायनद्वारा न्यंगु प्रश्नत न्यना उम्ह देवपुत्र लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०४१. “जितेन्द्रियम्ह, अनोमनिक्कम, नरुत्तम, अग्रपुद्गल, देवादिदेव, सतपुण्यलक्षणं सम्पन्न जुया बिज्याम्ह काश्यप बुद्धं न्हापा कोणागमन तथागतया समयय् चाय्के मफुगु अमृतया द्वारयात चाय्का ।

१०४२. “ओघतिण्णकुञ्जर, सुवर्णश्रृङ्गनदबिम्बधे च्वंम्ह वसपोल सुभाषितध्वज काश्यप बुद्धयात खनेवं तुरुन्त हे भिंगु मनं ।

१०४३. “वसपोलयात थःगु छें बिज्याका स्वानं छायापाः भिंगु प्रणीतगु रसं जाया च्वंगु अन्न, पान तथा चीवरवस्त्रद्वारा पूजा याना ।

१०४४. “वसपोल द्विपदोत्तम काश्यप बुद्धयात उगु  
अन्न, पान, खाद्य, भोज्य तथा फेयेगु व चीवर सन्तर्पित  
यानागु पुण्यया प्रभावं स्वर्गया देवपुरय् न्हचाइपुक च्वना  
च्वना ।

१०४५. “थुजागु उगु निर्गलगु, त्रिविध विशुद्धगु  
यज्ञया उपायद्वारा महादान याना मनुष्यदेह तोता इन्द्रयागुथें  
च्वंगु देवपुरय् न्हचाइपुक च्वना च्वना ।

१०४६. “आयु, वर्ण, सुख, बलयात प्रणीतरूपं  
इच्छा याना मुनियात अन्ननं पाननं आपालं बांलाक  
तालाका असङ्गमनं प्रतिस्थापित यायेमाः ।

१०४७. “थुगुलोक्य् नं परलोक्य् नं बुद्ध हे श्रेष्ठ  
जू, वसपोल समान सुं मुद्द, आवाहन यायेया नितिं वसपोल  
अग्रम्ह परमरगतम्ह खः । पुण्यया इच्छा याइपिंगु नितिं,  
विपुलगु महान पुण्यफल इच्छा याइपिंगु नितिं तथागत हे  
लोकया पुण्यक्षेत्र खः ।”

न्यागुगु महारथवर्ग क्वचाल ।

ब्यांचा, रेवती, छत्त, कक्कट, द्वारपाल ।

निगु करणीय, निगूसूचि, स्वंगू नाग व निगू रथ ॥

न्हापांयागु पुरिस नापं वर्ग धयातल ॥

स्वंगू भाणवार क्वचाल ।

## ६. पायासिवर्ग

### १. पठमअगारियविमानवत्थु

१०४८. “गथे उच्चान मध्ये श्रेष्ठगु त्रायत्रिंशय्  
उत्तमगु चित्रलता वन प्रकाशमान जुइक थिनाच्वंगु खः  
अथे हे छंगु विमान आकाशय् थिना च्वंगु दु ।

१०४९. “हे देवत्रद्वि प्राप्त महानुभाव सम्पन्न  
देवता ! मनुष्य जुया च्वनाबले छं छु पुण्यकर्म याना ?  
गथे छ थपाय्सकं तेज दुम्ह जुल ? गथे छंगु शरीरया  
तेज फुक्क दिशापाखे प्रकाश जुल ?”

१०५०. “मौद्गल्यायनद्वारा न्यंगु प्रश्नत न्यना उम्ह  
देवपुत्र लय्ताया गुगु कर्मया फलद्वारा उगु सम्पत्ति प्राप्त  
जूगु खः व खँ कना वं थथे धाल—

१०५१. “मनुष्यलोकय् जि व जिमि गृहिणी लखँ  
चाःहिला च्वंगु छेंय् च्वना च्वनाबले प्रसन्न चित्त याना  
अन्ननं पाननं सत्कारपूर्वक विपुल दान याना ।

१०५२-१०५३. “उकियागु हे प्रभावद्वारा जिगु  
शरीरया वर्ण थुजागु जूगु खः ...पूर्ववत् ... उकियागु हे  
प्रभावद्वारा जिगु शरीरयागु तेज फुक्क दिशापाखे प्रकाशित  
जूगु खः ।

## २. दुतियअगारियविमानवत्थु

१०५४. “गथे उद्यान मध्ये श्रेष्ठुगु त्रायत्रिशे उत्तमगु चित्रलता वन प्रकाशमान जुइक थिनाच्वंगु खः अथे हे छंगु विमान आकाशय् थिना च्वंगु दु ।

१०५५. “हे देवत्रह्द्वि प्राप्त महानुभाव सम्पन्न देव ! मनुष्य जुया च्वना बले छं छु पुण्यकर्म याना ? गथे छ थपाय्सकं तेज दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

१०५६. “मौद्गल्यायनद्वारा न्यंगु प्रश्नत न्यना उम्ह देवपुत्र लय्ताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०५७. “मनुष्यलोकय् जि व जिमि गृहिणी लखँ चाःहुला च्वंगु छें च्वना च्वनाबले प्रसन्न चित्त याना अन्ननं पाननं सत्कारपूर्वक विपुल दान याना ।

१०५८-१०५९. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ३. फलदायकविमानवत्थु

१०६०. “मणि थुनातःगु थ्व विमान तःजाः जू, गुकिया प्यखेसनं भिंखुगू भिंखुगू योजन व न्हेसः कूटागार नं दु, हानं गुकी मनयात न्ह्याइपुकीगु बाबांलाःगु

स्तम्भतनं दु हानं कोठाय् कोठाय् सुवर्णया सिपूत लाया तःगु दु ।

१०६१. “उकी च्वना छं नया च्वन त्वना च्वन, सुमधुरगु दिव्यमय वीणा नं थाना च्वंगु दु, ख्वीप्यम्ह सुशिक्षितपिं देवकन्यापिं प्याखंहुला म्येहाला न्हचाइपुका च्वंगु दु ।

१०६२. “हे देवऋद्धि प्राप्त महानुभावसम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्स्कं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

१०६३. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

१०६४. “ऋजु जुयाच्चपिं श्रावकपित्त चित्त प्रसन्न याना बियागु फलदायी पुण्यया फल थथे हे महान विपुल जुइ, उम्ह हे स्वर्ग्य वना त्रायत्रिंशय् विपुलगु पुण्यफल अनुमोदन याना लय्ताया च्वनी ।

१०६५. “हे महामुनि ! छलपोलयात हे जिं प्यंगः फल दान बियागु दु ।

१०६६. “उकिं मनुष्यपिसं सदानं सौभाग्यताया इच्छा याना वा दिव्य सम्पत्तिया प्रार्थना याना सदानं सुख कामना याइपिसं अथे फल दान बीगु उत्तम जू ।

१०६७-१०६८. “उकियागु हे प्रभावद्वारा जिगु शरीरया वर्ण थुजागु जूगु खः ...पूर्ववत् ... उकियागु हे

प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

#### ४. पठमउपस्सयदायिकविमानवत्थु

१०६९. “चन्द्रमा गथे सुपाय् म्दुगु आकाशय् प्रकाशमान जुया आकाशय् वना च्वनी, अथेहे छंगुविमान प्रकाशमान जुया आकाशय् थिना च्वन ।

१०७०. “हे देवच्छ्रद्धि प्राप्त महानुभाव सम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

१०७१. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०७२ “जि व जिमि गृहिणी मनुष्यलोकय् च्वना. च्वनाबले प्रसन्न चित्त याना अरहन्तयात आश्रय दान बिया, अन्ननं पाननं सत्कारपूर्वक विपल दान याना ।

१०७३-१०७४. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

#### ५. दुतियउपस्सयदायकविमानवत्थु

१०७५. “सूर्य गथे सुपाय् म्दुगु आकाशय् प्रकाशमान जुया आकाशय् वना च्वनी, अथे हे छंगु

विमान प्रकाशमान जुया आकाशय् थिना च्वन ।

१०७६. “हे देवऋद्धि प्राप्त महानुभाव सम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह ? गथे छंगु शरीरया तेज फुक्क दिशापाखे प्रकाश जुल ?”

१०७७. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०७८ “जि व जिमि गृहिणी मनुष्यलोकय् च्वना च्वनाबले प्रसन्न चित्त याना अरहन्त यात आश्रय दान बिया, अन्ननं पाननं सत्कारपूर्वक विपुल दान याना ।

१०७९-१०८०. “उकियागु हे प्रभावद्वारा जिगु शरीर वर्ण थुजागु जूगु खः ... पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ६. भिक्खादायकविमानवत्थु

१०८१. “मणि थुनातःगु थ्व विमान तःजाः जू, गुकिया प्यखेसनं भिनिगू भिनिगू योजन व न्हेसः कूटागार नं दु, हानं गुकी मनयात न्हचाइपुकीगु बाँबांलाःगु स्तम्भत नं दु हानं कोठाय् कोठाय् सुवर्णया सिपूत लायातःगु दु ।

१०८२. “हे देवऋद्धि प्राप्त महानुभावसम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु

शरीरया तेज फुक्क दिशापाखे प्रकाश जुल ?"

१०८३. "उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०८४. "जि मनुष्यलोकय् मनु जुया च्वनाबले त्यानुम्ह भिक्षुयात खना छन्हुया नितिं दय्कातःगु छ्छाः भोजन फुक्कं दान याना ।

१०८५-१०८६. "उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ७. यवपालकविमानवत्थु

१०८७ - १०८८. "मणि थुनातःगु थ्व विमान तःजाः जू ... पूर्ववत् ... गथे छंगु शरीरया तेज फुक्क दिशापाखे प्रकाश जुल ?"

१०८९. "उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०९०. "मनुष्यलोकय् मनु जुयाच्वनाबले जि तद्धोपालक जुया च्वना, उगु समयय् जिं विप्रसन्न, निर्मल तथा निःक्लेशी जुया च्वंम्ह छ्म्ह भिक्षु खना ।



१०९१. “अले वसपोलयात जिं थःगु भाग कुल्माष पिण्ड प्रसन्न चित्तं थःगु हे ल्हातं प्रदान याना । व हे कुल्माष पिण्ड दान बियागु पुण्यया प्रभावद्वारा थौं जि नन्दन वनय् नन्दित जुया वना ।

१०९२-१०९३. “उकियागु हे प्रभावद्वारा जिगु शरीर वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।

## ८. पठमकुण्डलीविमानवत्थु

१०९४. “अलंकृत जुया, माला धारण याना, उत्तमगु वस्त्र उत्तमगु कुण्डल धारण याना बांलाक सँ ग्वाय् दारि चाना पतिंचापतिं ल्हातय् न्हचायगु अंगू आदि तिसां तिया दिव्य विमानय् चन्द्रमार्थे यशस्वी जुया च्वना च्वन ।

१०९५. “दिव्य वीणा सुमधुर जुइक थाना ख्वीप्यम्ह शिक्षितपिं त्रायत्रिंश लोकया प्रकाशमानपिं देवकन्यापिसं प्याखंहुला म्यें हाला न्हचाइपुका च्वंगु दु ।

१०९६. “हे देवऋद्धि प्राप्त महानुभाव सम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

१०९७. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

१०९८. “मनुष्यलोक्य् मनु जुया चवनाबले जिं तृष्णा क्षय जुया बिज्याम्ह, विद्या व आरणं सम्पन्नम्ह, यशस्वी, बहुश्रुतम्ह शीलं सम्पन्नम्ह श्रमणयात खना । प्रसन्न चित्त याना अन्न नं पान नं सत्कारपूर्वक विपुल दान बिया ।

१०९९-११००. “उकियागु हे प्रभावद्वारा जिगु शरीरया वर्ण थुजागु जूगु खः ...पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।”

## ९. दुतियकुण्डलीविमानवत्थु

११०१. “अलंकृत जुया, माला धारण याना, उत्तमगु वस्त्र उत्तमगु कुण्डल धारण याना बांलाक सँ ग्वाय् दारि चाना पतिंचापतिं ल्हातय् न्हचाय्गु अंगू आदि तिसां तिया दिव्य विमानय् चन्द्रमाथें यशस्वी जुया चवना चवन ।

११०२. “दिव्य वीणा सुमधुर जुइक थाना ख्वीप्यम्ह शिक्षितपिं त्रायत्रिंश लोकया प्रकाशमानपिं देवकन्यापिसं प्याखं हुला म्यें हाला न्हचाइपका च्वंगु दु ।

११०३. “हे देवऋद्धि प्राप्त महानुभाव सम्पन्न देवता ! मनुष्य जुया चवनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

११०४. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

११०५. “मनुष्यलोक्य् मन् जयाचवनाबले जि शीलं सम्पन्न जुया विज्याम्ह, विद्या व आरणं सम्पन्नम्ह, यशस्वी, बहुश्रुतम्ह अरहन्त भिक्षु खना । प्रसन्न चित्त याना अन्न नं पान नं सत्कारपूर्वक विपुल दान बिया ।

११०६-११०७. “उकियागु हे प्रभावद्वारा जिगु शरीर वर्ण थुजागु जूगु खः... पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।”

## १०. (उत्तर)पायासिविमानवत्थु

११०८. “गथे देवराजया सुधम्मा देवसभास त्रायत्रिंश देवतापिं सकलें मुना चवना चवनी ।

११०९. “हे देवऋद्धि प्राप्त महानुभाव सम्पन्न देवता ! मनुष्य जुया चवनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

१११०. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

११११. “जि मनुष्यलोक्य् मन् जुया चवनाबले पायासि जुजुया ज्या याइम्ह मानवक जुया चवना । प्राप्त जूगु धन भागथला, जिमि प्रियम्ह स्त्री नं शीलवती जुया प्रसन्न चित्तं अन्न नं पान नं सत्कारपूर्वक विपुल जुइक दान याना ।

१११२-१११३. “उकियागु हे प्रभावद्वारा जिगु शरीरया वर्ण थुजागु जूगु खः... पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।”

पायासिवर्ग क्वचाल ।

निगू अगारिय फलदायी, निगू उपस्सयदायी, भिक्खादायी ।

तद्धोपालक व वथेतुं कुण्डलिनी, पायासि ।

पुरुषपिनिगु निगूगु वर्ग धयातल ॥



## ७. सुनिक्खित्तवर्ग

### १. चित्तलताविमानवत्थु

१११४. “गथे उच्चान मध्ये श्रेष्ठगु त्रायत्रिंशद्यु  
उत्तमगु चित्रलता वन प्रकाशमान जुइक थिना च्वंगु खः  
अथे हे छंगु विमान आकाशय् थिना च्वंगु दु ।

१११५. “हे देवऋद्धि प्राप्त महानुभाव सम्पन्न  
देवता ! मनुष्य जुया च्वनाबले छं छु पुण्यकर्म याना ?  
गथे छ थपाय्स्कं ज्वलित प्रभाव दुम्ह जुल ? गथे छंगु  
शरीरया तेज फुक्क दिशापाखे प्रकाश जुल ?”

१११६. “उम्ह देवपुत्र लय्ताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खं कना  
वं थथे धाल—

१११७. “जि मनुष्यलोकय् मनू जुया च्वनाबले  
दरिद्रम्ह तरे याइम्ह मुदम्ह, कृपणम्ह ज्यामी जुया च्वना,  
जीर्णपिं माँबौया भार जुया नं जिमि योम्ह स्त्री शीलवतीम्ह  
जुया प्रसन्न चित्त याना अन्न नं पान नं सत्कारपूर्वक  
विपुल जुइक दान याना ।

१११८-१११९. “उकियागु हे प्रभावद्वारा जिगु शरीर  
वर्ण थुजागु जूगु खः... पूर्ववत् ... उकियागु हे प्रभावद्वारा

जिगु शरीरयागु तेज फुक्क दिशापाखे प्रकाशित जूगु खः ।”

## २. नन्दनविमानवत्थु

११२०. “गथे उद्यान मध्ये श्रेष्ठगु त्रायत्रिंशय् उत्तमगु नन्दन वन प्रकाशमान जुइक थिना च्वंगु खः अथे हे छंगु विमान आकाशय् थिना च्वंगु दु ।

११२१. “हे देवऋद्धि प्राप्त महानुभाव सम्पन्न देवता ! मनुष्य जुया च्वनाबले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? गथे छंगु शरीरया तेज फुक्क दिशापाखे प्रकाश जुल ?”

११२२. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

११२३. “जि मनुष्यलोकय् मनु जुया च्वनाबले दरिद्रम्ह, तरे याइम्ह मुदुम्ह, कृपणम्ह ज्यामी जुया च्वना, जीर्णपिं माँबौया भार जुया नं जिमियोम्ह स्त्री शीलवतीम्ह जुया प्रसन्न चित्त याना अन्न नं पान नं सत्कारपूर्वक विपुल जुइक दान याना ।

११२४-११२५. “उकियागु हे प्रभावद्वारा जिगु शरीर वर्ण थुजागु जूगु खः... पूर्ववत् ... उकियागु हे प्रभावद्वारा जिगु शरीरयागु तेज फुक्क दिशापाखे प्रकाशित जूगु खः ।”

### ३. मणिथूणविमानवत्थु

११२६. “मणि थुनातःगु थां दुगु ध्व विमान तःजाः  
जू, गुकिया प्यखेसनं भिंखुगू भिंखुगू योजन व न्हेसः  
कूटागार नं दु, हानं गुकी मनयात न्हचाइपुकीगु बाबालाःगु  
स्तम्भतनं दु हानं कोठाय् कोठाय् सुवर्णया सिपूत लायातःगु  
दु ।

११२७. “उकी च्वना छं नया च्वन त्वना च्वन,  
सुमधुरगु दिव्यमय वीणा नं थाना च्वंगु दु, दिव्य रस तथा  
पञ्चकामगुणं युक्त सुवर्ण आच्छादितपिं देवकन्यपिं प्याखं  
हला च्वंगु दु ।

११२८-११२९. “गथे छ थुजागु वर्णम्ह जुल ? ...  
पूर्ववत् ... गथे छंगु शरीरया तेज फुक्क दिशापाखे  
प्रकाश जुल ?”

११३०. “उम्ह देवपुत्र लयताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खं कना  
वं थथे धाल—

११३१. “जि मनुष्यलोकय् मनु जुया च्वना बले  
जंगलया लय् चंक्रमण याना च्वनाबले बगीचाय् सिमात  
पिना च्वनाबले जिमि योम्ह स्त्री शीलवती जुया प्रसन्न  
चित्त याना अन्न नं पान नं सत्कारपूर्वक विपुल जुइक  
दान याना ।

११३२-११३३. “उकियागु हे प्रभावद्वारा जिगु शरीर  
वर्ण थुजागु जूगु खः... पूर्ववत् ... उकियागु हे प्रभावद्वारा

जिगु शरीरयागु तेज फुक्क दिशापाखे प्रकाशित जूगु  
खः ।”

## ४. सुवर्णविमानवत्थु

११३४. “किङ्किणिजालत तयातःगु, हेमजालं  
प्रतिच्छन्न जुया च्वंगु तथा सुवर्णमय पर्वतया प्रभा फैले  
जुया च्वंगु छंगु विमान दु ।

११३५. उकी च्याकुंलाःगु स्तम्भत नं फुक्कं वैदुर्य  
मणिमय जू हानं छगू छगू कोणय् न्हेगः न्हेगः रत्न  
थुनातगु दु ।

११३६. “वहयागु सिपुती वैदुर्य मणित, मसारगल्ल,  
मोतित तथा हचाउंगु मणि आदि थुनातःगु दु ।

११३७. “चित्र विचित्रगु भूमी धुलं मंगय्क हानं  
म्हासुगु मुसी तया गजू दिकेगु कथं दय्का तःगु दु ।

११३८. “प्यंगू दिशाय् प्यपु स्वाहानेत दय्का तःगु  
दु, सूर्यथे थीगु अनेक रत्नमय कोठात नं दु ।

११३९. “प्यंगू भागय् ठीक जुइक भाग याना तःगु  
प्यंगू बेदिका नं दु गुकिया टलक प्यंगू दिशाय्सनं भलललं  
थिना च्वंगु दु ।

११४०. “हे महाप्रभादुम्ह देवपुत्र ! अत्यन्त  
प्रकाशमान जुया च्वम्ह सूर्योदयया तेजथे थिना छ अन  
च्वना च्वंगु दु ।



११४१. “थ्व छंगु प्रभाव दान बियागुया फल खःलाकि शील पालन यानागुया फल खःलाकि अथवा नमस्कारया फल खः ? छुकिया फल खः, जित कै ।

११४२. “उमह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

११४३. “आदित्यबन्धु जुया बिज्यामह भगवान् बुद्धया नितिं जिं अन्धकविन्द्यु थःगु हे लहातं प्रसन्न चित्त याना छगू विहार दय्का ।

११४४. “सुगन्ध, माला, प्रत्यय तथा विलेपन सहित उगु विहार जिं शास्ताया नितिं प्रदान यान । उकियागु हे प्रभावद्वारा नन्दन वनयात बशय् तथा जिं थ्व सम्पत्ति प्राप्त यानागु खः ।

११४५. “उकियागु हे प्रभावद्वारा थीथी प्रकारया भङ्गःतय्सं जाःगु रमणीय नन्दन वनय् नृत्य गीत तथा अप्सरापिनिपाखें न्हचाइपुका च्वना ।

## ५. अम्बविमानवत्थु

११४६. “मणि थुनातःगु थां दुगु थ्व विमान तःजाः जू, गुकिया प्यखेसनं भिंखुगू भिंखुगू योजन व न्हेसः कूटागार नं दु, हानं गुकी मनयात न्हचाइपुकीगु बाँबांलाःगु स्तम्भतनं दु हानं कोठाय् कोठाय् सुवर्णया सिपूत लाया तःगु दु ।

११४७. “उकी च्वना छं नया च्वन त्वना च्वन,  
सुमधुरगु दिव्यमय वीणानं थाना च्वंगु दु, दिव्य रस तथा  
पञ्चकामगुणं युक्त सुवर्ण आच्छादितपिं देवकन्यापिं प्याखं  
हुला च्वंगु दु ।

११४८-११४९. “गथे छ थुजागु वर्णम्ह जुल ? ...  
पूर्ववत् ... गथे छंगु शरीरया तेज फुक्क दिशापाखे  
प्रकाश जुल ?”

११५०. “उम्ह देवपुत्र लयताया ... पूर्ववत् ... गुगु  
कर्मया फलद्वारा उगु सम्पत्ति प्राप्त जूगु खः व खं कना  
वं थथे धाल—

११५१. “गृष्मया अन्तिमगु महिनाय् तस्सतं निभा  
थिना च्वंबलय् जि मेपिनि नोकरी याना अंमाय् लःबीगु  
ज्या याना च्वना ।

११५२. “उबले शरीर त्यानूम्ह तर चित्त त्यानु  
मचाःम्ह सारिपुत्र नामं प्रसिद्धम्ह छम्ह भिक्षु अन बिज्यात ।

११५३. “वसपोल बिज्याना च्वंगु खना अंमाय्  
लःबिया च्वनीम्ह जिं थथे धया भन्ते ! जिं छःपित्त  
मोल्ह्वीकाबिये गुगु जिगु नितिं सुख बीगु जुइ ।

११५४. “अले जिगुप्रति अनुकम्पा तथा पात्र चीवर  
छगू थासय् तथा, छूपु जक चीवरं पुना उम्ह भिक्षु छमा  
अंमाया किचलय् फेतुना बिज्यात ।

११५५. “अले सिमाया किचलय् मोल्हुइत फेतुना  
बिज्याम्ह प्रसन्न मुद्राम्ह उम्ह भिक्षुयात जिं निर्मलगु लखं  
मोल्हुइका बिया ।

११५६. “अमाय् लः बीगु ज्या नं जुल, श्रमण्यात मोल्ह्वीकेगु नं जुल तथा थःत नं आपालं पुण्य प्राप्त जुल धका बिचार यानाबले जिगु शरीरय् न्यकभनं प्रीति न्यना वन ।

११५७. “उगु जन्मय् जिं थुलि हे जक पुण्य यानागु दु; अले मनुष्य शरीर तोता न्हचाबले आनन्द जुइगु थुगु थासय् उत्पन्न जुया ।

११५८. “उकिं जि थीथी प्रकारया भङ्गःतय्सं युक्तगु थुगु आनन्ददायी वने आनन्द कया च्वना हानं नृत्य गीत तथा देवअप्सरापिसं नं चाहइका च्वना ।”

## ६. गोपालविमानवत्थु

११५९. “आपालं समयतक उच्च विमानय् च्वनीम्ह, ल्हातय् मोतिया आभरणं तियातःम्ह, परिवार व यश सम्पत्ति दुम्ह, देवविमानय् चन्द्रमा समानं च्वना च्वंम्ह देवतायात खना भिक्षुं प्रश्न न्यन—

११६०. बांलाक सै चाना, बांलाःगु वस्त्र व स्वांमालं क्वखाया, कुण्डलद्वारा अलंकृत जुया, ल्हातय् मोतिया आभरणं तिया, दिव्य विमानय् चन्द्रमा समानं च्वना च्वंम्ह देवतायात खना भिक्षुं प्रश्न न्यन ।

११६१. “दिव्य वीणाया सुमधुर आवाज पिहाँ वया च्वन, शिक्षिता तथा सुन्दर रूप धारण याना च्वपिं देवलोकय् च्वनीपिं ख्वीप्यम्ह देवकन्यापिं प्याखँ हुला म्येहाला न्हचाइपका च्वंगु दु ।

११६२. “हे देव छ महानुभाव सम्पन्न देवऋद्धि प्राप्तम्ह ख; मनुष्य जुया चवना बले छं छु पुण्यकर्म याना ? गथे छ थपाय्सकं ज्वलित प्रभाव दुम्ह जुल ? छंगु शरीरया वर्ण नं फुक्क दिशापाखे न्यना च्वंगु दु ।”

११६३. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

११६४. “जि मनुष्यलोक्य् मनु जुया वना बले जिं मेपिनि सात मुंका रक्षा याना चवनेगु, उबले जिथाय् छम्ह श्रमण बिज्यात, उबले हे सात माय् नयेत बुई दुहां वन ।

११६५. “भन्ते ! उबले जिं बिचाः याना कि थौं जिं निता ज्या छकलं याये माःगु दु; उकिं उबले ज्ञानपूर्वक बिचाः यानाबले दान हे न्हापां बीमाः धयागु जितः चिन्तना जुल अले जिं जापोः दान बिया ।

११६६. “अनलि सातय्सं बुंधुवायागु माय् नयेन्ह्यो हे जि ब्वाय् वना बुई थ्यंकः वना; ब्वाय् वना चवनाम्ह जित बिष दुम्ह सर्प तुती न्यात ।

११६७. “अले जि पीडित जुल; भिक्षुं जित अनुकम्पा तया थःमं हे पो फचना कुलमाष भोजन याना बिज्यात, अले जि अनं च्युत जुया देवलोक्य् उत्पन्न जुया।

११६८. “व हे छगू जक कुशलकर्म जिं यानागु दु, उकियागु हे फलद्वारा थन जिं सुखानुभव याना चवना; भन्ते ! छलपोलं जिगुप्रति तस्सतं अनुकम्पा तया बिज्यात, कृतज्ञतापूर्वक जिं छलपोलयात अभिवादन याना चवना ।

११६९. “देव सहित मारलोक्य जित अनुकम्पा तया बिज्याम्ह मुनि छलपोल बाहेक मेपिं सुं मुदु, छलपोलं जित तःधंगु अनुकम्पा तया बिज्यात उकिं कृतज्ञतापूर्वक जिं छलपोलयात अभिवादन याना चवना ।

११७०. “थुगु लोक व परलोक्य जित अनुकम्पा तया बिज्याम्ह मुनि छलपोल बाहेक मेपिं सुं मुदु, छलपोलं जित तधंगु अनुकम्पा तया बिज्यात उकिं कृतज्ञतापूर्वक जिं छलपोलयात अभिवादन याना चवना ।

### ७. कण्डकविमानवत्थु

११७१. “गथे पुन्हीया चान्हे नक्षत्र परिवारपिं नाप खराचा चिं दुम्ह तारागणया अधिपति चन्द्रमा आकाशय् विचरण याइ अथे हे छंगु विमान देवपुर स्वया नं तेजयुक्त जू हानं रश्मि नं फैलय् जुया च्वंगु दु ।

११७२. “थ्व छंगु विमान वैदूर्य तथा मणिमाणिक्यं दय्का तःगु तस्सतं मनोहर जू, विचित्र जू ।

११७३. “सुवर्णया भूमी वैदूर्यमणि तया वहया सिपू लाया मसारगल्ल मोति हचाउंगु मणि तया तःगु दु ।

११७४. “भूमी अनेक वेदूर्यया चित्रत अले कूटागार प्रासाद नं अति न्हचाइपसे च्वंक शोभायमान जू ।

११७५. “सुवर्णमय फि ह्वलातःगु, निर्मल स्वच्छ लः दुगु थ्व पुष्करणी नं न्हचाइपसे च्वं ।

११७६. “उकी थीथी प्रकारया रंगीचंगी पलेस्वांत होयाचवंगु दु, सुगन्धनं फैले जुया चवंगु दु, अत्यन्त मनोरम जू ।

११७७. “उकिया निखेसनं स्वांमा व फलमां दुगु बगीचा दय्का तःगु दु ।

११७८. “सुवर्ण पादुका युक्त पल्लङ्के नाइसे चवंगु कापः लायातःगु आसनय् छ देवराजथें चवना चवन तथा अप्सरापिसं नं उपस्थान याना चवन ।

११७९. “फुक्क अलंकारं अलंकृत जूपिं स्त्रीपिंनाप वशवर्ती देवराजथें छ महर्धिक जुया लय्ताया चवन ।

११८०. “भेरी, शंख, मृडङ्ग तथा वीणा आदि बाजंत थाना नृत्यगीत द्वारा छ न्हचाइपुका चवन ।

११८१. “छंगु विविध दिव्य रूपत, विविध दिव्य शब्दत, विविध रसत, विविध गन्धत तथा विविध स्पर्शतनं मनोरम्य जू ।

११८२. “हे देवपुत्र ! उजागु श्रेष्ठ विमानय् महा प्रभावशाली रूप वर्ण तेजस्वीम्ह जुया छ सूर्योदयथें प्रकाशित जुया चवंगु दु ।

११८३. “जिं न्यना चवना कि “ध्व छंगु प्रभाव दान बियागुया फल खः लाकि शील पालन यानागुया फल खः लाकि अथवा नमस्कारया फल खः ? छुक्किया फल खः, जित कं ।

११८४. “मौद्गल्यायनद्वारा न्यंगु प्रश्नत न्यना उम्ह देवपुत्र लयताया गुगु कर्मया फलद्वारा उगु सम्पत्ति प्राप्त जूगु खः व खँ कना वं थथे धाल—

११८५. “शाक्यपिनि उत्तमगु नगर कपिलवस्तुइ शुद्धोदन जुजुया काय् नापं जन्म जूम्ह जि कन्थक सल खः ।

११८६. “गुबले वसपोलं बोधिज्ञान प्राप्तिया नितिं वाचाइलय् छें पिहाँ बिज्यात, उबले वसपोलं जित ताम्रवर्णगु लुसि तथा भ्रुचाःया दण्डिथें ताताहाकःगु पतिंचा दुम्हसिनं ।

११८७. “नाइसेच्वंगु ल्हातं व तुतिं काकाः र्वालिं च्वाना “हे सौम्य ! जित यंकि, उत्तम सम्बोधिं प्राप्त याना जिं लोक्य् च्वंपित पार तरेयाये” धका धया बिज्यात ।

११८८. “उगु शब्द न्यना जित थुलि हर्ष जुल कि— मानो जित अभिषेक प्राप्त जूगु थें ताल; अले हर्ष गद्गद् जुया ।

११८९. “महायश प्राप्त जुया बिज्याम्ह शाक्यपुत्र जिगु म्हय् च्वना बिज्यागु थ्वीका तस्सतं गद्गद् जुया जिं वसपोल उत्तम पुरुषयात कुबिया ।

११९०. “थथे कुबिया यंका मेपिंगु देशे थ्यन; अले सूर्यया तेज उग्र जुया च्वंगु इले जितः व छन्नयात तोता अनपेक्षी जुया वसपोल अनं बिज्यात ।

११९१. “उगु समयय् जि सिभःयागु रंगगु लुसि दुम्ह वसपोलया चरणकमलय् म्ये फचया, अले महावीर वैसेलि ख्वख्वं जिं वसपोलयात स्वया च्वना ।

११९२. “श्रीमान जुया बिज्याम्ह शाक्यपुत्र खने मदयेवं जित तःधंगु बेथा जुल अले उबले हे जिगु मरण जुल ।

११९३. “उकियागु हे प्रभावद्वारा फुक्क प्रकारया कामगुणं युक्तुगु देवपुरय् शक्र देवेन्द्रथे जि थ्व विमानय् च्वना च्वना ।

११९४. “वसपोलया श्रीमुखं गुगु “उत्तम सम्बोधि प्राप्त याना “बुद्धत्व प्राप्त जुइगु” धयागु वचन न्यना उकिया पाखे जित हर्षचित्त उत्पन्न जूगु खः हानं व हे कुशलया हेतुद्वारा जि अनागत काले आस्रव क्षयया अनुभव नं याये फइ तिनि ।

११९५. “भन्ते ! यदि छलपोल बुद्ध शास्तायाथाय् बिज्यात धाःसा जिगु शिरं नं वन्दना याःगु दु धका न्यंका बिज्याहुँ ।

११९६. “जि नं अप्रतिपुद्गल जुया बिज्याम्ह जिनयात दर्शन याःवने । छायाधाःसा लोकनाथ जुया बिज्याम्ह अतुल पुरुषया दर्शन यायेगु नं दुर्लभ हे खः ।”

११९७. “कृतज्ञ तथा कृतवेदी कन्थक देवपुत्र शास्तायाथाय् वना वसपोलया उपदेश न्यना वं धर्मचक्षुयात विशुद्ध जुइकल अर्थात् स्रोतापन्न जुल ।



११९८. “थथे धर्मचक्षुयात विशुद्ध याना दृष्टिगत विचारयात विशुद्ध याना तथा विचिकित्सा व शीलव्रत परामाशरूपी क्लेशतयूत तापाका शास्ताया चरणकमलय् वन्दना याना कन्थक देवपुत्र अन हे अन्तर्धान जुया वन ।”

## ८. अनेकवण्णविमानवत्थु

११९९. “थीथी प्रकारयागु वर्ण शीतलगु, स्वयेहे यैपुगु, शोक मद्दुगु विमानय् चवना अनेक प्रकारया चित्तं सुनिर्मित देवराजथे लय्तायाच्चंम्ह ।

१२००. “थः समान यश, पुण्य, ऋद्धि सुं मदया शुक्लपक्षया प्रतिपदाया चन्द्रमायात देव मनुष्यपिसं नमस्कार याःथे त्रिदसगण फुक्क देवतापिनि पाखे नं प्रमुदित जुया नमस्कार याना चवन । हानं देव अप्सरापिसं नृत्य गीत याना न्हचाइपुका चवन ।

१२०१. “हे देवऋद्धि प्राप्तम्ह महानुभाव सम्पन्न देवपुत्र ! छं मनुष्यलोकय् चवनाबले छु पुण्य याना ? छु कारणं छंगु थुजागु ज्वलित प्रभाव दुगु खः ? फुक्क दिशापाखे छंगु वर्ण नं फिजे जुया च्वंगु दु ।”

१२०२. “उम्ह देवपुत्र लय्ताया ... पूर्ववत् ... गुगु कर्मया फलद्वारा उगु सम्पत्ति प्राप्त जूगु खः व खं कना वं थथे धाल—

१२०३. “भन्ते ! जि न्हापाया जन्मय् सुमेध नांम्ह जिनया श्रावक न्हेदं तक जुयानं सत्ययात मस्यूम्ह पृथग्जन प्रव्रजित जुया चवना ।

१२०४. “उबले जिं वसपोल परिनिर्बृत, ओघतीर्णम्ह सुमेध शास्ताया स्तूपय् अनेक रत्न माणिक हेमजालं तोपुया मन प्रसन्न याना वन्दना याना ।

१२०५. “जिं छुं दान यानागु नं मुदु, जिके दान यायेगु वस्तु नं छुं मुदु, मेपिसं दान याइगुली जक ग्वाहालि याना पूज्य जुया बिज्याम्ह सिगु धातुस पूजा याना जि थन स्वर्गय् उत्पन्न जूवया ।

१२०६. “व हे छगू जक कुशलकर्म जिं यानागु दु, उकियागु हे फलद्वारा थन जिं सुखानुभव याना च्वना; त्रिदसगणपिनि बिचय् प्रमुदित जुया च्वना, उगु पुण्य क्षय मजूसे परिभोग याना च्वना ।

## ९. मट्टकुण्डलीविमानवत्थु

१२०७. “हे मट्टकुण्डली ! स्वामालं क्वखाया हरित चन्दनं बुला तथा अलङ्कृत जुया थ्व वनया बिचय् छ छाय् ख्वया च्वनागु ? छंत छु दुःख जुल ?”

१२०८. “भल भलं थीगु सुवर्णमय रथ जिं प्राप्त यानागु दु, परन्तु उकिया घःचा निचाः मुदु, थ्व हे दुःखं जि ख्वया च्वनागु खः हानं थुकियागु दुखः हे जि सिना वने ।”

१२०९. “हे भद्र मानव ! छंत लुयागु, वहयागु, मणियागु अथवा भिंपूयागु गजागु घःचाः माल धा, उजागु घःचाः जिं दय्काबिये ।”

१२१०. “अले मानवं वयात धाल — जिगु लुंयागु रथयात आकाशय् खने दया च्वंगु चन्द्र सूर्यया निचाः घःचाः जक लो, उकिं जिं चन्द्र सूर्यया इच्छा याना च्वना ।”

१२११. “हे मानव ! जिं स्वेबले ला छ मूर्खथेच्वं छं प्रार्थना याये मलोगु प्रार्थना याना च्वन; व चन्द्र सूर्य ला छ सिना वंसां प्राप्त याये फइ मखु ।”

१२१२. “गुगु वये वने याना च्वंगु नं खनेदु, गुकिया वये वने याइगु लंपु नं निखे खनेदु परन्तु सिना वना पितृजूम्ह प्राणीया रूप खने मुदु, उकिं खने दुगु वस्तुया नितिं ख्वइम्ह मूर्ख जुइलाकि खने मुदुगु वस्तुया नितिं ख्वइम्ह मूर्ख जुइ ? थुपिं निमहे सु आपा मूर्ख जुइ ?”

१२१३. “हे मानव ! छंगु खं सत्य खः, गुम्ह खने मुदुगु वस्तुया नितिं ख्वया च्वना, जि हे अपो मूर्ख खः खने दुगु चन्द्र सूर्यया कारणय् ख्वया च्वंम्ह मचा स्वया नं खने मुदुगु पितृया कारणय् ख्वया च्वनाम्ह जि हे महामूर्ख खः ।”

१२१४. जिगु हृदयय् घ्यो लुना तयागु मिंथे च्याना च्वंगु शोकाग्नियात लखं मिं स्याना बीथे छं जिगु फुक्क मानसिक दुःखयात स्याना बिल ।

१२१५. “जिगु हृदयया शोकरूपी कंयात छं लिकया बिल, पुत्र बियोगया कारणं याना शोकय् लाना च्वंम्ह जित छं जिगु शोक चीका बिल ।

१२१६. “हे मानव छुंगु खं न्यने धुंका आः जिके दुगु शोकरूपी कं मन्त, शोकरूपी मिं सिनावने धुंकल, आः शीतल जुइ धुन आः जिं शोक याये मखुत ।”

१२१७. “छं देवता खःलाकि गन्धर्व खः अथवा शक्र देवेन्द्र खः ? छं सु खः हानं स्वया काय् धका जिं गथे सीकेगु ?”

१२१८. “गुम्ह छं थः सीम्ह काय्यात मसानय् स्वयं थःमं उना गुम्हसिगु कारणय् छं ख्वया च्वन, बिलाप याना च्वन व जि कुशलकर्म याना देवलोक्य् उत्पन्न जुयाम्ह खः ।”

१२१९. “छं छैय् भतिचा वा आपा छुं नं दान ब्युगु जिं मखं, गुगुं उपोसथ व्रत पालन याःगु नं जिं मखं, अले गथे अथवा छुं याना छं देवलोक्य् उत्पन्न जुल ?”

१२२०. “थःगु छैय् रोगं पीडित जुया दुःखी जुया च्वना बले जिं शंका मुदुम्ह, क्लेश मुदुम्ह, निर्वाणय् थ्यने धुंकुम्ह तथा अनुपम प्रज्ञा दुम्ह बुद्धयात खना ।

१२२१. “अले प्रमुदित मन जुया प्रसन्नचित्त तथा जिं तथागतयात निपाल्हाः बिनित्त याना नमस्कार याना । व हे कुशलकर्मया प्रभावद्वारा देवलोक्य् उत्पन्न जुयागु खः ।”

१२२२. “अहो आश्चर्य ! अहो अद्भुत ! नमस्कार मात्र यानाया थुजोगु फल !!! जिनं प्रमुदित जुया प्रसन्नचित्तं थौं हे बुद्धया शरणय् वने ।”

१२२३. “थौ हे प्रसन्नचित्त याना बुद्धया शरण्यं हुं, थौ हे धर्मया शरण्यं तथा संघया शरण्यं हुं अथे हे थुपिं न्यागू शिक्षायात नं पालन या ।

१२२४. “प्राणीहिंसायात याकनं त्याग या, खुंज्यां थःत तापाका ति, मद्यपान याये मते, मखुगु खं नं ल्हाये मते अले थःम्ह पत्नीयाकें सन्तुष्ट जुया परस्त्री सेवन नं याये मते ।”

१२२५. “हे यक्ष ! हे देव ! छ जिमि हितैषी खः, छंत आचार्य माने याना जिं छंग वचन पालन याये ।

१२२६. “जि बुद्धया शरण्यं वने, अनुत्तर धर्मया नं शरण्यं वने हानं नरदेवपिंमध्ये श्रेष्ठ संघया नं शरण्यं वने ।

१२२७. “प्राणीहिंसायात याकनं त्याग याये, खुंज्यां थःत तापाका तये, मद्यपान यायेमखु, मखुगु खं नं ल्हाये मखु अले थःम्ह पत्नीयाकें सन्तुष्ट जुया परस्त्री सेवन नं याये मखु ।”

## १०. सेरिसकविमानवत्थु

धर्मसंग्राहकपिसं उल्लेख याःगुः

१२२८. “यक्षपिं व बज्जाःपिं समागम जुया च्वंगु थुगु “वणुपथ” (मरुभूमि) या लें इमि बिचय सुभाषितगु खं जूगुयात सकसिनं न्यना बिज्याहुं ।

१२२९. “न्हापाया जन्मय् पायासि नां जुया च्वंम्ह जुजु थुगु सुंहे म्दुगु सेरिसक विमानय् प्रमुदित जुया भूमि देवतापिं मध्ये यशस्वी जुया अमनुष्य जुया नं मनुष्यपित धाल ।

यक्षं न्यन

१२३०. “वङ्क” (सीला म्वाइला धयागु संसय जुया च्वंगु), अमनुष्यपिं बास यानाच्वंगु, अरञ्जे, कान्तारय्, लः म्दुगु, नयगु म्दुगु, दुर्गमगु, थुगु मरूभूमिया विचय् लद्वना वङ्कभयं ग्याना च्वपिं मनुष्यपिं ।

१२३१. “न थन फलमूल दु, न नय् त्वनेगु वस्तु दु, न उकिया नितिं छुं बुया वया च्वंगु हे दु, सकभनं क्वाःगु पूगु छाःगु धू व (फिं) जाया च्वंगु दु ।

१२३२. “लः म्दुगु उजार भूमि, पुना च्वंगु नपाता समान, सुख छत्तिं म्दुगु नरक समान, चिरकालनिसें पिसाच आदि पिंति आवास समान जुया च्वंगु, ऋषिपिसं श्राप बियातःगुथें जाःगु भूमिप्रदेस समान खः ।

१२३३. “अतः छिपिं छु कारणं छु आशा कया थुगु प्रदेशया दुष्परिणामयात मखंकुसे सहसा प्रवेस जुया ? लोभं, भयं वा लै द्वना मुंवया च्वनागु ?”

बञ्जातय्सं धाल-

१२३४. “जिपिं मगध व अङ्गया सार्थबाह बञ्जापिं विभिन्न वस्तुत ज्वना सिन्धु देशया सोवीरभूमिपाखे धन कमाये यायेया नितिं वयापिं खः ।

१२३५. “न्हिने तान्वइगु, प्याचाइगुलिं याना सहन याये मफइगु जुया, दोहंआदि सकसियाप्रति दया तथा, बहनी वनेगु उचित भाःपाः थन थ्यंकः वया ।

१२३६. “लं द्रुना, ज्ञान मुदुगुलिं मिखाकांम्हथें आकुल जुया जंगलय् लात । उकिं दुर्गमगु थुगु मरुभूमी वनेमाःगु दिशा ल्वीके मफया सशकित जुइका च्वना ।

१२३७. “भो यक्ष ! थुगु न्हापा मखनागु श्रेष्ठगु विमानय् छलपोलयात खनाबले जिपिं सिना वनी मखुत, म्वाना च्वने दइगु जुल धका सिना वनीगु दुःख स्वयानं म्वाना च्वने दइगु जुल धका हर्ष जुया, सौमनस्यतां युक्त जुया अले लय्ताःगुलिं गद्गद् जुया ।”

यक्षं धाल

१२३८. पौयागु गुंखिं चिना (वेत्ताचरं), कीयागु भरे वनेलोगु लं (शंखपथ), थनथें हे समुद्रं पारी नं फियागु भूमि दु । नदी व पर्वतया सिमानाय् दुगु किल्ला पुला, अन धन कमाये यायेत हुं ।

१२३९ “तात ! न्यं ! उगु थासय् वना इपिं विदेशयापिं मनुष्यपिं नापलाना विभिन्न प्रकारया वस्तुत इमिगु इच्छानुसार मियेत हुं । छिमिसं थन गुगु न्यनागु अथवा आश्चर्यगु खंगु खः उकियात छिमिगुपाखें न्यनेगु इच्छा याना ।”

देवपुत्रया थ्व खं न्यना वञ्जातय्सं धाल

१२४०. “भो देवकुमार ! मनुष्यपिनि सम्पूर्ण सम्पत्तिं न्हचाय् मुदुगु थ्व स्वया नं आश्चर्ययात नत न्यने

नं नत स्वय् नं थनया अनुपमगु वर्णयात खना जिपिं तृप्ति  
जुये मफु ।

१२४१. “चवं बाःवया चवंगु खुसिया लः पुखुली  
लाना वंगु दु । अन न्यंक पलेस्वानं जाया चवंगु दु, थुपिं  
सिमाय् दिव्य फल न्हित्थं सया चवंगु दु । अतिकं यइपुस्ये  
चवंक सुगन्ध नं प्रबाहित जुया चवंगु दु ।

१२४२. “मणि व रत्न थुनातःगु न्हेकुलाःगु थांत  
दु, शीला व भिम्पुया ताहाकःगु पःखाः नं दु, मूवंगु  
रक्तवर्णया फो (पत्थर) थुना तःगु थामं जः पिहाँ वया  
चवंगु दु ।

१२४३. “दोछिगः थांया चव्य् अतुलनीय आनुभाव  
दुगु विमान अतिकं बांलासे चवं । थ्व विमानया अंगलय्  
थामय् व स्वाहानय् नाना प्रकारया रत्न थुना तःगु दु,  
सुवर्णमय फः विमानय् छ्वाख्यरं चाह्वीका तःगु दु ।  
लुंयागु पातां सिलिंगे बांलाक छ्वाय्पिया तःगु दु ।

१२४४. “थुगु विमानया स्वाहानय् त्वाथःयात  
बांलाक छुया, बुया तःगु लुं समानं प्वाला प्वालां थिना  
चवंगु दु । स्वस्वथाय् छ्गुलिं मेगुनापं ल्वेक, स्वयेबह जुइक  
स्यल्लागु कथंया अतिकं ज्वाला ज्वाला थिना चवंगुलिं  
मनोरञ्जक जू ।

१२४५. “रत्नमय विमानय् आपालं नयेगु त्वनेगु दु,  
मृदङ्ग, भेरी, व तूरिय आदि बाद्यया सः न्हित्थं थ्वया चवंगु  
दु, अप्सरागणपिंगु समूहं स्तुति व अभिवादन याना याना  
चवंगु दु ।



१२४६. “वैश्रवण महाराजया नलिनी धयागु क्रिडास्थलय् न्हचाइपु तायेका च्वनीथें अचिन्तनीय कथंया सम्पूर्ण गुण समुत्पन्न जुया च्वंगु उत्तम व मनोरमगु विमानया प्रासादय् नारीगणपिं नापं व नं न्हचाइपु तायेका च्वंगु दु ।

बञ्जा:नं न्यन

१२४७. “भो यक्ष ! छपिं देवता ख:कि अथवा यक्ष ख ? मनुष्य ख:कि अथवा देवराज इन्द्र ख: ? जिपिं सार्थवाह बञ्जापिसं न्यनाच्वना, धया बिज्याहुं, छपिंगु नां छु ख: ?

यक्षं धाल

१२४८. “जि सेरिसक नांम्ह यक्ष ख:, वैश्रवण महाराजया वचनयात पालन याना थुगु मरुभूमि कान्तारया लंय्, थन यागु प्रदेश आरक्षायानिं गुप्तरूपं च्वनाम्ह ख: ।

१२४९. “छं गथे इच्छा याइगु ख: अथे हे परिणत जुया च्वंगु दु । थ्व स्वयं थमं याना दुगु अथवा द्योनं ब्यूगु ? जिपिं सार्थवाहु बञ्जापिसं छलपोलयाके न्यना च्वना, गुकथं छपिंत मनज्ज जुइक थुगु ऐश्वर्य प्राप्त जूगु ख: ?”

यक्षं धाल

१२५०. “न त थ्व जिं दय्का तयागु ख:, न त द्योनं ब्यूगु ख:, न त आवश्यक कथं परिणत जूगु ख:, थ्वला जिं थमं हे पाप मयासे यानागु पुण्य कर्मद्वारा पर्याप्त रूपं प्राप्त जूगु ख: ।”

पुण्यया स्वरूपयात बञ्जानं न्यन

१२५१. “छपिसं छु व्रत कया, छु ब्रह्मर्यय् चवना, गुजागु सुआचरण याःगुलिं थ्व विपाक प्राप्त जूगु खः ? थ्व खं न्यना चवना छपितं गुकथं थुगु विमान प्राप्त जूगु खः ?”

थम्हं यथोचित पुण्य यानावःगुयात यक्षं धाल

१२५२. “गुबले कि, जि कोशल राज्य चले याना चवनागु खः, अबले जित पायासी राजा धका सकसिनं म्हंस्यू । उबले जि नास्तिकदृष्टि, नुगःस्याम्ह, उच्छेदवादी व पापी-अधर्मीम्ह, जुया चवना ।

१२५३. “बहुश्रुत, धर्मकथिक, प्रसिद्धम्ह, श्रमण कुमारकाश्यप दुगु खः, अबले वसपोलं जित धर्मोपदेश याना बिज्यात, अले जिगु दृष्टिरूपी कं लिकया बिल ।

१२५४. “उबले जिं वसपोलया धर्मोपदेश न्यना उपासकत्वया ज्ञान दयेका । प्राणीहिंसां विरतम्ह जुया, मबीकं कायेगु त्याग याना, मद्यपान मयाइम्ह जुया, मखुगु खं मल्हाना, थःम्ह मिसा छम्हनापं जक सत्तुष्टम्ह जुया चवनाम्ह खः ।

१२५५. “जिगु व हे व्रतं, व हे ब्रह्मचर्यं, व हे सुआचरणद्वारा थुगु विपाक दुगु खः । उगु हे निर्दोषगु कर्म व पुण्यं याना थ्व विमान प्राप्त जूगु खः ।

यक्षया विमानयात खंका कर्मफलप्रति श्रद्धा तया बञ्जापिसं धाल

१२५६. “पुण्यवानपिं गन गन वनी अन अन हे इच्छा जूगु पुरे जुइगुलिं आनन्द तायेका च्वनी धका गुगु सत्य खंयात सप्रज्ञावान नरपिसं धया च्वनीगु खः उगु पण्डितपिनिगु वचन मेकथं मजू ।

१२५७. “स्यायेगु, चीगु, शोक पीडा व हानी जुइगु ज्या थन थनसं याइ, अन अन हे पापकर्म वनी, अले इपिं दुर्गतिं गुबले मुक्त जुइ मखु ।”

थथे इपिं खं लहाना च्वंबले सिरिसक धयागु सिमां सिपातिक फल छगः कुतुंबल । अबले यक्ष सहित सकल परिवारया मनय् दुःख ताय्का च्वंगु खंका बज्जापिसं न्यन-

१२५८. “लखय् छुं छता कुतुं वनीबले लः सथे आः थुगु क्षणभरं हे शोकं जाःगु खाः छलपोल कुमार सहित मेपिनि नं जुया च्वन, छलपोलपिसं छाय् दुःख ताय्का च्वना ?”

Dhamma.Digital

यक्षं धाल

१२५९. “भो तात ! थुगु सिरिसवनं दिव्यमय सुगन्धितगु प्रवाहित जुया च्वंगु दु, उगु दिव्यमय सुगन्तित थुगु विमानय् छचाख्यरं जक प्रवाहित जुया च्वंगु मखुसे थःगु प्रभावं चानं न्हिनं अन्धकार मदेका बिल ।

१२६०-१२६१. “थुगु सिरिसवृक्षय् सच्छिदं दय्का तिनि सिपातिक धयागु फल छगः कुतुं वइ, अबले मनुष्यपिनि नं सच्छिदं बिते जुइ धुंकी । गुबले कि, जि थन (भूमी देवतापिन्थाय्) जन्म कया उबले जिं खंका कि, ध्व विमानय् न्यासः दैतक च्वना आयु क्षीण व पुण्य

क्षीण जुल धायेवं थुगु थासं च्यूत जुइगु जुया शोकया कारणं जिपिं मूर्छितं जूगु खः ।”

बञ्जापिसं धाल

१२६२. “थन गुलि नं उत्पन्न जूपिं खः इमिसं छाया पीर काये माःगु दु ? अपायच्चवकं बालागु अतुलनीयगु विमान प्राप्त जूगु दु, आयु नं ताहाकः जू । इमिसं जक पीर कायेमाःकि, गुपिनि आयु अपो मदु, अले पुण्य मगाःपिं जुइगु खः ।

यक्षं धाल

१२६३. “भो तात ! जित छं योग्यगु रूपं ओवाद बिल, गुगुकि, छं जित प्रिय जुइगु वचन धाल, उकिं हे तात ! जिगुपाखें छिपिं थन सुरक्षित जुया च्वंगु दु, आः छिपिं गन इछा यानागु खः अन मग्नासे हुं ।”

कृतज्ञ भावं बञ्जापिसं धाल

१२६४. “जिपिं सिन्धुराज्यया सोवीरभूमी वना इच्छा यानाथे धन कमाई यानालि छःपिंगु नामं सैम्पूर्ण त्याग याना अतिकं भव्य रूपं छपिंगु नौ तया सेरिसक उत्सव मानय यायेगु प्रतिज्ञा याना ।”

यक्षं धाल

१२६५. “थुकथं सेरिसक उत्सव धका माने याये मते । अथे याये माःगु मदु । गथे छिमिसं मतीतया धाःगु खः व पुरे जुई (धन लाभ जुई) । पाप कर्म त्यागया, धर्मे लगे जुया शिक्षात ग्रहणया ।

१२६६. “बहुश्रुतम्ह, शील व व्रतं सम्पन्नम्ह, श्रद्धालु, त्यागी, सुआचरणं युक्तम्ह हानं बुद्धिवानम्ह अले निगू लोकयात नं हित जुइगु स्यूम्ह थ्व छिभिगु पुचलय् उपासक छम्ह दु ।

१२६७. “चाय्क चाय्कं मखुगु खँ मल्हाइम्ह, मेपित्त स्यायेगु चित्ते मदुम्ह, मिलेजू पित्त फाया बीगु चुक्लि खँ मल्हाइम्ह, नाइसे च्वंक खँ ल्हाइम्ह व मधुरगु खँ ल्हाइम्ह खः ।

१२६८. “गौरव तये सःम्ह, विनम्रम्ह, विनीतम्ह, निष्पापम्ह, अधिशीलेय् विशुद्धम्ह, आर्यवृत्तिम्ह, धर्मानुसारं वं थः माँ बौपित्त पालन पोषण याना च्वन ।

१२६९. “जिं स्यू, वं माँ बौपिं गु नितिं भोग्य-वस्तु माला च्वन थःगु नितिं मखु । माँ बौपिं बित्ते जुया वनेवं निर्वाण वनीगु (बुद्ध शासनय्) ब्रह्मचर्य आरण आचरण याना जुई ।

१२७०. “तप्यंगु स्वभावम्ह, बेकोगु स्वभाव मदुम्ह, शठ (उगोयायेगु) स्वभाव मदुम्ह, छल कपट मदुम्ह, धया काय् ज्यूगुयात वचनं प्रकटयाना मकाइम्ह, उगु रूपया सुकृत-कर्मकारी, धर्मय् च्वंम्ह, उम्ह व्यक्तियात गथे दुःख जुई ।

१२७१. “भो बञ्जापिं ! उम्ह (उपासकया) कारणं याना हे जि छिभिगु न्हचोने प्रकट जुयाम्ह खः । उकिं (वैत रक्षा यानाथें छिमित नं रक्षा याये), धर्मयात रक्षा यायेगु स्व । छिपिं जंगलय् लँ द्वंगुलिं याना मिखा काँ समानपिं जुया थन थुगु मरुभूमीया कान्तारय् अनाथ जुया

भष्म जुया वनीपिं खः । छिमिसं मेपित् अपमान यायेगु अर्थात् पीर बीगु धयागु अःपुसे च्वं, सत्पुरुषपिंनापं सङ्गत यायेगु धयागु सुख दइगु खः ।”

बञ्जानं न्यन

१२७२. “भो यक्ष ! वयागु नाँ छु खः, वं छु ज्या याना च्वनीम्ह खः, माँ बौपिसं वैत छु नामँ सःतीगु ? अले व छु गोत्रयाम्ह खः? गुम्हसित अनुकम्पा तयेया नितिं छःपिं थन बिज्यानागु खः, उम्हसित जिमिसं नं म्हसीकेगु मती तया च्वना । छःपिनि यःम्ह गुम्ह खः उम्हसित लाभ जुइगु खः ।”

यक्षं धाल

१२७३. “वयागु नाँ “सम्भव” खः । गुम्हकि, व नौ खः । सँ खाकेगु, सँ छचनेगु ज्या याना जीविका याना च्वंम्ह उपासक खः, व छिमिगु ज्या याना बीम्ह सेवक खः, वयात छिमिसं म्हस्यू । सुआचरणं युक्त जुया च्वंम्हसित अपमान याये मते ।”

बञ्जापिसं धाल

१२७४. “भो यक्ष ! गुम्ह ब्यक्तिया खँ छपिसं धया बिज्यात जिमिसं वयात म्हसिल, वयाके उजागु गुण दु धका जिमिसं सीके मफुत, भो यक्ष ! छपिगु खँ न्यना आवंलि जिमिसं नं वयात प्रसन्नगु चित्तं पूजा याये ।”

यक्षं धाल

१२७५. “ल्याय्म्ह, बाभा वंपिं व बुढापिं गुलि नं मनूत ध्वनाप वयाच्वंपिं खः इपिं सकलें विमानय् थाहाँ वा, कपटि जुया यानागु पुण्यया फलयात स्वया का ।”

धर्मसंग्राहकपिनिपाखें उल्लेख जूगु

१२७६. “म्हतिं म्हतिं जि न्हापा वने धका हाला वंसां न्हापालाक उम्ह नौ उपासकयात विमानय् थतकया तिनि मेपित विमानय् थकाल । (विमानयागु सौन्दर्ययात खंका इमिसं धाल) थ्व विमान ला देवराज इन्द्रया देवभवन समान जू खनिका ।

१२७७. “उपिं अन सकलें जि न्हापालाक वने जि उपासक खः धयागु भावयात क्यना धया च्वन प्राणी हिंसां विरत जुया च्वनागु दु, लोकय् मबीकं कायगुयात त्याग याना च्वनागु दु, मद्यपान मयाना, मखुगु खँ मल्हाना, अले थःम्ह मिसानाप जकं सन्तुष्ट जुया च्वनागु दु ।

१२७८. “उपिं अन सकलें जि न्हापालाक वने जि उपासक खः धका उपासकया भावयात क्यन । बारम्बार यक्षया प्रभाव व ऋद्धियात प्रशंसा याना अनुमोदन याना ल्याहां बल ।

१२७९. “उपिं सिन्धुराज्यया सोवीरभूमी वना धन आर्जन यायेगु मती तया, प्रार्थना याःगु अनुसारं धन आर्जन याना इच्छानुसारं परिपूर्ण जूइक लाभ यानालि बिघ्न बाधां रहित जुया याउंक थःगु दे पाटलिपुत्र ल्याहां वना थःथःगु थासे थ्यंकः वन ।

१२८०. “उपिं सकलें याउंक छेंय् थ्यनेवं थः परिवारपिं काय् कलापिं नाप लाये धुंकालि, आनन्द, प्रीति, प्रसन्न व सुप्रसन्न जुया सेरिसक धयागु भव्यकथं महोत्सव यात । इमिसं सेरिसक धयागु धर्मशाला (परिवेण) नं दयेकल ।

१२८१. "सत्पुरुषया सेवनं धुजोगु फल दत ।  
धर्मगुणया सेवनं महान मङ्गल जुल, छम्ह उपासकया कारणं  
याना इपिं सकल सत्त्वपित सुख जुल ।"

## ११. सुनिक्खत्तविमानवत्थु

१२८२. "मणि थुना तःगु थ्व विमान तःजाः जू,  
गुकिया प्यखेसनं भिनिगू भिनिगू योजन दु हानं गुकी  
मनयात न्हचाइपकीगु बाँबांलाःगु स्तम्भतनं दु हानं कोठाय्  
कोठाय् सुवर्णया सिपूत लाया तःगु दु ।

१२८३. "उकी च्वना छं नयाच्वन, छं त्वना च्वन,  
मधुरगु दिव्यमय वीणाया शब्द नं ताये दु हानं थन  
पञ्चकामगुणया दिव्यरसनं दु अले सुवर्णमय नारीपिं नं  
प्याखँ हुया च्वपिं दु ।

१२८४. "गथे छंगु उजागु वर्ण जूगु खः ? गथे  
छंत थथे सिद्ध जूगु खः? छंतः यःगु भोगसम्पत्तित नं  
उत्पन्न जूगु खनेदु ।

१२८५. "हे महानुभावसम्पन्नम्ह देवपुत्र ! जिं न्यना  
च्वना कि मनुष्य जुया च्वनाबले छं छु पुण्यकर्म याना ?  
गथे छ थपाय्सकं तेज दुम्ह जुल ? गथे छंगु शरीरया  
तेज फुक्क दिशापाखे प्रकाश जुल ?"

१२८६. मौद्गल्यायनद्वारा न्यंगु प्रश्नत न्यना उम्ह  
देवता लय्ताया गुगु कर्मया फलद्वारा उगु सम्पत्ति प्राप्त  
जूगु खः व खँ कना वं थथे धाल—



१२८७. "जिं काश्यप बुद्धयागु धातु चैत्यय् चिच्चा दना च्वंगु स्वांयात बांलाक मिले जुइक तया सुगतया गुण लुमंका स्तूपय् छायापा पूजा यानागु पुण्यं महर्धिक व महानुभावगु दिव्य कामभोगं सम्पन्न जुल ।

१२८८. "उकियागु हे प्रभावद्वारा जिगु शरीर थुजागु वर्ण जूगु खः, उकियागु हे प्रभावद्वारा थन जिगु इच्छात सिद्ध जूगु खः, उकियागु हे प्रभावद्वारा जित यःगु वस्तुत नं लाभ जूगु खः ।"

१२८९. "हे महानुभाव सम्पन्न भिक्षु ! मनुष्यलोक्य च्वना च्वना बले गुगु पुण्यकर्म जिं यानागु खः व कनेधुन; उगु हे कर्मया प्रभावद्वारा तेज दुगु शरीर जूगु खः, उकियागु हे प्रभावद्वारा जिगु शरीरया तेज फुक्क दिशापाखे प्रकाशित जूगु खः ।

Dhamma.Digital

सुनिक्खितवर्ग क्वचाल ।

निगू दरिद्र, वनविहार, भतक, गोपाल, कन्थक ।

अनेकवर्ण, मट्टकुण्डली, सेरिसक व सुनिक्खित ।

पुरुषपिनिगु स्वंगूगु वर्ग धयातल ॥

प्यंगू भाणवार क्वचाल ।

विमानवत्थु क्वचाल ।

## अनुवादकया संक्षिप्त परिचय

ना : भिक्षु बोधिसेन महास्वविर  
 बु दि : वि.सं. २००७ माघ २५ गते  
 (शुक्ल प्रतिपदा) गावहाल, यल ।  
 गृहस्थ ना : बुद्धरत्न वज्राचार्य  
 या:या ना : महन्त वज्राचार्य  
 मां या: ना : केशरी वज्राचार्य



य: खुदं दुबले वा: महन्त वज्राचार्य  
 सहित मां पि निम्हसिन गृहस्थाश्रम त्याग  
 याना कुशीनगरय् चन्द्रमणि महास्वविरया आचार्यत्वय् प्रवृजित जीवन  
 हना विज्यात । वसपोलपिनि हे अनुकरण याना वि.सं. २०२३ साल  
 वैशाख महिनाय् भिक्षु अतुलसेन महास्वविरया आचार्यत्वय् बहुजन बौद्ध  
 आनन्द विहार सोनादा, दार्जीलिङ्गय् श्रामणेर जुया विज्यात ।

उपसम्पदा २०२७/७/२९ खुन्हु मालनदी उदक सीमा

उपज्जाय : भिक्षु धर्मधर महास्वविर

आचार्य : भिक्षु अतुलसेन महास्वविर

### निर्माण कार्य

१. विहार निर्माण सदस्य : सोनादा बहुजन बौद्ध आनन्द विहार
२. विहार जिर्णोद्धार सदस्य : माल, बौद्ध सद्दाश्रम
३. विहार जिर्णोद्धार प्रमुख : बनेपा सुदर्शन
४. विहार निर्माण प्रमुख : बनेपा बोधिचर्या

शिक्षा : कक्षा नौ, दार्जीलिङ्ग

धार्मिक शिक्षा : सूत्र व विनय विशारद (बी.ए.) दार्जीलिङ्ग

भ्रमण : भारत, भूटान, बर्मा, थाइल्याण्ड

संस्था : अखिल नेपाल भिक्षु महासंघ सहसचिव, बुद्ध जयन्ती  
 समारोह समिति, बनेपाया धर्मानुशासक व बोधिचर्या  
 ज्ञानमाला संघ धर्मानुशासक

नेपाली टि.बी. : शुक्रवार सुधे ६:४०, (धार्मिक कार्यक्रम)

साधनासङ्गम, धर्म-देशक ।

इच्छा : धर्म प्रचार, धर्म ग्रन्थत च्चयेगु व मित्रता ।